

THE HISTORY OF THE CITY OF BOSTON

FROM THE FIRST SETTLEMENT TO THE PRESENT TIME

BY NATHAN OSGOOD

VOLUME I

BOSTON: PUBLISHED BY LITTLE, BROWN, AND COMPANY, 1888.

NEW YORK: PUBLISHED BY LITTLE, BROWN, AND COMPANY, 1888.

PHILADELPHIA: PUBLISHED BY LITTLE, BROWN, AND COMPANY, 1888.

CHICAGO: PUBLISHED BY LITTLE, BROWN, AND COMPANY, 1888.

ST. LOUIS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

CINCINNATI: PUBLISHED BY LITTLE, BROWN, AND COMPANY, 1888.

CLEVELAND: PUBLISHED BY LITTLE, BROWN, AND COMPANY, 1888.

COLUMBUS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

ST. LOUIS: PUBLISHED BY LITTLE, BROWN, AND COMPANY, 1888.

CHICAGO: PUBLISHED BY LITTLE, BROWN, AND COMPANY, 1888.

CINCINNATI: PUBLISHED BY LITTLE, BROWN, AND COMPANY, 1888.

CLEVELAND: PUBLISHED BY LITTLE, BROWN, AND COMPANY, 1888.

COLUMBUS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

ST. LOUIS: PUBLISHED BY LITTLE, BROWN, AND COMPANY, 1888.

CHICAGO: PUBLISHED BY LITTLE, BROWN, AND COMPANY, 1888.

CINCINNATI: PUBLISHED BY LITTLE, BROWN, AND COMPANY, 1888.

CLEVELAND: PUBLISHED BY LITTLE, BROWN, AND COMPANY, 1888.

COLUMBUS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

ST. LOUIS: PUBLISHED BY LITTLE, BROWN, AND COMPANY, 1888.

CHICAGO: PUBLISHED BY LITTLE, BROWN, AND COMPANY, 1888.

CINCINNATI: PUBLISHED BY LITTLE, BROWN, AND COMPANY, 1888.

CLEVELAND: PUBLISHED BY LITTLE, BROWN, AND COMPANY, 1888.

COLUMBUS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

ST. LOUIS: PUBLISHED BY LITTLE, BROWN, AND COMPANY, 1888.

CHICAGO: PUBLISHED BY LITTLE, BROWN, AND COMPANY, 1888.

CINCINNATI: PUBLISHED BY LITTLE, BROWN, AND COMPANY, 1888.

CLEVELAND: PUBLISHED BY LITTLE, BROWN, AND COMPANY, 1888.

COLUMBUS: PUBLISHED BY LITTLE, BROWN, AND COMPANY, 1888.

INDIANAPOLIS: PUBLISHED BY LITTLE, BROWN, AND COMPANY, 1888.

欽定勦平捻匪方略卷一百九十三 癸亥年

七月初一日乙巳吳棠奏言臣昨探聞壽州據

已飛飭黃開榜水師趕緊起隊接皖並飭姚廣
武力顧蒙北餉道不敢稍任延誤查苗逆攻撲
蒙壽竊踞懷遠各路皆有官兵堵勦壽州之所
以失陷者以內應開城所致城中糧盡變生故
該逆得肆其詭計然苗逆非若捻匪之能馳驟

於千百里外也苗逆每叛必圖勾捻竊揣北路
情形勦苗援皖仍以先勦捻匪爲要務春閒親
王僧格林沁削平諸捻得力於馬隊居多旋因
勦匪直東各捻復行猖獗又值苗逆倡亂官軍
未暇專征迄今糾衆數萬踞圩百餘若不及早
掃除偪脅日多捻勢日熾將來僧格林沁南下
勦苗亦恐爲捻逆中阻苗逆恃捻爲屏蔽勢將

不可收拾仍求

諭飭僧格林沁剋日督帶馬步勁旅先行南征捻逆
翦除羣醜殲滅元兇在此一舉姚廣武一軍因
徐境各匪有北竄之信臣已飭其折回宿營就
現有兵力亟籌堵禦

同日唐訓方奏言六月十五十六等日苗逆水
陸馬步隊自壽州撤回懷遠不下七八千人以

一大支渡渦倚林家圩北搶紮數營以一小支渡淮傍上洪河岸賊營附近築壘並添礮划四五十隻以護之兩岸逆黨分股出撲其林圩迤北之賊徑撲蔡光武趙昌富兩營蔡光武等憑牆穩守該逆撲近濠邊始開排槍轟斃賊目數人賊卻而復前朱淮森等各出隊伍排列壘後防賊包抄張得勝等督軍迎敵蔡光武等自內

擊之斃賊數百名賊始潰退入壘堅閉不出其上洪之賊同時徑撲唐敏興等營盤又以礮划傍淮徑衝我軍李家嘴水隊許懋德等擺開礮船互相抵敵普承堯飭各哨嚴陣以待自帶親軍徑赴上洪唐敏興等見援軍已至啟門出戰普承堯揮軍壓下斃賊數百賊乃遁去其李家嘴河下賊划亦經許懋德等擊退先是諜報該

逆由淝河下游後湖舟載悍賊千餘人將由劉
家口繞竄臨淮以阻糧運 臣卽調回姚榮麒一
營移紮北岸小蚌埠而以李振基所部礮船水
練嚴扼沫河口以備之其南岸苗逆死黨已革
知府金汝霖爲賊內應欲截普承堯等軍之後
臣計斬之十八日金汝霖之姪金泳源果勾苗
黨張士端等率二千人分踞各圩並連夜在大

蚌埠紮營據划大爲糧運之患十九日張得勝
等軍在蚌埠與賊相持 臣飭陳松等各帶隊伍
約張得勝上下夾攻二十二日天色將曙各軍
齊至大蚌埠立將賊划擊敗餘賊棄舟而逃斃
賊無算 臣查苗逆狡謀專以繞後路斷糧道爲
長技此次乘壽州淪陷水陸東下我軍飢困之
餘前後受敵勉強支持晝夜勞瘁深恐屢戰力

集我圖不田卷二百九十三 四
疲稍有挫折致全淮大局不堪設想蚌埠賊划
雖經擊退而陸賊負隅如故 臣擬稍休兵力一
俟彭玉麟楊岳斌黃開榜水師趕到卽飭前敵
諸軍會合進剿

唐訓方又奏言近日苗逆以蒙城久困志在必
得勾結捻黨阻絕亳州糧路又於渦河北岸日
添悍黨凡自蒙抵宿之小澗集等處步步爲營

宿州糧路亦爲所阻總兵姚廣武因聞捻匪有
北竄之說折回徐州防勦強留不得臨淮又無
兵分援蒙城糧盡餉絕設有疏虞亳州太和無
兵防守勢必相繼淪亡且恐該逆乘虛北犯歸
陳等屬中原大局將不可問曷若乘蒙城未失
厚集援兵猶可保淮北之土疆固豫東之門戶
僧格林沁現派訥木津馬勇五百來援尙恐兵

集賢堂卷之三十三 三
力單薄未足以解蒙圍而通糧路相應請

旨仍飭僧格林沁迅撥大隊星夜赴援以支危局均

奏八

上命議政王軍機大臣傳諭僧格林沁吳棠唐訓方
曰苗逆徧脅各圩每以包截官軍後路爲長技此
次乘壽州淪陷水陸東下猛撲臨軍唐訓方所部
各軍飢困之餘深恐屢戰力疲現在蚌埠賊划雖

經擊沈多隻而陸賊仍負隅死守著唐訓方仍督各軍妥籌戰守俟彭玉麟楊岳斌黃開榜等水師趕到卽飭前敵諸軍水陸會攻蒙城被圍日久苗逆旣勾各捻阻絕亳州糧路復添悍黨於小澗集等處並有任百幅捻股在臨渙等處滋擾馬新貽英翰兩軍勉力戰守而兵力無多糧運屢斷吳棠所派援蒙之姚廣武一軍因徐境各匪有北竄之

信調回防勦現據該漕督所奏又有由豫東兩省
回宿敗捻誘脅各圩衆至數萬其李大箇孜等盤
踞車岳二集糾黨撲擾永城各民圩及在宿州煽
脅各圩已有二萬餘人聲言北竄若不及早掃除
將來北路大軍南下亦恐爲捻逆中阻苗逆猖獗
愈甚勢將不可收拾吳棠與唐訓方所奏各情大
略相符均請飭僧格林沁移師赴皖情詞甚爲迫

切僧格林沁攻克淄城現在各軍移勦白蓮池教
匪該處賊巢垂破我軍已形得手可否分兵先行
馳救蒙城與臨淮之軍相爲援應免致苗逆醜黨
日肆及將來進兵不至爲宿亳一帶捻匪所阻之
處著僧格林沁悉心妥籌該大臣卽不能親往蒙
城必須調派得力兵將前去傅振邦黃國瑞二員
何員最爲得力著該大臣酌量迅速調派一面奏

聞唐訓方仍就現有兵力竭力支持以待援師吳棠嚴飭姚廣武速將宿西各匪剿除卽折回宿境併力堵剿與馬新貽英翰等軍聲勢聯絡以通蒙城糧運訥木津桂錫楨之軍已有招降李大箇攷股匪之稟何以該匪復糾黨聲言比竄著僧格林沁嚴密確查仍飭訥木津等速行折回宿境合力剿賊毋許觀望唐訓方所奏有已革知府金汝霖

爲苗逆內應現已計擒就戮此等衣冠悖逆殊堪
髮指其籍貫何處眷口例應連坐著唐訓方密行
查拏辦理

初二日丙午張之萬毛昶熙奏言汝軍圍攻張岡

賊巢自擒斬擒首張鳳林後臣毛昶熙親臨前
敵激勵將士力圖攻拔臣張之萬亦添派知府
尹耕雲與張曜等會籌進取逆首霍光玉仍糾

合蕭汝信王暴牙等負嶠死守六月十八日張
曜等躬率各軍緊逼賊寨設立礮臺晝夜轟擊
斃賊無算二十日夜霍逆單身出道張曜等豫
派兵弁尾追立將該逆擒獲張曜等知首逆既
擒賊巢必亂傳令進兵取寨並令陳祿興等挑
選精銳分路堵擊張曜策馬當先手勿退縮者
數人各勇益奮直逼寨根連放噴筒火箭延燒

寨內房屋火光燭天賊衆大亂各勇呼聲震地
一擁而登砍倒站牆悍賊爭先入寨該匪拌命
巷戰我軍冒火縱擊賊屍枕藉計斃悍賊一千
餘名陣斬首惡蕭汝信生擒王暴牙羅淙邦等
及張瀨林家屬共一千六百七十餘名其逸出
寨外者復經各軍截殺並無一名漏網搜獲張
總愚僞印一顆槍礮器械無算救出難民二千

餘人立將堅巢攻拔首逆霍光玉王暴牙羅淙
邦等解赴郡城由 臣張之萬訊明正法查張曜
一軍攻克尙店後移得勝之師會合前敵各營
合圍進逼諸將士同心敵愾用奏膚公積年巨
患一旦殲滅刻下汝南全境肅清 臣等擬卽簡
銳東征掃除亳東餘孽所有在事尤爲出力之
副將陳祿興等分別開列擬請先予獎敘出自

天恩其餘出力文武員弁紳練兵勇容臣等查明覈實奏請獎勵陣亡之千總陳定國應請

旨交部照例議卹以慰忠魂

張之萬毛鴻熙又奏言據遊擊呂振河稟稱馳抵太康探得賊在柘城太康交界之大宋莊寶臺寺一帶乘夜擾竄當卽會兵往剿斃賊百數十名賊往東南敗去我軍追殺復敗諸觀音堂

又據孫之文稟稱由商水縣拔隊行至陳郡西
南二十里之李家寨遇賊馬數百騎該副將揮
兵齊進斃賊一百餘名現在收隊赴陳探蹤進
剿歸德各屬鄉團俱有斬擊又據探稟皖捻由
商水之八里灣西王廟西竄將由沙河南北兩
岸向鄆城縣南之羸灣河西擾各等語臣等亟
思卷旆東征滅此朝食無如張岡新破善後方

殷一旦盡隊而行遺孽又恐蠢動且臣張之萬
新募之勇寥寥數營甫飭候選道葛承霖赴湘
招勇往返需時現所恃以攻堅制勝者止張曜
一人而其所部六營因連攻堅寨疲不可用然
臣等亦不敢停兵而玩寇也現復將張岡撤回
之敖天印三營飭令卽日進紮郾城以遏西北
之衝顧省防而通宛葉復挑各營精壯分起前

進以爲應援與赴商水之尹嘉賓紮陳郡之孫
之友相爲犄角步隊以逸待勞專令馬隊蹶之
復飭各屬鄉團互相聯絡一面飛飭李世玉馬
步三營往來睢杞柘鹿以顧省東並防賊之回
遁臣等整頓稍有端緒擬卽由汝起營各赴防
所取道進兵以期迅殄逆氛

張之萬又奏言汝南悍賊兇渠逋聚張岡一處

翦滅尤難賴官軍四面攻圍無閒風雨晝夜乃
得鏟除淨盡不留餘孽候補總兵張曜始終汝
南軍務厥功甚偉摧堅陷銳艱險備嘗攻平輿
時項受槍傷鉛丸未出至今凸起髮際每逢陰
雨猶然痛楚其臨陣身先往往經旬日不交睫
此固汝南士民所共知者也自奉

旨改官總兵後臨敵慮勝奮勉更倍於前特於駕馭

文員及關涉地方諸事未免呼應不靈竊思文
階武職皆因材器使之途前次勉以馳驅旣可
以文改武此日錄其功績卽可由武還文轉移
悉繫夫

聖裁鼓舞益伸夫士氣合無仰懇

天恩准將改用總兵張曜仍以藩司候補之處出自
逾格鴻慈奏入

上命議政王軍機大臣傳諭張之萬毛承熙曰張岡
旣下汝南一帶肅清自應移兵歸陳以爲防苗勦
捻之計張之萬等所陳兵力疲乏請俟整頓稍有
端緒卽行卷甲東征固屬實在情形惟苗逆自陷
壽州勢愈臨張而蒙城被圍日久危如累卵歸陳
一帶若不豫設重兵嚴密扼守萬一該逆乘虛西
竄張之萬等何以禦之况皖捻餘燼復燃柘城太

集
卷之二
二十三
二十三

康等處肆擾殆無虛日尤應迅速剿滅以免燎原
卽著督飭在防兵勇實力扼剿張之萬等一面將
募練各營趕緊整頓剋期東發以剿爲防歸德一
帶本係毛永熙舊日駐紮之所卽著統領所部先
赴該處調度聯絡兵團以壯聲勢張岡新復人心
未定一切善後事宜著張之萬等妥爲籌辦張曜
衝鋒陷陣所向有功前由藩司改用總兵實爲用

其所長朝廷文武並重毫無歧視該總兵自改官後臨陣慮勝奮勉更倍於前卽是該員秉性忠勇可以永受殊恩之處此次已加恩賞還提督銜張之萬等可傳諭張曜令其愈加策勵始終不渝果能殲除苗逆盡掃捻氛則懋賞酬庸正不止藩司已也

上諭內閣曰官軍攻克張岡賊巢擒獲巨捻汝南一

律肅清張曜自攻克尙店後復移得勝之師迅拔
賊寨實屬奮勇出力著加恩賞還提督銜副將陳
祿興李殿元均著以總兵補用副將黃貴誠著賞
給該員祖父母父母二品封典遊擊邵春仁靳玉
書均著以參將儘先補用並賞加副將銜都司蔣
東才宋徵文均著以遊擊儘先補用並賞加副將
銜都司王占鼇著賞給敢勇巴圖魯名號左成元

著以遊擊儘先補用羅中魁著賞換花翎蔡法著
賞戴藍翎守備殷華廷等二員均著以都司留於
河南補用並賞加遊擊銜千總傅守巽著免補守
備以都司儘先補用並賞戴藍翎守備吳廷魁著
以都司補用千總喻魁等三員均著以守備補用
並賞加都司銜驍騎校木克金布著以防禦補用
已革都司連美著開復原官並賞加遊擊銜已革

守備王鳳鳴著開復原官降補縣丞單體晉著開
復降補處分仍以知縣分發省分補用外委劉瑞
麟等二員均著以把總補用並賞戴藍翎知州李
孟平著免選本班以知府分發省分儘先補用知
縣陳裕傳著俟補缺後以同知補用千總王豫升
著以守備儘先補用並賞加都司銜把總吳榮恩
著以守備用並賞換花翎其餘出力員弁兵勇著

准其擇尤保奏候朕施恩毋許冒濫陣亡千總陳
定國著交部照例議卹

初五日酉已劉長佑奏言六月二十四日據探馬

賊數百名在館陶縣屬之灘上村對岸窺伺意

圖搶渡臣派參將邱瑞祥張九元各率兵勇馳

往該處會同都司張得祿列隊堵禦斃賊數十
名該匪始行退竄二十五日馬賊二三百名在

樓子坡崔家莊一帶擄掠總兵徐廷楷等擊卻之其大營河口等處馬賊均經署天津鎮總兵春霖等堵截屢有斬擒臣於二十八日馳抵大營河口與提臣恆齡翼長蘇克金悉心商酌分進莫若合攻擬於本月初七八等日由臣親督步隊馳赴臨清與恆齡蘇克金馬隊會合用滾營法步步輪轉進紮隨將高禾節節芟刈俟距

賊巢稍近再行大舉合圍東南兩路已飭丁寶楨保德各帶兵勇進紮柳林團附近地方該處距賊巢僅十二里屆期督團齊進聲勢亦易聯絡至西北防務尤爲喫重業經添兵分駐河沿並囑新授藩司王榕吉大名道祝塏督飭巡防以資捍衛

劉長佑又奏言直東交界逸匪甚多曾飭嚴密

搜拏毋任再圖勾結嗣據大順廣道祝壇稟稱
查有匪首陳占奎卽陳六籍隸元城縣上年勾
結邯鄲縣教首王守青妄立僞號聚衆起事當
將王守青獲辦該犯脫逃自東匪張錫珠滋事
復聚黨擾害地方密派守備連九皋等於五月
初八初十等日將該犯暨夥匪連平王謹田湖
等擒獲分別正法又據鉅鹿縣知縣石元善稟

訪得匪首駱洛瞬卽駱城遜潛至廣宗縣境卽
密往兜拏將該犯弋獲訊明正法梟示又查咸
豐十一年山東館陶邱縣一帶土匪蠢動蔓延
直境係教匪孫全芒石添雨等倡亂其石添雨
等先經姜國仲擒斬茲徐廷楷派弁復將孫全
芒誘擒解營提訊供認十一年率衆攻陷邱縣
等處城池本年四月投歸宋逆六月初一日出

探官兵消息圖爲宋逆接應等供當於軍前極
刑處死以昭炯戒奏入

上命議政王軍機大臣傳諭劉長佑崇厚曰劉長佑
馳抵大營河口與恆齡等面商進止機宜現由該
督親率步隊與恆齡蘇克金馬隊會合用滾營法
步步進紮隨將高禾節節芟刈俟近賊巢再行大
舉合圍並飭丁寶楨保德各帶兵勇進紮柳林團

附近地方以便屆期督團齊進所籌均尙妥協該
督與恆齡蘇克金等旣謀慮僉同著卽照所擬趕
緊辦理以期及早合圍得以揜渠濇穴仍須計出
萬全不可輕於嘗試致有疏虞灘上村樓子坡等
處匪黨時來窺渡肆擾雖經各帶兵將領等疊有
斬揜仍須飭各兵勇嚴密巡防大營河口尤須督
飭春霖等嚴遏北竄毋令該匪乘閒竄突直東交

界逸匪甚多所獲陳占奎駱洛瞬孫全芒等處以
極刑辦理甚好所有拏獲各匪出力員弁兵勇著
分別奏請獎敘直東毗連各屬似此伏匿匪黨恐
尙不少仍著飭令各該文武官紳嚴行搜捕一律
辦理

劉長佑又奏言署湖北提督江長貴於六月二
十七日行抵臣營並由川自備資斧帶來親隨

弁勇一百三員名 臣接見該署提督年力正壯
戎事夙諳擬酌撥兵勇派令管帶勦賊奏入報

聞

初八日 壬子 曾國藩奏言苗逆既陷壽州北圍蒙

城益力又遣黨至汪家集西伺霍邱蒙城勢尤
危迫 臣與唐訓方均無兵可撥鞭長莫及憂灼
徒深霍邱居三河六安之中迤東北曰溜子口

密邇正陽最據形勝 臣令蔣凝學暫不赴三河
尖就近駐防溜子口令周寬世撥三營駐防迎
河集該二處皆賊所必爭兵力過單未知能否
穩守毛有銘所部則守六北壽南之老廟集以
杜野掠而保米糧且令良圩有所依附不致盡
歸苗逆指日水師入淮或者大舉會討較有下
手之處奏入

上命議政王軍機大臣傳諭曾國藩吳棠曰苗逆陷
壽州後北圖蒙城西伺霍邱勢甚猖獗著曾國藩
迅催楊岳斌水師星速駛赴臨淮藉資援救唐訓
方仍當就現有兵力妥籌守禦以待援師勿稍鬆
勁曾國藩所稱指日水師入淮或者大舉會討較
有下手之處等語苗逆圍攻蒙城等處兇燄甚張
實有朝不及夕之勢該大臣惟當督飭諸軍迅速

進兵方可轉危爲安制賊死命並著吳棠催黃開
榜帶領水師趕緊馳赴臨淮催姚廣武將徐西之
匪迅速掃蕩卽行回宿以通蒙城糧道毋令頓兵
徐西日久無功

同日閻敬銘奏言淄川餘匪殲除殆盡地方一
律肅清臣在淄辦理善後各事一面飭地方官
加意撫恤並派守備馬春嶠一營暫行留淄彈

壓至淄營兵勇亦分別挑選汰弱留強以節糜
費惟東昌叛匪宋憬詩經直東兩省會勦現當
高粱茂密積潦在途急切難於進兵誠恐乘隙
奔竄刻下衛河西岸有直隸官軍布置周密運
河北岸有恆齡蘇克金馬隊扼防東省之兵祇
有總兵保德兵勇不足二千人臬司丁寶楨步
勇亦僅千人近均進紮堂邑之六官莊逼近賊

巢兵力甚單東南一面實虞竄越臣已派都司
楊通廉守備郭大勝張大富等三營勇隊共一
千五百名由淄營前往助剿歸其統帶惟運河
東岸仍無一兵防守清平等境之梁家淺魏家
灣等處均係河口要隘儻該匪乘虛偷渡東可
直達省垣北可徑趨恩德儻由此擾及直境爲
害尤深臣又派守備韓登泰帶勇五百名迅速

前往魏家灣一帶嚴行防守 臣卽於七月初六
日由淄回省將地方要務稍爲清理親自督軍
至清博一帶擇要駐防以遏該匪北竄之路再
保德丁寶楨等軍已遵

旨飭令聽候劉長佑調遣以一事權奏入

上命議政王軍機大臣傳諭閩敬銘曰宋憬詩一股
劉長佑已移營進逼該匪等被勦窮蹙難保不乘

隄奔竄東昌濱臨運河清平博平等境之梁家淺
魏家灣等處均係河口要隘東可直達省垣北可
徑趨恩德儻該逆乘虛北竄擾及直境尤爲可慮
該署撫現擬回省稍理地方要務卽親自督軍至
清博一帶駐防著卽趕緊料理諸務前往駐紮遏
賊北竄之路毋稍疏忽總兵保德臬司丁寶楨二
員現紮堂邑之六官莊逼近賊巢兵力甚單該署

撫已派都司楊通廉等勇隊一千五百名交其統
帶著飭保德等懷遵疊次所奉諭旨聽候劉長佑
調遣以一事權

初十日

甲寅

唐訓方奏言臨淮官軍於六月二十

五至七月初一等日迎勦賊匪疊獲勝仗而蒙
城之圍未解昨接姚廣武稟報該總兵於二十
三日回宿適遇捻首趙克元等帶領馬隊百餘

向東竄突我軍分投衝擊斃賊甚多登時擊退而趙克元仍盤踞宋家圩抗拒現在趕緊力圖攻取以清後路並於二十日將各處協解蒙城餉銀獲送至侯家圩設法轉解前進仍擬與小澗各營會合夾攻先清餉道再圖節節進剿以解蒙圍等語查蒙城自馬新貽擒獲逆黨胡得靈後高鑪集迤南諸圩反正者二十餘處各出

練丁協助官軍與苗逆接仗惟糧路仍未疏通
苗逆於狼山一帶連紮十七營賊衆我寡賊逸
我勞餉銀能否運到尙未可必馬新貽亦稟稱
現令王才秀穩紮蒙城而自率所部及徐登喜
奮勇四百名移屯小澗密商姚廣武自侯圩前
後夾攻與賊決戰等語情形仍屬十分危迫曾
國藩所派之何紹彩一軍已於初三日到營數

僅二千復因在甯國等處染患時疫現飭趕緊
調養就痊以收實效至壽城踞賊如故查霍邱
之溜子口爲該逆運道由六至壽之迎河集爲
進剿正陽之路而老廟集復爲壽南扼要之區
臣與曾國藩往返函商現以蔣擬學進紮溜子
口周寬世一軍分紮六安州迎河集兩處毛有
銘進紮老廟集均俟辦有端倪隨時奏報

唐訓方又奏言遵查李南華雖係李圩練總年來苗逆疊次尋仇李南華遂將其親丁眷口移居城中三月內苗逆再叛合圍蒙城李南華率本城練丁數百名與勇目徐登喜等隨同官兵剿賊首先衝鋒屢有擒斬迨李圩因飢降苗李南華與徐登喜等猶復各率練丁隨同官兵日與苗逆接戰數次獲捷惟城練無多又值蒙邑

糧道阻絕雖馬新貽不時犒賞接濟究難收飽
騰之效 臣前駐蒙城籌辦善後李南華曾來謁
見 臣知其打仗尙爲勇敢而强悍之習未能盡
除擬俟蒙城解圍苗逆就戮後卽調李南華來
營以五百人交其統帶歸 臣鈐制庶用其果敢
之氣而亦不至貽跋扈之憂奏入

上命議政王軍機大臣傳諭曾國藩吳棠唐訓方曰

蒙城被圍日久糧道斷絕現在就近可以往援者
惟姚廣武一軍何得因趙克元等百餘擒匪輒將
兵力牽掣一隅遂置大局於不顧馬新貽現令王
才秀穩駐蒙城而自率所部移屯小澗密商姚廣
武自侯圩前後夾攻事機已迫萬不可再有遲誤
卽著唐訓方檄調姚廣武等迅速進兵疏通餉道
吳棠仍一面嚴飭該員鼓勇前進毋得託詞防捻

跋前疐後致誤戎機黃開榜水師疊諭駛赴臨淮
至今未報起程並著吳棠迅催前往昨因彭玉麟
赴援江西諭曾國藩迅催楊岳斌督率水師駛赴
臨淮藉資援救此時苗逆勢極猖獗援兵早到一
日庶早救一日之倒懸仍著曾國藩遵旨嚴催毋
稍延緩唐訓方仍就現有兵力妥籌守禦以待援
師並飛催蔣凝學周寬世毛有銘等軍迅紮溜子

口等處約期會勦不可稍有鬆勁李南華打仗尙
爲勇敢且與苗逆爲仇唐訓方務當隨時駕馭籠
絡俾爲我用

中央民族
學院圖書
館藏書

欽定勦平捻匪方略卷一百九十四 癸亥年

七月十一日 乙卯 吳棠奏言據總兵姚廣武稟稱

官軍於六月二十一日出隊迎餉適遇捻首趙克元等率賊數百人突來阻劫經副將艾憲銀等分投擊退立即收隊護餉回營二十三日姚廣武由宿州督軍先將宿西外來捻股悉數擊卻逆首趙克元仍踞宋家圩當令艾憲銀等軍

設法攻取二十七日姚廣武派隊護送餉銀至
侯家圩交知府英翰設法會解赴蒙二十八日
姚廣武進紮侯家圩擬與馬新貽小澗集官軍
會合夾擊先清蒙北餉道節節進攻等語 臣查
苗逆於蒙境狼山一帶日遣夥黨勾捻四出偏
脅民圩宿境西南降圩頗多搖動捻首張總愚
回巢後盤踞侯圩迤西一帶尤虞抄出宿軍之

背姚廣武雖銳意赴援而兵單賊衆情形萬緊
臣已飭該總兵竭力支持毋稍疏忽仍求

天恩諭令親王僧格林沁早日南征以拯危局准曾
國荃函稱現撥總兵丁泗濱等帶三板礮船數
十號由瓜州入口援皖囑臣派人引導臣已飭
黃開榜派員往迎此起水師約會同進至黃開
榜礮船已於七月初二日由高郵起程俟到清

河領取軍械子藥卽飭星夜入湖援皖奏入

上諭曰昨諭吳棠迅催姚廣武馳救蒙城與馬新貽
會軍剿辦著該漕督卽遵諭行僧格林沁必須俟
白蓮池剿匪事竣方可統兵南下已有旨諭知趕
緊籌辦矣著吳棠迅派員弁引導丁泗濱兵船入
皖以便合剿毋稍遲誤

十三日丁巳張之萬毛昶熙奏言張岡克後臣毛

飛熙於六月二十五日馳回汝甯與臣張之萬
會商一切所有前敵兵勇從征日久疲乏甚多
茲當移營進剿必須認真整頓分別去留以資
得力臣毛飛熙擬將陳祿興步勇三營裁撤二
營酌留精銳三百名益以精銳小隊二百名足
成一營作爲親軍查陳祿興驍勇善戰現因創
痕未愈懇請暫爲休息所留一營派遊擊陳文

平州同馬峻會同管帶邵春仁蔣東才所部兩營日久疲乏全行遣散仍派邵春仁另募壯勇兩營蔣東才另募一營共成步勇四營臣毛飛熙舊有馬隊五百餘名業經陸續會派取道陳州馳赴歸德一帶堵剿臣查臣乘機復起本年六月間由鹿邑柘城等處紛竄西南臣等派遊擊李世玉副將孫之友參將尹嘉賓張

士元等馬步各隊先後馳往遏截兇鋒並將張
岡撤回之敖天印三營飭令探蹤進剿復經張
曜派保英率領豫前豫中兩營馳往陳州會同
張士元等各營擇要扼紮以壯聲勢該匪知我
有備不敢深入相率回竄東南臣等先已熟商
歸德一路由臣毛昶熙督兵防剿今值亳捻被
擊回竄宋屬正形喫重應卽趕緊拔營臣毛昶

熙定於七月初九督同總兵趙鴻舉檢討吳元炳等率領步勇四營馳赴歸德併力勦辦又商定派防歸德之李世玉孫之友及參將敖天印馬步各隊由臣毛永熙就近調遣俟抵宋後如何布置再行詳細奏陳其豫勝各營並參將尹嘉賓張士元徐連陞等馬步各隊悉歸總兵張曜統帶飭令卽日進紮陳州相機防勦至許州

爲各路適中之地臣張之萬親督都司連美等各營及馬步親軍小隊定期七月十一日馳往許州居中扼紮以資控制俟抵許後察看情形如東路稍鬆卽當回省一行與藩司面商裕餉之策何路有警卽派兵赴何路策應務當統籌兼顧不敢稍有疏虞汝境業已肅清惟息縣一帶尙餘伏莽已令副將李殿元駐軍搜捕劉鴻

增一隊駐防固始並聽李殿元調度以一事權
王文行一軍擬加整頓飭駐正息之交隨機策
應其張曜本部勇丁前留新蔡者一營紮沈邱
者二營俟新蔡之袁寨及偏近沈邱阜陽境內
之王朝汎寨勦辦得手當令撤赴陳州仍歸張
曜調遣以厚兵力奏入

上命議政王軍機大臣傳諭張之萬毛承熙曰豫省

官軍攻克張岡後毛昶熙馳回汝甯與張之萬整頓兵勇裁汰疲乏另行挑選並派陳祿興等四營與毛昶熙所部馬隊陸續馳赴歸德堵剿辜捻該郡前有張之萬等所派遊擊李世玉等馬步各隊先後馳往堵禦毛昶熙現因辜捻被陳郡各營扼擊回竄宋屬喫重復督總兵趙鴻舉等四營馳赴歸德並將李世玉等軍歸併調遣諸軍更有所統

率著卽申明號令嚴密布置並著越境進攻以勦
爲防不可畫疆自守其豫勝各營及參將尹嘉賓
等馬步各隊均歸張曜統帶著張之萬等卽飭張
曜速行進紮陳郡相機進剿並與袁甲三會籌妥
商聯絡鄉團節節進攻以期會合楚師兼施防剿
張之萬現紮許州居中策應當此防務喫緊之際
斷不可遽回汴省應籌餉需儘可督飭藩司往返

函商不必該撫回省始可籌辦也息縣一帶尙有
伏莽汝甯各屬土匪恐亦未能遽盡張之萬等現
留副將李殿元駐軍搜捕並令劉鴻增等軍分駐
固始正息尙恐兵力單薄著張之萬卽飭蒯賀蓀
督率團勇協力勦辦與官軍聯絡聲勢以期掃蕩
餘氛毋稍玩誤

張之萬毛昶熙又奏言六月二十三日副將孫

之友會同遊擊呂浩然呂振河兩營馬隊追賊
至鹿邑地方偵知該匪欲由鹿毫交界之十字
河一帶回巢我軍遂於二十四日抄出賊前進
至十字河南遇前隊馬賊五六十騎馳驟而至
爲首賊目手執大旗勢甚兇悍孫之友揮軍齊
進手放洋槍執旗賊目應聲而倒餘賊紛遁正
追勦間後股馬步賊又至孫之友親率步隊迎

勦並令馬隊從旁要擊該匪見我兵阻其歸路
拌命抗敵我軍馬隊衝賊爲兩段步勇乘勝追
殺匪勢不支奪路狂奔我軍分投追擊擒斬五
百餘名二十五日追至亳西十二里李橋地方
截殺後股匪百餘名餘匪竄回亳東老巢二十
六日孫之友呂浩然等探知亳境余家集復有
股匪帶隊馳勦該匪不意我軍猝至四散驚竄

我軍乘勢掩殺斬首數十級奪獲旗幟刀矛百餘件刻下柘鹿一帶已無匪蹤仍飭孫之友等隨時確探賊情嚴密防剿奏入報

聞

十四日

戊午

唐訓方奏言苗逆詭謀百出專以阻

截糧路爲能事聲東擊西尤其長技所以在狼山紮營十餘座者固爲阻截蒙城糧運亦欲使

我分兵救援蒙城則臨淮兵力愈單而彼得遂其狡謀也臣故令姚廣武馬新貽英翰諸軍內外夾擊以通小澗之路而臨淮各營堅壁不動該逆果增調悍賊分由黑窰上洪兩路包抄前敵諸營經張得勝等併力擊敗該逆一面增築營壘悉力相持一面分兵由曹老集攻撲王莊營壘意欲包圍臣營後路該處僅遊擊李坤一

營在彼屯紮該逆固藐視之意謂一鼓可下經
臣先期諜知密抽臨淮老營精銳千人乘夜設
伏附近地方逆衆驟至伏兵突發李坤亦開營
出戰內外夾攻殲斃多名餘衆踉蹌奔遁自是
不敢窺伺王莊遂抽調蒙城一帶之賊專於淮
河兩岸力圖抄襲七月初三日賊由懷遠上游
渡淮南岸會合上洪壘賊撲我上洪新訓前左

兩營普承堯乘其前甫成列後猶未濟亟帶親
兵從塗山背後下擊復派哨勇由山右包抄用
山石亂擊斃賊甚多乘勢壓下其圍立解是夜
賊一以水隊暗襲南岸水軍經龔文林擊退一
以旱隊由北岸迤東而來攻撲朱淮森營壘亦
經朱淮森擊卻之初五日苗逆親率大股約二
萬餘人陣於黑窰後路而於陣後河岸搶築營

壘張得勝急令各營堅守並商普承堯自南岸
派隊飛渡助戰相持踰時賊氣漸餒向聰得率
馬勇馳擊其後普承堯率軍連用劈山礮轟之
賊勢披靡朱淮森分兵兩翼抄出迎戰龔文林
等復移戰舳巨礮轟擊賊遂大敗歸壘計此次
殺賊千餘人奪獲旗幟器械無算前敵差能穩
固然七里廟河岸該逆已添三壘分踞矣先是

臣未得捷報深恐難支因於初六日派駐臨之遊擊何有能等督隊馳赴前敵以資戰守行次北岸小蚌埠經張得勝密約進勦河沿新築賊壘與前敵各營爲夾攻勢連環轟擊自辰至酉始填濠越牆而入連踏三壘計斃賊約千五六百人並生擒賊目李三訊明正法計自前月以來逆壘增至三十餘座賊衆愈聚愈多忽分忽

合竟莫測其數之多寡兼以附近民圩日遭裹脅各營兵勇祇有此數 臣惟有督飭各軍力支危局總期速靖狂氛早紓

宸廑至蒙城一帶賊衆旣抽赴懷遠想彼處情形或可稍鬆俟得有確報再行馳奏奏入

上命議政王軍機大臣傳諭曾國藩吳棠唐訓方曰此次苗逆增添悍黨由黑窰上洪兩處包抄臨淮

後路均經官軍擊退該逆又親率大股二萬餘人陣於黑窰築壘搶渡復經普承堯等督兵奮擊賊始敗竄並將七里河岸賊壘三座一律踏平自可稍寒賊膽第逆匪愈聚愈衆附近民圩日遭裹脅而各營兵勇祇有此數日久相持終恐情見勢誦前據吳棠奏會國荃派總兵丁泗濱等督帶師船數十號由瓜州入口援皖當令吳棠迅派員弁引

導入皖現在臨淮軍情緊急著曾國藩吳棠嚴催
丁泗濱及前調黃開榜師船迅速駛赴臨淮會合
夾擊楊岳斌黃翼升所部水師並著曾國藩遵旨
嚴催赴臨會剿至蒙城一帶賊衆旣抽赴懷遠則
彼處情形或可稍鬆著吳棠唐訓方嚴飭姚廣武
馬新貽英翰諸軍內外夾擊以通蒙城運道立解
城圍儻姚廣武仍敢托詞防檢畏葸不前致失此

可乘之機必將該員從重治罪

十六日庚申僧格林沁國瑞奏言臣等由淄川起

程於七月初五日行抵鄒縣白蓮池查白蓮池
教匪自黃國瑞舒通額等由東西兩路攻進賊
巢會合搜剿擒斬多名餘匪竄上紅山該處懸
崖陡壁山頂寬敞察其人數尙有二萬餘衆所
恃豫積糧米倚險抗拒臣等當令舒通額等嚴

加防範以杜偷竄並令署運司恩錫等將遠處
營壘移紮西南紅山腳下以防奔突 臣等駐紮
土旺迤西數里之來富莊地方初八初九兩日
督飭各營環山列隊用礮轟擊該逆拚死抵拒
礮石如雨我軍仍奮勇爭先攀藤附葛意圖搶
攻該逆用巨石自嶺墮下各營兵勇受傷數百
名當卽撤隊現於紅山對面平嶺之上添築營

壘兩座派參將李其昌等各帶勇隊駐紮並將
礮位安設營內添兵保護以便晝夜轟擊惟山
徑叢雜澗壑縱橫賊之竄路分歧防範實有難
周現飭舒通額等統帶馬隊巡邏儻有奔竄卽
可跟蹤追剿至溜川逃出捻棍會匪千餘名經
托倫布等帶領馬隊跟蹤追剿敗於田莊餘匪
數百名翻山奔竄該侍衛等追至臨朐縣龍岡

及曾家岡等處復斃賊百餘名敗匪僅贖二百
餘名逃竄入山旋隨寶泉崗匪首呂從學等赴
黃國瑞營中懇請投誠效力贖罪經該總兵驗
明准投現在此項人衆卽飭歸黃國瑞管帶屢
次隨同進攻尙能勇往再據佐領訥莫津稟稱
擒首李大箇孜等現在岳家集游弋因知我隊
已抵永城情願投誠當經臣等以李大箇孜係

屬漏網擒逆情急來投殊不可棄已札飭酌莫
津將該擒首是否真心投誠抑或首鼠兩端據
實稟覆再行覈辦

僧格林沁國瑞又奏言據總兵姚廣武稟稱該
總兵於六月二十九日馳抵侯圩將運蒙糧餉
軍火送至小澗集交臬司馬新貽轉運蒙城並
與馬新貽籌商進剿必須剿除狼山賊壘糧路

方可暢行該總兵當與英翰籌議於蔡寨以西扼要紮營一面分兵繞赴狼山東路七月初四五等日我軍出隊均有斬擒逆勢不支初五日夜將狼山踞壘十餘座全行撤遁該總兵督隊馳勦適蒙軍由山南至合力夾擊殲賊不少該逆狂奔而回該總兵以東西盡屬賊巢未便深追而從逆之趙王二圩均出乞降旋探賊薙果

竄至蒙城城外渦河南北築壘初七日該總兵督隊趨抵蒙城次早會同蒙軍分路抄擊擒斬多名復折向西北攻劉家圩外圩之賊盡被殲斃因該逆堅拒急切未下遂由檀城集折回一路經過各圩紛紛乞降蒙城糧路現已疏暢各等情臣等一俟白蓮池教匪掃滅後卽當撥兵赴皖會同各軍合力夾擊仍俟直東一律肅清

臣等再行督帶馬步全軍南下既無回顧之慮
即可專意進剿奏入

上命議政王軍機大臣傳諭僧格林沁曰白蓮池教
匪被礮轟擊難保不窮而思竄山徑叢雜防範最
宜周密該大臣務嚴爲布置勿令乘閒出竄惟山
勢險峻散漫旣難仰攻又恐非重圍所能困總宜
尋覓機會使逆巢有內應之賊庶幾一鼓可下淄

川逸匪被官軍追剿窮蹙復合寶泉崗逃匪赴黃
國瑞軍營投誠此輩狼子野心反覆無常難保不
與教匪暗通消息著僧格林沁督飭黃國瑞隨時
防範如查有反覆情形卽速殲除毋稍姑息捻首
李大箇孜等投誠是否真心悔罪亦須詳加體察
斟酌辦理蒙城所屬狼山逆壘十餘座旣經撤退
趙王二圩均經乞降總兵姚廣武復將附近劉家

圩地方投誠各圩收撫蒙城糧路現已疏通著僧
格林沁卽嚴札該總兵奮力進抵蒙城會合馬新
貽英翰等軍內外進攻迅解城圍毋許藉詞逗留
昨據唐訓方奏稱苗逆親率黨與二萬餘人於臨
淮南北兩岸添紮營壘情形甚爲危迫僧格林沁
務將紅山股匪剿除淨盡以便移師皖省掃蕩苗
氛諒該大臣必能權衡緩急酌量進止也

十七日 辛酉 張之萬奏言前任漕運總督袁甲三

自上年遵

旨回籍養病日久調治未愈復奉

諭旨辦理歸陳團練並籌糧解濟蒙城各事宜憂勞

太過病勢日增疽發於背又因捻股屢次分竄

力疾指揮至本月二十二三等日病遂危篤二

十四日病故伏查袁甲三起家科目所至有聲

在言時路直聲達於中外迨蒙

先帝簡任三爲統帥十載視師保障全淮功績最著迨
請疾歸田猶復籌辦防勦保全完善遏截兇鋒
積勞增疾馴至不起此古所謂封疆之臣鞠躬
盡瘁者矣合無仰懇

天恩飭部照軍營病故例從優議卹以慰忠魂奏入
上諭內閣曰前任漕運總督袁甲三老成正直強毅

有爲由部曹著聲臺諫出厯戎行蒙

皇考文宗顯皇帝特達之知屢擢京卿簡任漕運總督

畀以欽差大臣重任自逆擒縱橫皖豫數年統軍

淮甸擒滅張濬等巨股屢次克復鳳陽府縣各城

勤勞懋著備厯艱難前在臨淮軍營積勞致病屢

經奏請開缺准其回籍適值苗練復叛以該漕督

矢志滅賊本籍陳州毗連淮潁復諭在籍督率兵

團兼施堵剿猶能籌餉籌兵悉心捍禦遽爾溘逝
悼惜殊深袁甲三著照漕運總督軍營病故例從
優賜卹厯任一切處分悉予開復應得卹典該衙
門察例具奏伊長子前詹事府右庶子袁保恆著
俟服闋後以翰林院侍講學士卽補次子舉人袁
保齡著賞給內閣中書用示篤念蓋臣至意

十八日

壬戌

劉長佑奏言

臣

於七月初九日馳抵

臨清隨即渡過南岸在南廠車營一帶分隊進
紮並派江長貴爲前隊總統鄭魁士爲後隊總
統與恆齡蘇克金聲氣聯絡其館陶營盤現留
兵勇三千人囑王榕吉等駐紮防剿該逆宋憬
詩偵知臣督軍赴臨初十日突出馬賊數百名
直撲河干經王榕吉激勵將士沿河開放槍礮
斃賊數十名總兵徐廷楷復帶隊進擊賊始敗

退臣因河道縣長添派兵勇馬隊自尖莊以東
臨清以西各口岸巡查以期嚴密連接山東臬
司丁寶楨來稟該軍分駐柳林范寨各團又須
留防堂邑東南一帶兵力尙單等語伏思臣越
境防勦原不敢稍分畛域惟東南地面遼闊直
軍力難兼顧可否請

旨飭令撫臣閻敬銘親統得力馬步移營堂邑與臣

軍兩面夾擊可期迅速蕨功奏入

上命議政王軍機大臣傳諭劉長佑閻敬銘曰直隸
官軍馳抵臨清渡過南岸分路進紮馬賊突撲河
干王榕吉激勵各隊開礮擊回現因河道縣長添
派兵勇巡查口岸以期周密丁寶楨等所帶兵勇
分防東南一帶兵力尙形單薄所奏自係實在情
形昨據閻敬銘奏督軍馳赴清博阻水未能速進

當諭該署撫酌度情形催軍前進現在直軍勦賊
正當喫緊且東南一帶地面遼闊防兵單薄紛竄
堪虞著閩敬銘迅遵前旨先將派赴堂邑各營並
王心安所募楚勇三千名催令渡河趨程前進交
丁寶楨等調遣閩敬銘仍卽行起程馳赴清博一
帶以資控馭山東兵勇未到以前著劉長佑飭丁
寶楨等就現有兵力實力防勦柳林等團向稱得

力務當激勵聯絡俾爲我用不得藉口兵單稍涉
疏懈

同日吳棠奏言姚廣武一軍自進紮侯圩後現
據稟稱屢派兵勇護糧闖過狼山解送小澗集
交馬新貽兌收並於七月初三日夜親至小澗
集與馬新貽面商勦賊機宜仍卽回駐侯圩又
稱副將艾憲銀等軍備攻宋圩疊次獲勝忽捻

匪由臨渙竄入滄北牛家板橋等處截斷艾憲
銀等軍糧道此時官軍前後受敵急須策應宿
營又據署淮徐道朱善張稟稱七月初五日捻
股由牛家板橋竄至宿州西之九里灣並東北
符離集初八日捻股由蕭縣之姚家樓竄至銅
山之敬安集延亙四十餘里徐西之十八里屯
望見火光探得賊欲分股赴曹單海沐打糧各

等語臣已飛飭姚廣武激勵所部相機援蒙並
北顧徐宿一面嚴飭邳宿睢桃在防兵練一體
嚴防並添調兵五百名嚴扼成子河圩一帶以
防奔突惟詳閱姚廣武繪送宿蒙餉道一圖蒙
城三面被圍僅有侯圩小澗集一綫可通之路
而狼山苗逆橫梗其間又西則捻圩複杏羣盜
如毛雖經闖送銀糧勢不可久設苗逆分撤圍

蒙之黨全趨狼山或聚衆中途專邀送餉之軍
則姚馬兩軍聲援立斷恐壽州覆轍再見於蒙
城雖將傅振邦黃國瑞撥一員南下祇能力顧
一路不能調度豫皖各軍合力兜剿可否仰懇
天恩飭令山東撫臣督飭傅振邦等勦辦山東未盡
匪股仍求

諭令親王僧格林沁星夜督師入皖該親王威望素

著賊旣懾於先聲又可驅策各路官軍四面進
剿削平苗捻惟有此策

同日唐訓方奏言自總兵姚廣武派馬隊繞出
狼山之東抄賊糧道該逆於初五日夜將十四
營賊衆全行退竄臬司馬新貽等督隊追擊姚
廣武亦親督馬隊由山後會合窮追捻斬甚衆
馬新貽復恐守城兵單該逆乘閒襲取當派都

司李同勝等帶勇馳回蒙城時渦河南北兩岸
之賊進逼蒙城見我軍回援遂各歸壘自守蒙
城圍雖未解糧道已通該逆不得逞志於蒙於
是益抽精銳前赴懷遠因我前敵並於初八日
夜將距懷十里之宋家圩襲陷連營六座直抵
河岸連日文報軍糧盡爲阻絕適楊岳斌彭玉
麟所派總兵丁泗濱王吉等統帶礮船百號趕

至臣當令總兵何紹彩四營會合往援當能力
挫兇鋒俾前敵復臻穩固惟陸師以分防苦戰
近復傳染時疫該將士力疾進征能否迅解賊
圍尙未可必惟有仰懇

天恩飭下僧格林沁轉飭黃國瑞一軍星馳援蒙
臣卽抽換蒙城數營回援臨淮稍紓兵力庶可節
節掃蕩而皖北大局不致動搖矣均奏入

上命議政王軍機大臣傳諭僧格林沁吳棠唐訓方
曰吳棠恐壽州覆轍再見於蒙城請飭僧格林沁
督師入皖等語自未知狼山賊衆已遁之信蒙城
圍雖未解糧道已通該逆不得逞志於蒙於是益
抽精銳前赴懷遠並將踞懷十里之宋家圩襲陷
連營河岸文報軍糧盡爲阻絕楊岳斌等所派丁
泗濱統帶礮船百號現已駛至經唐訓方令其會

合總兵何紹彩往援當能力挫兇鋒惟陸師以分
防苦戰近復染疫能否得力尙不可知唐訓方請
飭僧格林沁令黃國瑞一軍星馳援蒙該撫卽抽
換蒙城數營回援臨淮稍紓兵力刻下山東匪勢
已蹙卽宋憬詩一股有直東兵勇合剿似尙不難
了結著該大臣自行察度如東匪卽日可以蕝事
該大臣卽可親統大軍南下以得勝之師削平苗

集古圖卷之二 三
拾或一時不能親往卽令黃國瑞一軍先赴蒙城
聽唐訓方調遣該大臣務當酌量情形星速援皖
無令稍有疏失吳棠當嚴飭姚廣武竭力會剿並
將徐宿各捻股設法剿除唐訓方當就現有兵力
固守臨淮並催丁泗濱等水師速赴懷遠力顧前
敵痛挫兇鋒不得專待援師致滋貽誤染疫士卒
善爲拊循以期得力

同日議政王軍機大臣大學士刑部會奏言
臣
等奉

欽派會審已革兵部侍郎勝保一案前經遵奉

諭旨將應查情節分別咨查現據多隆阿飭查陝西
在籍道員李宗沆取具供結咨覆到部 臣等督
飭章京司員會同監提勝保令其據實登覆據
勝保呈遞親供並訴呈一紙內稱原參各員或

捏構重情存心陷害或誣指剋扣砌款牽連或以事不干已造言快私或以糾參不實藉端妄議祇知妒功忌能不顧欺君誤國勝保一介孤臣當讒謗之交乘致囹圄之久因今聞行查已回爰書將定虛實真僞不辯自明謹查條例如誤叅官員審虛開復及挾嫌叅劾審屬全虛將誣報之員革職並誣告反坐各條與此案原叅

各員及妄控之紳士情節似有相符在勝保應
得之愆固當俯首認罪而該員等應議之咎亦
當照例坐誣請酌覈辦理以昭平允等語 臣等
查勝保被叅各款無論有無屈抑自應靜候查
辦何得自稱冤抑豫引條例曉曉置辯惟旣據
當堂呈遞 臣等不敢壅於

上聞謹將所具親供並訴呈各一紙一併進呈

御覽奏八

上諭內閣曰前因中外諸臣交章奏叅勝保貪汙欺罔各款當經降旨將勝保革職拏問交刑部治罪嗣經刑部奏稱勝保押解到部復派議政王軍機大臣大學士會同刑部審訊節經王大臣等將勝保親供呈覽於被叅各款恃無質證一味狡展而於攜帶姬妾赴營一節則業已承認不諱本日復

據王大臣等陳奏勝保所遞親供及訴呈各一紙
更堪詫異勝保於督兵入陝之初人言籍籍朝廷
不惜諄切訓誡至再至三原期其力洗前愆立功
贖罪乃入陝以後仍復肆無忌憚怙惡不悛卽其
所自認攜帶姬妾赴營一節已屬大千例禁諭旨
諄諄訓誡之謂何竟敢視若弁髦欺藐朝廷至於
此極苗沛霖性情陰鷲曾諭勝保察其就撫是否

可靠勝保極口保其無他並乞恩施且擅調其練
衆入陝迨諭旨不准猶復屢次抗辯今苗沛霖已
戕官踞城肆行背叛宋憬詩以反覆降匪經勝保
代爲捏報戰功保至參將後又在陝擁衆東歸亦
已背叛是今日苗宋二逆之糜餉勞師皆勝保之
養癰貽患所致而勝保之黨護苗宋二逆不得謂
無挾制朝廷之心至勝保被叅各款前經僧格林

沁覆奏有派員查訪並諮詢地方所稱情形大略
相同勝保任性妄爲卽此已可概見等語是勝保
之貪汙欺罔實天下所共知豈能憑其自行回護
之詞信爲竟無其事據勝保本日所遞訴呈內博
引律例妄欲將原叅各員治以誣告之罪尤屬飾
非亂是瞻大妄爲覈其種種情罪卽立正刑誅亦
屬咎所應得姑念其從前勦辦髮捻有年尙有戰

功足錄勝保著從寬賜令自盡卽派周祖培綿森
前往監視所有案內牽涉人犯卽著刑部分別提
審訊明奏結以清積牘

欽定勦平捻匪方略卷一百九十五 癸亥年

七月二十日甲子曾國藩奏言近接李世忠來函

有五河地方爲臨淮後路儻苗逆下竄誓必堅
守五河決一勝負等語李世忠與苗逆積怨甚
深其發憤勦苗旣伸公義又報私仇似屬出於
至誠若坦然相處不至別生枝節至彭玉麟楊
岳斌所派三板八十號已由九淤洲先後開行

計此時均可趕到輔助臨淮兵力奏入

上命議政王軍機大臣傳諭曾國藩唐訓方曰李世忠與苗逆積怨甚深旣據曾國藩察其防守五河之意尙屬至誠著卽將詳細情形知會唐訓方辦理並著唐訓方妥爲駕馭毋令別生枝節蒙城狼山各賊營業經撤退併力圍逼縣城前後據唐訓方奏稱姚廣武已率所部會合英翰一軍將該城

糧路疏通惟賊衆麕聚臨淮與唐訓方併力相持
情形甚緊彭玉麟等所撥三板船八十號計日可
抵臨淮著唐訓方卽督飭水陸各軍奮力攻擊迅
掃逆氛

二十四日辰戊張之萬毛昶熙奏言臣毛昶熙由

汝拔隊取道陳州適遇潁州練總來陳者頗多
臣毛昶熙親加撫慰令其回籍傳諭各寨同心

守禦輔助官兵忽接歸德府文武飛稟亳州盧
廟踞賊勢將出竄其地與商邱偏近亟宜派兵
前往遏截兇鋒臣毛永熙遂將陳州團練事宜
仍交袁保恆等會同總兵張曜和衷妥辦臣毛
永熙卽日督隊起程行抵柘城途次接據副將
孫之友等稟報七月十二日該副將等率領馬
步進攻盧廟併力向前正可得手適因大雨如

注火器難施牆上亂拋輒石兵勇受傷多名暫
將隊伍撤退臣毛永熙一面督催該軍趕緊進
攻一面飛飭駐紮營郭之遊擊呂振河等就近
帶領馬步督率團練相機攻取十五日臣毛永
熙馳抵宋郡十六日接據呂振河等稟報該遊
擊等於十五日督率兵團銜枚疾進適賊匪四
出打糧忽見我軍突至蒼黃抵禦該遊擊等揮

集賢堂卷之三十三 三
衆衝擊殲斃多名賊匪退入寨中我軍乘勢攻
撲由北門衝入賊開南門逃竄追殺二百餘名
立將盧廟克復救出難民數百名寨牆一律踏
平查盧廟賊圩地當亳宋之交非先得此寨則
我軍進勦亳東時時受其牽掣茲幸乘機攻克
永除後患實足大快人心 臣毛永熙擬將各隊
速行部署卽行進紮鹿邑調派兵勇進規亳東

節節前進爲犁穴揜渠之計所有尤爲出力之
遊擊呂振河等謹先行開列仰懇

恩施奏入

上命議政王軍機大臣傳諭張之萬毛昶熙曰亳州
廬廟地方勢居衝要捻匪盤踞其中復將出竄經
遊擊呂振河等將匪巢攻克平毀追殺二百餘名
現在官軍進剿亳東之路已通毛昶熙擬將各隊

速行部署卽進紮鹿邑規取亳東各捻圩著卽調
派兵勇乘機進剿節節掃蕩毋稍鬆勁潁州練總
赴陳郡者頗多經毛飛熙於道經陳州時親加撫
慰令其回潁傳諭各寨同心守禦以輔官兵現在
毛飛熙已赴鹿邑著張之萬卽飭張曜由陳郡進
兵潁郡聯絡該處紳團協力攻剿並隨時與毛飛
熙所部各營互相援應毋稍疏忽

上諭內閣曰官軍攻克亳州廬廟地方勦辦尙屬得手所有尤爲出力之河南補用遊擊呂振河著俟補缺後以參將儘先升用已革遊擊李大成著開復原官並賞還花翎千總趙端木著以守備儘先補用以示鼓勵

同日唐訓方奏言據丁泗濱等來稟該鎮等於七月十二日駛至小蚌埠與賊接仗奪獲逆划

二十一隻燒燬二十餘隻復登岸攻破逆卡直
撲逆壘鏖戰逾時共斃賊七八百人詎賊以死
踞壘未卽下該逆復乘夜於沙洲增壘四座並
於兩岸添築礮臺十四日往攻兩岸逆衆愈多
巨礮齊施我兵傷亡不少祇得收隊仍紮小蚌
埠等情 臣念前敵各營堅守苦戰逾四月矣若
不設法濟運飢潰卽在目前適黃開榜統帶礮

船百號於十五日到臨臣當派船五十隻裝載
米麩運送前敵各營詎該逆又從沙河窄狹處
橫施鐵鎖木椿而以槍礮伺擊我軍到彼斷鎖
拔椿捨命衝突勉將糧石送過而受傷者亦復
不少現探該逆又於河沿多備竹石意圖橫截
河流此後糧運斷難爲繼情形危急至此臨軍
後路更單臣雖函致曾國藩添派勁旅來援而

皖營兵力有可抽撥與否尙屬未定卽令有兵
援應而前敵各軍能否支持以待猶未可知臣
再四思維惟有趁蒙城賊勢稍鬆酌調馬新貽
帶領王才秀一軍千餘人來臨力保後路留姚
廣武英翰兩軍及李南華等各練衆於蒙城一
面迅催僧格林沁所派援兵乘此蒙賊調赴淮
岸立解城圍直搗該逆老巢俟該逆回顧臨軍

卽乘勢力圖懷遠似爲一舉兩得再李世忠派
總兵朱元興援臨尙無騷擾地方之事近復增
兵五百人均由朱元興帶領進紮劉府一帶是
否實力勦辦再行據實密陳奏入

上命議政王軍機大臣傳諭僧格林沁曾國藩唐訓
方曰丁泗濱等水師進援臨淮駛至小蚌埠奪燬
賊划四十餘隻復登岸攻撲賊壘未下賊更於沙

洲地面乘夜增築四壘並於兩岸添築礮臺水師
阻於巨礮傷亡甚多黃開榜續到之礮船運載米
麩雖勉將糧石送赴前敵各營而受傷者亦復不
少現探該逆多備竹石意欲橫截河流此後糧運
斷難爲繼臨軍後路亦形單薄情形危迫萬分非
有陸路援軍速行馳救大局將不堪設想曾國藩
所部各營雖不敷分布亦當於無可抽撥之中勉

力抽派一軍星馳援應會同臨淮水陸各營將沙洲賊壘攻破毋得游移致誤戎機蒙城賊勢稍鬆唐訓方現調馬新貽一軍千餘人馳赴臨淮力顧後路並催僧格林沁所派援兵進解城圍直擣該逆老巢俟賊匪回顧時卽令臨淮各軍乘勢力圖懷遠著僧格林沁卽飭諾木津等軍迅速照辦不准觀望遷延並著僧格林沁速將紅山教匪攻克

星夜督軍馳援皖北以救燃眉李世忠派總兵朱元興進援臨淮尙無騷擾地方之事近復增兵五百人均由朱元興帶領進紮劉府一帶如果實力攻勦卽著唐訓方妥爲聯絡會合進取以厚兵力並著唐訓方設法疏通糧路接應前敵各營毋令缺乏

二十六日
午庚僧格林沁奏言查唐訓方請飭黃

國瑞一軍星馳援蒙現在教匪盤踞紅山人數甚衆臣督各軍環紮營壘尙虞賊衆兵單且黃國瑞之軍堵禦東面正當喫緊若一抽撤設賊衆窺撲東面深恐滋蔓難圖不若就各路之軍會合攻勦將此股教匪殲除再飭黃國瑞一軍先行援蒙至臣所統馬隊大半皆在河北爲宋景詩一股牽掣昨已函致督臣劉長佑催其迅

將宋逆一股翦滅將來蘇克金恆齡兩軍即可
隨臣南征現據代理嶧縣知縣陶錫祺稟報捻
匪李大箇孜等盤踞徐西婆羅店一帶意圖北
竄邊馬已抵沿河等情臣思苗逆鴟張皖境待
援迫切亟須大兵南下而宋逆一股經劉長佑
督辦數月或戰或撫尙無定見因之蘇克金恆
齡兩軍日久牽掣據保德丁寶楨稟報宋逆欲

行投誠當經臣札飭蘇克金等查明稟報茲據
覆稱仍未定期進剿亦未酌准投誠查直隸總
督爲一省表率從前文煜孫治剿賊失利彼時
原無得力之兵今馬步勁旅雲集河北該督優
柔寡斷勞師糜餉實難望其振作臣因河北未
靖日夜焦灼若俟教匪殲除彼時宋逆仍未剿
滅勢須移軍河北惟捻氛既有北竄之意我軍

一經移動必致尾隨竄擾則東境又被蹂躪是
進剿宋逆萬難再緩相應請

旨飭下蘇克金恆齡會督馬步各軍趕緊進兵所有
直東馬步悉歸調遣以專責成而殲醜類奏入

上命議政王軍機大臣傳諭僧格林沁劉長佑闔敬
銘恆齡蘇克金曰苗逆率衆圍撲蒙城近復添調
悍黨橫截淮河阻遏臨淮前敵各營運道昨據唐

訓方馳奏情形萬分危迫曾國藩所部多在西南
兩路防剿勢難抽撥必須僧格林沁督率馬步全
軍前往剿辦庶可迅速奏功惟教匪盤踞紅山黃
國瑞之軍堵禦東面正當喫緊未能抽調赴皖該
大臣所統馬隊大半皆在河北惟宋景詩一股牽
掣是直東股匪未清該大臣全軍斷難南下劉長
佑身膺督辦之責馬步各軍悉歸節制爲數不少

何以區區小醜竟不能剋日殄除現在塗潦諒已
消涸高粱茂密處所應已一律芟除卽蕃督同恆
齡蘇克金丁寶楨等軍合力進剿速殲醜類毋得
任意遲延致干重處宋憬詩本反覆無常之小人
雖據保德丁寶楨稟報該逆有悔罪投誠之說殊
難深信劉長佑惟當乘此大軍雲集一鼓殲除俾
直東交界處所永無後患其恆齡蘇克金等軍旣

暫歸劉長佑節制卽應齊心協力相機進剿將此
股迅速完結得以及早隨同僧格林沁南征苗練
不致顧此失彼丁寶楨部勇無多著關敬銘迅催
添撥兵勇前進毋得以阻水爲辭任意延緩

二十八日 壬申 吳棠奏言據姚廣武稟稱副將艾

憲銀等於七月十二日夜間攻克宋家捻圩殺
賊二百餘名首逆趙克元梟水逃逸現仍分頭

搜捕進剿各擒姚廣武一軍由侯圩攻拔古堆
寺東宋圩並誘獲王樓圩逆首王瀛潮蒙北餉
道暢行無阻惟因板橋圩苗黨李華東約會逆
黨苗添馨在鍾陽蘆溝等處打糧灘溪口一帶
復有擒蹤暫於七月十五日馳回宿城督隊剿
擒以顧徐宿根本姚廣武又准唐訓方照會以
蕪營被圍緊急調馬新貽一軍兼程赴臨囑姚

廣武協同英翰駐防蒙城一俟黃國瑞到防仍
調英翰一軍赴臨助勦姚廣武以馬新貽等帶
隊五六千名力守蒙城尙須援應若以赴援千
餘兵勇進解蒙圍殊不敷用稟請由臣酌辦等
語臣查蒙宿脣齒相依有急自應救援而徐宿
一軍所食口糧半資徐郡錢糧釐捐若徐軍深
入皖境旣恐捻股抄後不及回援且徐境蹂躪

日深徵收又何所望徐州爲北路咽喉關繫不
淺此時親王僧格林沁援軍入皖尙需時日惟
有設法兼顧竭力支持臣現飭艾憲銀一軍專
顧徐宿一帶勦辦捻匪而以姚廣武一軍爲游
擊之師蒙城急則援蒙徐宿急仍令兼顧北路
並飭西路沿河各州縣團圩一體嚴防以杜捻
逆奔突惟馬新貽一軍旣撤姚廣武英翰兩軍

更形單薄蒙城人心未免搖動苗逆黨與尙衆
更難保不復來窺應請

旨飭下唐訓方飭令英翰入駐蒙城以鎮人心而專
職守臣仍飭姚廣武回駐侯圩力顧蒙城餉道
兼顧徐南各圩如北路實在緊急再令該鎮馳
回援剿以期兼籌並顧暫支危局奏入

上命議政王軍機大臣傳諭吳棠唐訓方曰板橋圩

苗黨李華東勾結逆黨苗添罄在鍾陽蘆溝等處
打糧捻匪出竄已至濉溪口等處吳棠現飭艾憲
銀一軍專顧徐宿一帶勦辦捻匪而以姚廣武一
軍爲遊擊之師回駐侯圩視蒙城徐宿何路有急
卽援何路其蒙城城守事宜請飭英翰入城駐紮
所籌不爲無見現在蒙北餉道雖通城圍未解姚
廣武一軍雖不能入駐蒙城該漕督仍飭妥爲策

應一有緊急卽當飛速馳援毋得顧此失彼至馬
新貽現已調赴臨淮其英翰一軍應否入駐蒙城
之處並著唐訓方妥籌調遣昨據僧格林沁奏教
匪盤踞紅山黃國瑞一軍堵剿東面正形喫緊礙
難抽調其蒙城戰守事宜卽著唐訓方仍就現有
兵力竭力支持以待援師

二十九日癸酉張之萬毛昶熙奏言自官兵掃平

盧廟捻圩副將黃貴誠復會同亳州知州李文
森收復吳廟口寨並將吳各拉寨克復乘勢進
至王廟寨此寨係由捻匪偪脅其中良民甚多
兵至卽行投誠當查出匪徒數十名立行正法
餘皆妥爲安撫亳州東北王大莊寨首王丑情
願投誠作爲嚮導攻取劉大莊賊寨七月十六
日都司王鳳山帶領馬步勇丁乘夜馳往該處

出其不意將劉大莊寨襲破又於十八日攻破
權家集其附近楊廟寨等處俱各投誠擬卽確
查良莠分別辦理惟亳東巨捻如張總愚程二
老砍等煽惑各圩結黨嘯聚必須速行勦辦臣
毛永熙抵宋後卽派總兵趙鴻舉統帶副將孫
之友等馬步各營由鹿亳一帶進剿詎該匪已
於十六七等日糾集白龍王廟等處捻徒於十

八日繞竄太和縣境有西趨陳州之勢並探有
黑旗股匪隨後卽出 臣毛昶熙飛飭總兵張曜
等速帶兵勇相機扼剿一面檄飭孫之友等各
率所部馬隊迅赴陳州探蹤攔截其亳東及亳
州東南一帶已飭總兵趙鴻舉督同各營扼要
進剿勿令與前股合併並將各捻次第掃蕩以
期進搗雒河集等處老巢 臣毛昶熙本擬卽赴

鹿邑今擒匪南竄鹿邑防務稍鬆擬再查探各路情形何處緊要卽赴何處駐紮調度奏入

上命議政王軍機大臣傳諭張之萬毛昶熙曰臺北擒圩肅清較易該匪黨等兵去則聚衆滋事兵來則相率投誠習爲故常難保不於撤兵後又形反覆毛昶熙務當辦理妥實隨時防範毋稍大意並著飭令地方官及帶兵將弁實力稽查責令投誠

纂要卷之三
十一

寨首將捻衆黨與及素不安分匪徒按名舉出悉數正法不准一名漏網以杜後患巨捻張總愚程二老砍等糾集白龍王廟等處捻衆由亳南竄入太和縣境有西趨陳州之勢黑旗股匪復欲隨後出竄豫省東南邊防尤形喫重著張之萬毛昶熙嚴飭陳州在防文武會合兵團齊心堵禦並飭總兵張曜等會同孫之友等馬隊兩面夾擊毋任匪

蹤關入豫疆亳州東南一帶賊寨甚多著毛永熙
督飭總兵趙鴻舉統帶各營扼要進剿勿令與前
股會合並將該處捻巢次第掃蕩以期進擣維河
集等處老巢毋稍鬆勁

三十日甲戌僧格林沁國瑞奏言白蓮池教匪竄

踞紅山負嵎死守各營官軍用炸礮晝夜轟擊
賊中死傷過衆糧食已盡欲由西南奔竄臣等

筋翼長舒通額等選派馬隊赴西南山嶺下設
伏並令舒通額帶領馬隊扼守東北七月二十
二日夜閒山上人聲喧亂總兵黃國瑞督隊由
北面雲蒙寺首先搶上山梁撲入賊寨當將西
山賊衆與東山之賊衝作兩路其時西面賊衆
由西北撲竄下山臣國瑞督兵自西北截擊該
逆勢不能支紛紛亂竄我軍刀砍矛刺賊屍積

徧山谷落澗死者不計其數黃國瑞舉火焚寨
並督兵將東山賊衆截住圍殺殆盡其撲下之
賊向西南擁撲守牆兵勇開放連環槍礮擊斃
賊匪二百餘名並擒獲匪首郭瀛岡等犯逆衆
拌命竄撲衝破石牆丈餘大股賊匪一齊竄出
臣國瑞卽派德楞額等帶領各營步隊趕緊追
剿適委營總常德等帶豫伏馬隊從旁橫擊舒

通額又由西北繞至合力追殺賊衆向南狂奔
我軍緊躡其後沿途殲斃無算賊匪竄走岡山
八頂崗盤踞德楞額等步隊趕到立將岡山圍
定賊卽避入山洞連日搜殺擒斬無數隨將首
逆李九擒獲統計先後斃賊一萬數千名其匪
首宋繼朋屍身亦在雲蒙寺山坡查獲並擒獲
宋繼朋之妻高氏並弟宋繼溪逆孫亭兒及逆

族男婦六名口又搜獲匪首李化亭王春芳當
將宋繼朋首級懸竿示衆並將宋繼溪等一併
正法現經 臣僧格林沁商令 臣國瑞暫住鄒境
率同德楞額等督同總兵扎隆武官軍搜拏餘
匪平毀賊巢查蒙城待援孔亟現在教匪已除
臣等當派總兵黃國瑞帶領馬步三千餘名卽
日起程星馳赴皖速解蒙城之圍惟河北宋憬

詩一股尙未撲滅亟應趕緊殲除鄒縣境內
臣等已留兵彈壓卽使擒匪李大箇致欲行北竄
亦可就近堵剿臣僧格林沁卽日督帶舒通額
馬隊八百餘名馳往東昌以便督飭蘇克金恆
齡相機進剿此次尤爲出力各員謹先行開列

仰懇

天恩獎勵

同日唐訓方奏言苗逆連日於淮河兩岸增壘八十餘座又以船填塞輒石或沈或浮復於桅上重施鐵鎖橫截河道我軍晝夜苦攻該逆竭力抵禦前敵運道竟無一綫可通臣竊計前次送糧僅敷數日而前後困偪危迫萬分不得已檄令統帶各員將全師撤退臣豫料賊必跟追先派何紹彩克蒙額等率馬步隊設伏於小蚌

準一帶賊果大隊追至遇伏驚退黃開榜成發
翔丁泗濱王吉等礮船復連環轟擊斃賊甚多
賊未敢乘勢徑逼臨淮惟兵勇困敝之餘非大
爲休息勢難使之再戰現恃舟師爲犄角僅能
力保老營而南之鳳陽北之蒙城賊勢恐復滋
蔓臨淮爲皖北屏障設有疏虞南北不堪設想
惟有仰懇

天恩速飭僧格林沁派黃國瑞馳援蒙城張之萬飭
張曜速進潁上都興阿分撥數營進援臨淮趁
此時尙可支持合力同心約期大舉庶賊以備
多力分而埽穴擒渠乃可徐議不獨臨淮一軍
之幸也

同日張之萬奏言擒首張總愚等因聞僧格林
沁大軍卽日南下懾於聲威遂糾集程大老砍

李庫等各股馬步賊約有萬人由鹿邑南境避
兵疾走七月二十一日總兵保英等各率所部
由陳州探蹤迎擊擒斬多名而寇蹤剽疾其大
股已於是日竄入太康縣屬五里口一帶賊騎
四出裹掠二十二日擾及扶溝縣之大石橋等
處距城不及十里該縣知縣鄒金生募勇登陴
晝夜嚴備二十四日通許尉氏縣境已見賊蹤

勢漸北趨偏近省垣 臣查該逆蒼黃出竄莫定
所向前聞苗沛霖有密約該捻潛襲汴垣牽掣
我軍之說今捻勢北趨距省僅百餘里則苗逆
指使之說似非無因 臣聞警後飭都司連美等
率領所部益以 臣營馬步親軍連夜拔營進紮
通許遏賊北犯知會 臣毛昶熙迅派得力將弁
挑選馬步精銳星夜取道鹿柘抄出賊前迎頭

續通志卷之四十二之三
三三
截擊並飛檄張曜督率所部由陳州進剿以防
賊竄汝南之路俟宋軍沙到卽令與張曜各營
合力勦擊以殲窮寇臣現率在城司道布置城
守日夜嚴防以期有備無患仍隨時相度機宜
何路喫緊卽派兵往何路策應不敢稍形疏懈
均奏八

上命議政王軍機大臣傳諭管格林沁曰管格林沁

自攻克淄川移營勦辦教匪甫經匝月卽能掃穴
擒渠膚功迅奏現復移師東昌督勦宋逆實屬不
辭勞瘁忠勇可嘉著卽會同蜀長佑督飭恆齡蘇
克金保德丁寶楨等將宋憬詩股匪一鼓殄除以
便統師南下宋繼翊李九等已就駢誅此外或不
免有餘匪潛匿著咨令閩敬銘督飭地方文武各
員認真搜捕國瑞帶兵暫駐鄒麻搜捕餘匪該大

臣當令實力辦理毋令餘燼復燃致貽異日之患
本日據唐訓方奏苔逆於淮河兩岸增壘塞河前
敵運道竟無一綫可通該撫不得已將水陸各軍
撤退臨淮危急更甚於前請飭僧格林沁派陳國
瑞援蒙又據張之萬奏張總愚糾集程大老砍等
捻股竄徧汴城現在僧格林沁已令陳國瑞帶兵
三千餘名赴皖所辦甚妥著卽督飭該總兵星夜

前進以壯臨淮聲勢所有該總兵一軍應行駐紮
何處攻打何路已諭唐訓方妥籌調度仍著僧格
林沁飭該總兵聽候唐訓方指示奮勉圖功惟此
時皖北情形萬緊非陳國瑞一人所能奏功該大
臣於此路肅清後卽應迅速南征用伸天討
上又命議政王軍機大臣傳諭曾國藩唐訓方曰臨
淮爲皖北屏蔽關繫甚重必須竭力固守本日據

僧格林沁奏攻克教匪山寨匪首伏誅業經該親
王派陳國瑞一軍三千人前赴蒙城援救著唐訓
方派員迎催赴皖並著該撫酌度緩急何路喫緊
卽派該總兵前往攻剿至僧格林沁移紮東昌督
率各軍剿宋憬詩股匪一俟削平後卽親督馬步
全軍南下頃據張之萬奏捻首張總愚等由鹿邑
竄至太康扶溝縣屬通許尉氏縣境亦有賊蹤且

苗沛霖有密約該擒潛襲汴城之說是張曜一軍
爲所牽掣勢不能徑趨潁上雖諭都興阿酌調數
營赴臨亦慮緩不濟急必得就近一枝勁旅會同
臨營夾擊方可迅速奏功前據曾國藩奏李世忠
以五河爲臨淮後路儻苗逆下竄誓必決一勝負
等語該提督前派總兵朱元興帶兵千五百餘人
來臨助剿是其志切同仇力顧大局尙屬奮勉可

嘉著唐訓方卽飭朱元興督勇由劉府一帶進剿
附近苗圩以牽賊勢李世忠旣欲出力報效與其
駐勇五河不如督飭所部由五河星馳前進以拯
臨淮之急並著曾國藩卽行札調該提督迅速進
兵毋稍遲誤記名運使李元華曾否赴吳棠軍營
如尙在六安本籍或飭招集舊日團勇進紮潁上
或陽攻下蔡亦足以牽掣苗逆使其回顧並著曾

國藩等酌量辦理

上又命議政王軍機大臣傳諭都興阿富明阿吳棠
張之萬毛昶熙曰苗沛霖於淮河兩岸增壘塞河
前敵運道竟無一綫可通據唐訓方奏不得已將
進攻懷遠水陸各軍撤退臨淮危急更甚於前本
日據僧格林沁奏攻克教匪山寨生擒首逆已令
陳國瑞帶兵三千餘名馳援蒙城當諭該大臣催

令星速前進惟臨淮軍情如此緊迫僧格林沁之
軍因回勦宋憬詩一股未能全隊啟行此時江北
防務雖屬緊要而臨淮亦爲皖北關鍵都興阿等
能否於揚防抽撥數營前赴臨淮助勦著卽妥籌
派撥一面具奏裏下河之防必須處處嚴密並著
會同吳棠飭所屬文武各員認真防範吳棠仍當
嚴飭姚廣武等實力會勦不得稍有退縮如有就

近可撥兵勇並卽趕緊派撥臨淮軍餉當源源接濟毋令譁潰諒吳棠必能力顧大局記名運司李元華現在曾否到營若令招集舊日團勇由六安進紮潁上亦可以牽逆練之黨使之反顧則蒙淮可以稍鬆本日已諭曾國藩酌辦並著吳棠酌量辦理毫捻由鹿邑邊境西竄太康扶溝等縣擾及通許偏近省垣張之萬已派都司連美等進紮通

許並知會毛昶熙派兵抄擊力扼西北兩路飛檄
張曜督所部由陳州探蹤進剿所籌均妥卽著毛
昶熙迅派得力將弁星夜取道鹿柘抄出賊前迎
頭截剿並會合張曜等兵實力夾擊汴垣空虛張
之萬當督飭司道等辦理防守事宜惟守郊不如
守險該撫仍當駐軍扼要之地以剿爲防勿令直
徇省垣方不致有疏失唐訓方所請令張曜進紮

願上之處著俟此股擒匪勦辦完竣卽令相機進
紮以牽苗逆之勢

上諭內閣曰官軍攻克教匪山寨殲擒首逆實足以
伸天討而快人心僧格林沁自攻克淄川後移軍
鄒邑甫經匝月卽將教匪掃穴擒渠良由該大臣
調度有方懋著忠勤用能驅策羣力深堪嘉尙國
瑞自幫辦軍務以來籌度機宜不辭勞瘁此次復

能督軍設伏盡殲醜類勳勩卓著甚屬可嘉國瑞
著加恩賞還御前侍衛並發去白玉搬指一箇白
玉翎管一支大荷包一對黃瓣小荷包二箇交該
侍郎祇領以示優獎總兵陳國瑞自入東省所向
有功現又攻克教匪堅巢先登破壘尤屬奮勇著
加恩賞給頭品頂戴其隨同出力之總兵郭寶昌
著交部從優議敘參將張從龍著以副將儘先補

用都司李福著賞給猛勇巴圖魯名號參將康錦
文著以副將補用都司蔡得勝著免補都司以遊
擊儘先補用先換頂戴守備王得勝著免升都司
以遊擊仍留漕河標補用趙世良著賞換花翎馬
敬著免補守備以都司留於漕標儘先補用守備
李開春著以都司儘先補用千總王洪孫玉殿均
著免補千總以守備補用田有才著以守備補用

把總謝殿元著以千總補用把總盧遐齡著賞戴
藍翎外委范承先著以把總補用候選縣丞趙鍾
驥著賞戴藍翎其餘在事出力文武員弁並著僧
格林沁查明請獎候旨施恩

僧格林沁國瑞又奏言臣等與黃國瑞接見之
際詢悉該總兵係湖北德安府應城縣人原姓
陳氏從前爲髮逆所擄嗣經逃出投至總兵黃

開榜營中效力卽蒙認作義子遂以黃爲姓屢
隨打仗出力洵保今職仰蒙

高厚官秩日崇而報本之私愈不能已伏乞

恩施格外俯准黃國瑞仍歸陳姓俾該鎮仰邀

錫類之仁當益矢忠貞之志矣奏入得

旨允行

卷之八

三十一

欽定勦平捻匪方略卷一百九十六 癸亥年

八月初二日丙子張之萬奏言 臣於尉氏途次接

奉

諭旨以 臣現紮許州不可遽回汴省查尉氏距省已
近若 臣折回許州恐人情驚疑是以未敢拘泥
於次日暫行回省至歸德一路 臣已將孫之友
敖天印李世玉邵春仁蔣東才等馬步各隊撥

歸毛昶熙帶赴宋郡節節進剿其陳州一路飭
總兵張曜及張士元尹家賓等各營馬步相機
進取臣與藩臬兩司面籌一切緊要事件略有
端緒立即出省或其時邊隅有警即日啟行斷
不敢稍形濡滯奏八

上諭曰著懷遵前日寄諭與毛昶熙隨時妥籌辦理
毋稍疏忽

同日閻敬銘奏言欽奉

諭旨令臣添兵助剿迅催各軍前進查刻下東軍各

營已先後到齊臣亦一路設法繞越因節節阻

水至七月二十八日始抵博平臣擬在此暫駐

居中調度現飭副將范正坦曹正榜韓登泰各

營分紮沿河上下李海務等處惟運河南北綿

長二百餘里處處可以偷渡臣甫經到此尙需

親身周歷察度形勢將各軍擇要挪移以期彼
此接應連日疊據總兵保德臬司丁寶楨稟報
二十日宋逆馬賊百數十騎從柳林東南搶糧
經楊家莊兵圍邀擊將逆隊分截兩段殺傷數
十名奪獲旗幟多件追擊二里許因天黑收隊
同日堂邑定遠寨溫儀集地方有賊首李江朱
登峰等領馬步賊三百數十人前往打糧卽分

撥兵勇馳赴截擊賊首李江揮衆抗拒我軍奮
勇直前立將該匪砍傷落馬共斃馬步賊三十
餘人追至三十里外始行收隊其梁家淺馬橋
等處是日各有賊匪竄擾亦經官軍擊退二十
一日宋逆馬步大股二三千人又自范家寨西
北繞奔東南欲撲柳林團營經團勇出圍抵禦
槍礮齊施賊勢不支率黨南竄都司沈玉貴密

率所部勇丁在西面松林設伏以待賊衆奔至
兩軍夾擊賊復折北而逃團首范景賢復帶團
趨西北截擊三面圍攻共斃賊二百數十名負
傷者不少所得馬牛器械糧食無數另股賊匪
又有麴聚堂境王家海子圩內者共馬步賊五
六百人宋逆復添悍賊頭目許四領數百人赴
圩助守日夜徧脅附近團民代築圩牆爲牽掣

官軍之計二十三日保德丁寶楨飭都司李元
知縣劉時霖等由北路進丁寶楨親督楊通廉
守備郭大勝等爲兩路策應突見該圩東門擁
出馬步賊一千四五百人我兵直撲圩濠該逆
在牆外濠內死拒我兵馬步並進濠寬不能驟
越賊忽分股衝突劉時霖及郭大勝等向前紮
營施放連環槍礮轟斃馬步賊七八十人將逆

首王得平刺死賊由北敗退圩內復出馬隊二
三百人意圖包抄後路又經保德將步隊由西
夾擊斃賊一百六七十人賊目許四中槍墜馬
圩賊見勢不敵開西門逃竄我軍一面追殺一
面越濠由東門而進砍殺無算立將王家海子
賊圩平毀候補遊擊李芝芸勇目周鴻儀先後
追賊陣亡應請

飭部將李芝芸照例議卹文童周鴻儀照從九品陣亡例從優議卹奏入

上命議政王軍機大臣傳諭劉長佑閻敬銘曰閻敬銘馳抵博平派副將范正坦等各營分紮沿河上下李海務等處總兵保德臬司丁寶楨等軍於二十二十一等日在楊家莊等處擊敗匪徒其撲犯柳林團營之匪亦經各團勇夾攻殲斃多名官軍

復將王家海子賊圩攻破著闔敬銘卽督飭所部
各營擇要布置與保德等軍互相策應並與劉長
佑各軍約期大舉節節進剿迅將宋憬詩股匪掃
除毋稍延緩現在秋禾業已收割僧格林沁已掃
平紅山股匪移軍東昌保德丁寶楨各營屢獲勝
仗劉長佑正宜乘此機會迅督所部滾營前進聯
絡僧格林沁闔敬銘諸軍速將宋逆殲除毋得游

移遷延致誤事機候補遊擊李芝芸童生周鴻儀
勦賊陣亡均堪憫惻李芝芸著照例議卹周鴻儀
著照從九品陣亡例從優議卹

初四日

戊寅

劉長佑奏言七月二十日

臣親督兵

勇前赴臨清南岸之舊縣地方挑築營壘正在
興工賊馬千餘向前衝突當派步隊五成列陣
迎敵而以馬隊分兩翼包抄該逆退竄我軍乘

勢追擊斃賊五六十名因趕築新壘未便窮追
至晚營壘告成總兵姜國仲等卽於次日拔營
進紮一面飭臨清州彭垣督催鄉民隨同官兵
將新壘附近高禾逐層芟穫二十三日臣復與
江長貴鄭魁士親督已革總兵吳再升都司陳
定邦肥鄉縣知縣楊毓楠各帶所部練勇赴舊
縣前數里于家樓地方添築營壘該逆馬步千

餘名又來擾犯提臣恆齡翼長蘇克金率馬隊
擊走之二十四日吳再升等拔營進紮探知賊
必復來蘇克金密派副都統常善督率所部馬
隊伏於樹林密處該逆馬步分三路來撲勢頗
兇悍江長貴鄭魁士督飭步隊且前且卻誘賊
漸近新壘連開洋礮炸礮該逆退避不及死傷
頗多常善馬隊馳出抄擊該逆紛紛潰竄蘇克

金恆齡各率大隊乘勢追擊約斃賊一百餘名
奪獲旗幟器械多件馬十餘匹該逆竄至尖莊
對岸調馬橋一帶意圖搶渡經護天津鎮總兵
春霖率防河弁兵槍礮齊施復斃賊二三十名
又據山東臬司丁寶楨稟稱該逆分股應撲柳
林團營均經兵練合力守禦屢有斬擒二十七
日江長貴等復於江家村地方扼紮距于家樓

六七里賊馬馳至余承恩率隊向前迎擊賊卽
返奔二十八日江長貴等督催各營前進該逆
馬步二三千分路馳犯勢尤猖獗江長貴等親
督步隊分出迎擊恆齡等馬隊亦先後馳至臣
督親兵列陣于家樓相機策應知府余承恩等
各率兵勇向前遏擊先將步賊格斃多名該逆
馬隊撲來又經連放槍礮轟斃尤多賊勢不支

始行退竄復有馬賊四五百名由西南繞出意在抄襲我軍後路副將陳飛熊率親兵直前截擊並與楊統楠同放劈山大礮賊始退縮各兵勇追斃百數十名因前路高粱尙密未便窮追現據探報該逆仍糾集黨衆以求復逞臣已密飭前路各營堅壁以待商派馬隊分駐附近村莊伺其深入再予痛剿並飭催徐廷楷王榕吉

保德丁寶楨各率所部兵勇相機出擊以分賊
勢惟該逆狡滑異常一經懲創勢必急圖旁竄
亦經飛飭王榕吉與祝壇等督飭沿河員弁兵
勇嚴密防守勿稍疏懈江長貴鄭魁士仍一面
率同姜國仲等各營將前路高粱節節芟除滾
營進逼以期及早合圍再匪首程瞬書實係於
六月初七日在館陶營次伏誅此次保德所稟

竄匪程瞬書一節查係程瞬書之兄程敬書現
與宋逆爲黨保德所稟當屬訛傳奏入

上命議政王軍機大臣傳諭僧格林沁劉長佑闔敬
銘曰直隸官軍防剿情形漸次得手惟該逆股數
衆多詭詐百出飄忽靡定該處地勢平衍曠闊尤
易旁竄非四路邀擊不能制賊死命劉長佑現與
江長貴等軍築定新壘移營進逼恆齡蘇克金亦

各督所部馬隊分路追擊王榕吉等嚴防河岸遏
其紛竄所籌尙妥著卽會同各軍實力進剿並著
扼要設伏防其奔突閻敬銘已抵博平所派各軍
調赴堂邑與保德丁寶楨等所統兵勇合隊擊賊
直東各軍已漸聯絡僧格林沁勦平教匪後親督
舒通額等馬隊馳抵東昌諸軍更有統屬著卽督
同直東各將弁遇賊卽擊先將四面股匪次第殲

除然後大舉合圍迅攻老巢將首要逆匪悉數掃
除以清畿輔劉長佑閻敬銘亦當激勵將士恪遵
調度以期同心戮力迅奏膚功諒此區區小醜不
難剋日蕩平也

初六日庚辰曾國藩奏言苗黨之踞守壽州者踰

伏未動蔣凝學毛有銘周寬世成大吉所部各
駐要區防守尙穩蒙城解圍後賊聚懷遠普承

堯張得勝等攻懷遠之師已被該逆截斷後路糧運梗塞臣派赴援臨之何紹彩陸師二千人王吉丁泗濱三板八十號先後到防十三日水陸並進水師攻奪宋家灘礮划數十隻惜河洲一壘未破前敵糧運仍爲賊阻其留守臨淮者兵力過單別無可濟之師殊少自全之策北顧淮甸殷憂曷已

同日吳棠奏言據黃開榜稟稱苗逆在宋家灘
添築賊壘又於河內密布椿纜鐵索阻扼水師
往來之路各軍會合夾擊苦戰多時未能取勝
丁泗濱水師撤回沫河口黃開榜仍收隊扼紮
蚌埠惟上游進剿及送糧礮船百餘隻不能下
駛文報隔斷又據探稱張得勝等陸隊均已撤
回惟龔文林等水師尙困賊內臣聞報之下曷

勝憤急此起上游蔽船旣爲賊阻黃開榜現帶
師船精銳損失大半賊若水陸下竄專注臨淮
唐訓方一軍勢恐不支稍有搖動則苗逆北竄
徐宿東徧泗靈南連滁五徑途四達防扼益難
現在欲拯臨淮之急必須一生力軍由宿蒙直
擣懷遠北路則該逆急於回顧臨淮要地或可
保全且將來削平苗逆之策尤必數道進兵方

集三考圖之四卷二十一之二
可制賊死命據總兵陳國瑞報稱鳳凰山餘匪
已經官軍勦除殆盡白蓮池卽可肅清是東境
已無賊蹤各軍似可移緩就急爲此瀝懇

天恩飭下僧格林沁刻日督師援皖或由該親王先
撥陳國瑞等軍從蒙城進攻懷遠北路仍請

飭下曾國藩嚴飭六穎楚師進攻壽州使苗逆數面
受敵不敢專撲臨淮臨軍稍養銳氣仍可制其

東路如三路官軍奮勇齊進則苗逆往來奔命
勢分力單但有一路得手各路皆可蹙偪戡定
之機當有把握再姚廣武一軍現因韓村池西
捻股窺伺該總兵馳赴勦辦仍與蒙城聯絡聲
勢並撥兵回駐徐郡以資鎮守如有緊急再派
馬隊回援

同日唐訓方奏言賊因各營撤退乘勢襲踞長

淮衛意在步步進逼直撲臨淮臣密令姚榮麒等乘賊不備直攻賊寨槍礮環施該逆紛紛潰竄當將長淮衛克復姚榮麒步隊卽移紮該衛丁泗濱等水師亦分營前往與沫河口互相聯絡先是臨軍未退之時臣因蒙城糧路已通賊勢稍輕飭馬新貽以蒙事交英翰姚廣武辦理而自率王才秀所部回援臨淮現在馬新貽已

率王才秀等將胡家圩攻破由蒙起程繞道宿
州已到臨淮惟苗逆狡譎異常初於壽州潁上
懷遠蒙城稱兵四出分我兵力潁壽旣得則化
四爲兩於潁壽第爲固守而悉其精銳於蒙懷
迨相持已逾四月知蒙懷力難兼顧則又化兩
爲一於蒙城第爲牽掣而悉其精銳於懷遠今
且因我軍退守知臨淮力難遽吞而懷遠不至

爲我所乘則又以圖懷之賊轉而圖蒙是我軍
處其分而賊處其合且日出馬隊乘隙肆擾飄
忽無常是我於分處難合而賊於合處能分臣
惟有竭盡愚忱勉持危局並嚴飭英翰會同姚
廣武就現在兩處勇練妥爲防範俟援兵厚集
剋期併進均奏入

上命議政王軍機大臣傳諭僧格林沁曾國藩吳棠

唐訓方曰苗黨之聚懷遠者將普承堯等軍後路截斷糧運梗塞該督所派赴援水師各軍攻奪宋家灘賊划數十隻而河洲一壘未破前敵糧運仍爲賊阻臨淮兵力過單殊少自全之策與唐訓方疊次奏報均屬相符據吳棠奏黃開榜現帶師船精銳已多損失不得已而退守賊若水陸下竄臨軍勢且不支欲拯臨淮之急亟須生力軍由宿蒙

直擣懷遠北路以攻賊所必救並須數道進兵使
賊面面受敵方可得手所籌不爲無見僧格林沁
之軍勦平白蓮池教匪後該親王移師東昌合勦
宋憬詩一股已遣總兵陳國瑞帶兵三千名赴援
皖北卽著唐訓方迎催令其速由蒙城痛掃逆氛
進攻懷遠北路其六額各楚師如蔣凝學毛有銘
周寬世成大吉所部據曾國藩奏稱各駐要區防

守尙穩惟遠防不如近勦著曾國藩速飭進攻壽
州使賊不得專力撲攻臨淮臨軍復振自可與南
北援軍三路齊力進擊俾賊疲於奔命以蹙其勢
曾國藩身膺重寄責無旁貸此等機宜應隨時調
度與唐訓方聯絡策應以求萬全該大臣雖云顧
瞻淮甸徒切殷憂而空言無補總當於萬難籌措
之中力籌援應之策正寄諭閒唐訓方奏姚榮麒

等乘賊不備攻克長淮衛水陸進紮有此一戰賊
鋒少挫惟苗逆詭譎異常知臨淮猝難動搖又以
其圖懷之賊轉而圖蒙蒙城雖糧路已暢而賊勢
又復趨重唐訓方兵力本單分防臨淮蒙城兩處
中隔苗圩二百餘里馬新貽現已率王才秀之軍
將胡家等圩攻破繞由宿州已回臨淮蒙邑僅有
英翰等軍尤虞單薄陳國瑞由北路赴援正可將

趨重蒙城之賊迎頭痛勦著僧格林沁唐訓方卽
行嚴催陳國瑞之軍迅速進取毋失事機並著吳
棠飭姚廣武一軍與英翰等聯絡策應臨淮軍事
稍鬆仍著唐訓方妥籌固守激勵諸軍與南北援
師併力戰守以策萬全

初九日

癸未

都興阿富明阿奏言休致總兵王萬

清病痊銷假後由邵伯鎮調赴揚營前敵駐紮

該總兵整頓營伍約束謹嚴兼之年力正強若
從茲廢棄誠爲可惜且所部川勇統帶有年遠
易生手亦難得力可否將該總兵暫留揚營統
帶川勇以資熟悉出自

逾格鴻慈奏入

上命議政王軍機大臣傳諭都興阿富明阿曰王萬
清著准其暫留都興阿軍營帶勇效力儻仍不知

愧奮卽行從嚴叅辦該員縱勇滋事朝廷早有所聞旣據該將軍等稱其年力尙強廢棄可惜姑准所請惟當調赴都興阿軍營隨時察看無庸令其專防汛地以免滋擾

初十日甲申都興阿富明阿奏言苗逆截斷皖師

糧道兇燄益張唐訓方撤軍退守臨淮待援孔迫若不設法抽派數營前往則皖省大局決裂

堪虞 臣等現派忠新勇一千名交參將戴錦芳
統帶又派川勇一千名交王萬清統帶趕赴皖
營救援歸唐訓方調遣 一

同日吳棠奏言苗逆分黨前往蒙城勢將擁衆
進逼總兵陳國瑞援皖 臣已飛催前進惟 臣駐
清江距蒙宿六七百里一切進剿機宜實難遙
度必得大員幫辦以一事權查陳國瑞治軍嚴

整兵民翕服若使之獨當一面必能迅掃狂氛
可否仰懇

天恩飭陳國瑞幫辦 臣營軍務駐紮蒙宿一帶所有
徐宿蒙城各軍均歸節制責成該員北剿捻匪
南勦苗逆定能勝任 臣仍當隨時商榷共濟艱
難不敢稍有推諉

吳棠又奏言據徐州道府稟報七月二十八日

擒股兩旗二千餘人由西南竄至蕭境之劉家
店張家寨一帶放火擄掠二十九日擾至銅沛
交界之敬安集經都司邱尊謙督隊迎擊斃賊
二十餘人生擒二名該匪仍向北遁現在總兵
姚廣武已派副將呂道宣等帶領馬隊於二十
九日未刻追至趙家集臣仍當檄飭該員等跟
蹤截勦並分札各州縣嚴密堵禦均奏入

上命議政王軍機大臣傳諭都興阿富明阿吳棠曰
吳棠請令陳國瑞幫辦該漕督軍務已明降諭旨
宣布著卽傳知該總兵當懷承恩命努力自愛毋
稍滿假以期克保令名長承優眷並著飭令星速
赴援卽將趨蒙逆黨迎頭痛擊會合英翰等軍力
解城圍並與唐訓方等遇事和衷聯絡策應以摺
皖局王萬清一員昨已有旨准都興阿等所請留

於軍營帶勇效力卽著都興阿等飭令與參將戴
錦芳星夜赴皖援救以厚兵力徐屬竄擾蕭縣等
境捻股吳棠派兵迎擊北遁現往何處仍飭姚廣
武等追擊並令該總兵兼顧蒙城一路隨時應援
上諭內閣曰頭品頂戴儘先總兵陳國瑞著幫辦吳
棠軍務

十二日 丙戌張之萬奏言亳捻由扶溝一帶分擾

臨潁西竄許州並占踞許州城外之大莊保全
兩寨經官軍轟擊該逆奪路狂奔立將大莊保
全兩寨克復匪衆悉數西遁訊據獲匪供稱捻
首張總愚等均爲苗逆所使糾合悍黨圖竄陝
西勾結回逆如潼關有備卽折竄楚北老河口
一帶勾結髮逆再圖入寇等語刻下長葛禹州
邊境已有寇蹤張曜親率步勇繞出賊前與馬

隊前後夾擊期殲窮寇 臣查擒匪深入已過許
境或西犯潼關或南趨襄漢均爲賊竄熟徑而
河洛地多阨塞爲形勢必爭之險張曜繞前夾
擊深協機宜現在遊擊彭心友新募之楚勇行
抵許州參將李世玉一軍亦追賊西進均令隨
同張曜追剿惟該匪本有折竄楚北之說儻我
軍西備而寇騎南趨則宛鄧之間處處可慮 臣

擬由省親率小隊馳赴許州擇要駐紮如賊由
襄葉南走卽可由許州派兵截擊仍當隨時審
度機宜妥籌規畫不敢顧此失彼致有疏虞

張之萬又奏言陳州府東南另有匪股三四千
人竄至沈邱縣境聞係苗逆黨與八月初二日
賊騎已至淮甯縣屬之魯台集步賊亦至霍龍
淮寨等處其邊馬直撲西華縣城刻下張曜一

軍專顧西路未便分撥前派副將孫之友由陳
州帶隊西剿現今折回由扶溝西華一帶向東
迎擊其參將李世玉一軍卽由通許尉氏探蹤
堵剿並飛檄遊擊王文行率其全隊取道上蔡
與各軍會合探剿臣卽日出省確探寇蹤何路
喫緊卽派兵前往策應查苗逆素畏僧格林沁
此時逆黨竄豫深恐僧軍南下進剿蒙亳河南

官兵取道穎太則該逆四面受敵故乘僧軍未到先期滋擾以綴我兵刻下山東各匪均已翦除若得僧格林沁移軍助剿賊勢必窮惟有仰懇

飭令僧格林沁星速南來會合兜剿以保豫疆奏入上命議政王軍機大臣傳諭僧格林沁官文多隆阿嚴樹森英桂張之萬毛昶熙張集馨曰辜捻竄偏

許州經官軍擊退悉數西遁訊據賊供捻首張總
愚等爲苗逆所使糾合悍黨圖竄陝西如潼關有
備卽折竄楚北老河口一帶勾結髮逆前因豫省
官兵克復張岡當令張之萬駐紮許州遏捻匪西
竄之路乃該撫不知緩急徑回省垣致該匪得以
乘虛奔竄深入腹地張之萬調度失宜實難辭咎
著先行交部議處毛昶熙張曜駐軍陳宋各郡何

以於亳捨西趨亳無知覺致各軍皆出賊後可見
駐兵防堵全屬有名無實毛永熙張曜均著傳旨
申飭現在長葛禹州邊境均有賊蹤張曜現擬派
馬隊跟追並親率步隊由北面夾擊著卽奮力截
剿痛殲醜類張之萬出省後並當相機堵剿毛永
熙亦卽派撥兵勇隨時策應儻任賊蔓延豫省或
擾及山陝惟張之萬毛永熙是問此時前股賊騎

已過許境或由郝汝徑趨盧氏西犯潼關亦意中
事且回匪被勦窮蹙難保不暗中勾串苗逆約會
西來是潼關一隅最關緊要多隆阿留守潼關之
兵是否尙在該處著該大臣酌度情形如潼關守
將不足深恃兵力不敷堵勦卽當派得力將領酌
帶兵隊前往助守毋令一人一騎得以入關方爲
妥善張曜業已督軍西進該匪或聞風南竄則宛

鄧之閒處處可慮歐陽正墉一軍駐紮襄陽去南陽不遠著官文等酌量情形或飭該道派兵馳赴宛鄧等處會同豫軍截擊或另派得力兵勇出境會剿均著迅速酌辦毋稍遲延其商維一帶亦係該匪熟徑並著多隆阿張集馨會商布置以備不虞毋稍大意密縣禹州均有賊匪而密縣毗連汜水晉省河防不可鬆懈著英桂嚴飭在防文武員

弁認真防守如匪黨竄近晉邊或附近潼關一帶
晉防兵勇足敷堵禦卽著英桂抽撥勁旅飭令渡
河會合豫軍夾剿以期迅殲醜類毋得稍有疏虞
僧格林沁現在剿捕宋逆正當喫緊自應俟宋逆
殄滅後再行率師南下張之萬當就現有兵力將
關入境內之匪痛加剿洗不得專盼僧格林沁之
兵致滋貽誤

十四日子戊官文奏言前漕運督臣袁甲三歷官

中外二十餘年平日剛正不阿體用兼備其督

師淮皖時每因軍務機宜與臣剴切籌商咨函

往返知其慮事精詳御軍嚴整故士卒用命屢

戰皆捷連克全椒六合天長定遠等邑城池使

江淮得以羸定數年來楚師之規克安慶廬州

專意南征淮揚民獲安堵實賴袁甲三屏蔽之

力本年三四月閒苗逆復叛奉

旨籌辦團練防勦袁甲三與疾指揮倡捐濟餉力維
大局現因積勞病故可否籲懇

天恩飭部將該大臣居官行政諸事宣付史館並准
在陳州地方建立專祠出自

逾格鴻慈奏入

上諭內閣曰前因張之萬奏前任漕運總督袁甲三

積勞病故當經降旨照清運總督軍營病故例從優賜卹茲據官文奏稱袁甲三服官中外二十餘年從前督師淮皖屢戰皆捷連克城池江淮得以羸定數年來楚師規復安慶廬州專意南征淮揚民獲安堵實賴袁甲三屏蔽之力本年三四月間苗逆背叛奉旨籌辦國防袁甲三與疾指揮倡捐濟餉力維大局請將該故員事蹟宣付史館並建

立專祠等語前任清運總督袁甲三居官行政諸事實著宣付史館並准在陳州府地方建立專祠同日都興阿富明阿奏言總兵王萬清等帶兵援皖已於八月初七日全數起程復接唐訓方來函請再撥馬隊一千助剿臣等查揚防馬隊通共五營每營不過一百餘名現在馬匹缺短有馬之兵不足四百名當此江防喫緊處處皆

須馬隊就地設防已屬不敷分布當經據實函復理合陳明江陰現雖克復而該城附近尙有賊巢防堵尤宜嚴密已令吳全美督飭各幫礮船嚴行防禦以杜逆匪紛竄奏入

上命議政王軍機大臣傳諭曾國藩都興阿富明阿唐訓方曰臨淮餉絀兵單唐訓方摺注日久苗沛霖復糾集黨與併力圍攻蒙城逆燄臨張日甚僧

格林沁現任東昌驟難移軍赴皖豫省又因苗逆
勾捻竄撲西華等處兵力爲所牽掣不能進攻非
厚集兵力不足以制其死命都興阿前撥勇丁二
千名往援臨淮尙恐不敷勦辦該處設有疏虞卽
揚州軍營後路亦必因之震動現在江陰縣城業
經克復江北情形稍鬆卽著都興阿富明阿酌度
情形多添精銳兵勇由富明阿督帶馳往臨淮迅

速助勦並著唐訓方於富明阿馳抵臨淮後將防
勦事宜會商籌辦至江北防堵事務都興阿仍當
督飭水陸各營妥籌布置不得因南岸軍情稍鬆
致形疏懈前諭曾國藩飭蔣凝學毛有銘周寬世
成大吉所部各軍進攻壽州以分賊勢著仍遵前
旨相機調度與唐訓方聯絡策應毋令六潁各軍

株守一隅

十六日庚寅劉長佑奏言八月初三日僧格林沁

由水路進駐清平縣屬之魏家灣地方在臣營

東南七十里卽飛調恆齡蘇克金各起馬隊暨
防守北路之提標津標等營官兵同赴東路臣

於初七日親赴魏家灣面商機宜並請剋期會

合進剿臣回營後與江長貴鄭魁士督同前敵

各軍滾營再進時賊分股尙踞李廣莊隙牆安

蔽以圖抵禦初八日我軍整隊進至莊前賊馬
百餘匹馳來衝突知府余承恩已革總兵吳再
升開礮擊之當斃執旗馬賊一名餘匪退入村
內我軍槍礮齊施並擲放火彈火箭賊不能支
悉由村後逃去余承恩等卽於該處築營安紮
適聞僧格林沁續將西北駐防之洋槍隊全數
調去恐涉空虛卽飭王榕吉在館陶防兵內勻

撥防護以補其缺嗣准僧格林沁咨擬由柳林
村進兵令卽嚴防西南河岸臣前敵各營係在
賊巢正北遂於初九日與江長貴鄭魁士親督
諸軍向西南兜紮探知僧格林沁馬隊於柳林
村西遇賊接仗獲勝臣督飭各軍搜剿而進沿
途馬賊紛紛來撲均經兵勇擊退初十日又督
催兵勇進紮新集一帶距賊巢僅七八里據王

榕吉稟稱是夜有馬步賊匪在灘上村乘船搶
渡經遊擊湯繼揚等隔河轟擊斃賊甚多並奪
獲船隻暨火彈火包多件餘賊潛遁 臣料該匪
被勦勢蹙必將旁竄正在督隊再進冀可合圍
堯勦旋准僧格林沁咨稱舒通額等已追至岡
屯迤北總兵王佐臣春霖等步隊先後趕到卽
令移紮西南扼要防守又飭調總兵徐廷楷姜

國仲及參將邱瑞祥所部兵丁定於十一日午
刻齊赴塔頭大營聽候調遣等語 臣以各軍既
經逼近賊壘卽宜及此進取因於十一日親率
各營將士分路並進詎該逆乘夜南竄莘冠之
交僧格林沁已派馬隊跟蹤追勦仍囑嚴防西
南一帶經 臣飛調徐廷楷迅統所部前往小灘
鎮一帶扼要駐守一面飭大名鎮道馳赴南樂

清豐邊境督率兵勇民團迎頭攔截力遏西竄
之路並飛調豫省河北鎮迅統所帶兵勇會同
滑濬內黃等縣團勇在直豫交界地方擇要堵

禦應請

旨飭下河南撫臣飛催前進伏查該匪馬隊飄忽靡
常微特西南宜加嚴防卽西北正北兩面亦難
保不被勦回竄除將沿河各口岸照常布置外

臣仍俟天氣晴霽親督兵勇馳赴冠館附近一帶相機追截總期與僧格林沁一體聯絡防剿並籌斷不敢稍存意見致滋貽誤奏入

上命議政王軍機大臣傳諭僧格林沁劉長佑闔敬銘張之萬曰劉長佑奏宋逆被剿窮蹙乘夜南竄莘冠之交僧格林沁現派馬隊跟追劉長佑飛調徐廷楷赴小灘鎮扼守力遏西竄宋憬詩馬賊頗

多行蹤詭詐飄忽現雖南竄仍恐折而西趨乘虛
竄犯直境不獨大名各屬防守喫緊卽西北正北
亦應在在嚴防現在恆齡蘇克金各起馬隊及提
標津標洋槍隊各營均經調赴東路大名府屬之
南樂清豐等縣一帶地方未免空虛畿輔重地豈
可復被蹂躪僧格林沁督辦四省軍務諒必統籌
全局面面兼顧所有調赴東路之直隸提鎮各營

及海口熱河洋槍隊等軍著卽飭回劉長佑軍營
交該督調遣分投截剿僧格林沁旣抵清平所有
剿辦宋璟詩事宜著卽責成僧格林沁調度一切
如慮步隊無多查丁寶楨保德等所帶步隊爲數
不少可卽檄飭與恆齡蘇克金馬隊相輔而行該
匪旣已出竄小醜跳梁諒僧格林沁必能痛加截
剿將首從各逆駢首殲擒決不令其西擾直境也

劉長佑身任封圻保全直隸境地是其專責該匪
現已南竄劉長佑擬親督兵勇馳赴冠館一帶追
截任事甚屬奮勉惟東省追逼愈緊則直省更覺
喫重該督總當酌量情形回直境擇要駐紮督
同各軍會合各路兵團分投扼住運河斷賊西趨
之路以衛畿疆而重職守闔敬銘前在博平近日
曾否移營他處並著隨同僧格林沁相機策應毋

稍疏虞豫省滑濬內黃等縣接壤大名現經劉長
佑飛調河北鎮道扼要堵禦仍著張之萬嚴飭該
鎮道等迅統所部馳赴直豫交界處所嚴密防範
如防守不能得力致該匪闖入豫境必將該鎮道
等從重治罪決不寬貸宋逆是否全股南竄其甘
官屯李廣莊等處有無餘匪盤踞著僧格林沁等
查明具奏恆齡現署直隸提督因勦辦宋憬詩股

匪前赴山東事竣後該大臣尙須督師南下如必須恆齡前往卽著據實奏聞以便另派妥員接署直隸提督篆務俾免曠誤劉長佑所謂之李明惠一軍早經惲世臨馳報起程何以尙未到營著劉長佑星速催提並檄飭取道河北卽會合河北鎮道派出之軍將宋憬詩迎頭截勦不准逗留貽誤

十八日 壬辰 唐訓方奏言苗逆糾約捻股分紮蒙

城西南正東各面其南面舊空賊營復被占踞
並於渦河北岸添營五十餘座直抵小澗集下
游北岸官軍已爲包抄該逆復於南岸增壘十
二座我兵雖竭力抗拒無如賊營人數旣多器
械夙備若再增壘十餘並我南岸諸營包圍在
內糧路直無一綫可通矣蒙城危在旦夕惟有
日盼陳國瑞軍早到庶幾城圍可解徐圖進攻

唐訓方又奏言苗逆馬隊頗多臨營僅有克蒙額馬隊百餘衆寡懸殊打仗難期得力近以冒暑馳擊屢有倒斃愈形單弱查袁甲三前調吉林黑龍江餘丁及綏遠城察哈爾馬匹由薩薩布善慶穆克德布等帶領赴豫現在豫省軍務稍鬆臨淮攻勦苗逆亟須馬隊副都統善慶本在臨淮管帶馬隊上年打仗受傷回旗調理該

副都統熟悉此閒情形爲此仰懇

天恩俯准將調赴豫省之吉林黑龍江餘丁五百名
及綏遠城察哈爾馬五百匹卽令善慶管帶來
臨實於攻勦大有裨益

同日山海關副都統慶春奏言調赴河南軍營
之吉林黑龍江官兵於七月三十日起至八月
初十日止全數進關 臣會同善慶逐起點驗催

令按站徑赴河南軍營均奏入

上命議政王軍機大臣傳諭僧格林沁唐訓方曰苗逆糾約捻匪分踞蒙城西南正東各面軍情倍形危急唐訓方兵力極單若不趕緊援救恐蹈壽州覆轍著僧格林沁催陳國瑞一軍迅速馳赴蒙城力解重圍毋再稍涉遷延致滋貽誤唐訓方於該總兵未到以前仍當就現有兵力竭力支持毋得

稍有疏虞薩薩布熟悉皖省情形本日諭劉長佑
飭該員馳赴臨淮交唐訓方差遣如該員現在該
親王軍營卽著僧格林沁飭令迅速前往臨淮以
資得力協領穆克德布是否尙在臨淮軍營著唐
訓方查明如該協領打仗得力卽由該撫酌量差
委

上又命議政王軍機大臣傳諭劉長佑張之萬曰唐

訓方奏苗逆馬隊頗多臨營僅有克蒙額所部馬
隊百餘衆寡懸殊近因冒暑馳擊疊有倒斃愈形
單弱請將調赴豫省之吉林黑龍江餘丁及綏遠
城察哈爾馬隊抽撥五百名匹令副都統善慶管
帶來臨臨淮攻剿苗逆正形喫緊亟須馬隊襲抄
以資得力本日據慶春奏調赴豫省之吉林黑龍
江官兵已於七月三十日起至八月初十日止由

善慶等統帶陸續入關著劉長佑張之萬探明此
項兵丁現在行抵何處迅卽提催前進並卽行知
善慶星速抽撥吉林黑龍江餘丁五百名綏遠城
察哈爾馬五百匹由該員統帶剋期赴臨以資攻
勦蒙城軍情萬分緊急刻須馬隊赴援張之萬不
得藉詞扣留致大局或有貽誤薩薩布熟悉皖省
情形著劉長佑卽飭該員迅赴臨淮軍營交唐訓

方羞遣

方羞遣

三

欽定剿平捻匪方略卷一百九十七 癸亥年



八月二十一日乙未僧格林沁奏言臣於八月初

四日行抵清平縣之魏家灣擇地安營初七日

各隊先後到齊初九日臣帶領各起馬步隊由

魏家灣過河進兵先由柳林西南前進將趙家

塔頭等處村莊一律克復卽在各該處分紮營

壘偏近甘官屯劉貫莊賊巢初十日該逆由甘

官屯東門逃竄我軍自北繞赴西南追剿賊匪
遁入劉貫莊寨內併力死守我軍卽將甘官屯
賊寨收復當飭恆齡春霖帶隊駐紮是夜探得
該逆全股由劉貫莊向西南逃竄十一日黎明
蘇克金恆齡帶領馬隊跟蹤追剿臣復督帶舒
通額隨後策應並調魏家灣步隊礮位移至劉
貫莊駐紮是日我軍追出五十餘里查看賊蹤

有向東南分竄之勢遂令蘇克金等向西南追擊舒通額向東南堂邑一帶搜剿十三日夜臣督帶各起馬隊取道冠縣迎頭兜擊大雨終朝未能前進探得該逆在冠縣東南十餘里趙新莊等處盤踞十四日黎明出隊至煙店地方該逆瞥見我軍出莊抗拒馬步賊匪約有二千餘名當飭舒通額督軍衝擊該逆抵死不退正相

持閒突出悍賊二百餘名直衝入營總常德隊
內協理台吉諾林丕勒見賊勢甚猛卽督軍橫
擊盡將悍賊殪死賊勢稍卻舒通額揮令馬隊
一齊衝壓馬賊向東南敗退步賊仍敢直前迎
拒舒通額等督軍圍擊步賊不支紛紛亂竄卽
經我軍擊殺殆盡尙有步賊二百餘名向東挺
走當飭成保等帶隊搜勦其馬賊見步賊已潰

卽向東南逃竄我軍追殺三十餘里是日共斃賊一千餘名奪獲槍礮多件其餘馬賊六七百名知我軍緊躡其後悉向西南奔竄據探該逆於十六日巳刻竄過開州官軍卽於午刻追過開州等語是否接仗尙未接據稟報 臣因東昌府所屬之莘堂曹州府之觀朝等縣圍寨素有匪黨窩藏現在大股賊匪已經我軍擊殺殆盡

其豫先竄散各匪難保不潛匿各圩再圖聚衆
滋擾是以督飭舒通額帶領馬隊仍駐紮劉貫
莊並札調各地方官督飭各團次第清理實力
搜拏以絕根株而安良善查直東軍務惟宋逆
一股現已被勦窮蹙離巢遠竄此時不過鎮壓
搜捕無須多兵該督撫自應酌留本鎮本汛官
兵暨京營黑龍江各起馬隊搜拏餘匪彈壓地

方其兩省外調官兵及所募勇丁共有兩萬餘名均應趕緊遣撤令其歸伍歸農庶不致別生事端應請

旨飭下該督撫迅將外調官兵飭令歸伍所募勇丁及時遣散以節經費而免虛糜再查署直隸提督恆齡係黑龍江人帶隊極爲勇敢若令管轄旗兵尙堪整飭惟該員於綠營一切事宜未能

諳練似未便署理提篆致滋貽誤應請

旨另行

簡員署理以重職守奏入

上命議政王軍機大臣傳諭僧格林沁劉長佑闔敬
銘張之萬曰宋憬詩股匪經僧格林沁督師進剿
擊殺殆盡所有逃竄馬步各賊爲數無多亟應悉
數殲除肅清畿輔其東竄步賊業經成保等帶隊

搜勦諒易殄滅惟馬賊狂竄開州該大臣務當嚴
飭蘇克金恆齡盡力追躡乘其喘息未定將此股
竄匪就地殄除毋令闖入豫境並著劉長佑督率
兵勇由開州一帶迎頭截擊以勦爲防會同蘇克
金等軍兩路夾攻仍嚴催李明惠由河北進勦以
收聚殲之效張之萬當恪遵前旨檄飭河北鎮道
扼紮直豫交界處所豫防餘匪竄越毋得稍有疏

虞致干重咎僧格林沁因莘堂觀朝等縣素有匪黨窩藏現擬駐紮劉貫莊調派地方官督飭各團次第清理卽著嚴飭各該員弁實力搜拏務絕根株毋貽後患此時宋逆一股離巢遠竄鎮壓搜捕無須多兵該大臣請將直東調募兵勇趕緊遣撤自係爲樽節餉項起見惟直東交界地方人情浮動剽悍匪黨尙多僧格林沁指日督師南下劉長

佑闔敬銘各有地方之責自應乘此軍威大震之時將各處伏莽陸續搜捕淨盡屆時察看情形兵力如果有餘自當分別遣撤以節糜費本日僧格林沁所陳兵勇分別留撤歸伍歸農之處著劉長佑闔敬銘斟酌辦理恆齡於綠營事宜旣據僧格林沁奏稱未能諳練所有直隸提督一缺卽著改派江長貴暫行署理該員能否勝任仍著劉長佑

隨時察看據實具奏

僧格林沁又奏言逆首宋憬詩屢降屢叛怙惡不悛直隸總督劉長佑督辦三省勦匪事宜所統馬步兵勇不下一萬數千餘名沿河駐防自春至秋數月以來賊勢愈張及至六月閒該督奏稱擬用滾營之法步步前進月餘之久仍紮臨清尙未偪近賊巢至八月初三日始行過河

焚營尙距賊巢四十餘里坐擁重兵遷延不進
實屬貽誤戎機至曹州鎮總兵保德山東臬司
丁寶楨亦係管帶馬步兵勇駐紮堂邑專勦宋
憬詩股匪並應聽劉長佑節制乃該員等不圖
督兵勦賊及至堂邑西北二十餘里辛集地方
輒與該逆晤面擅議收撫亦屬咎有應得相應

請

旨將劉長佑及保德丁寶楨一併交部議處奏入
上諭內閣曰直隸總督劉長佑督辦三省勦匪事宜
自應迅速進兵將宋憬詩股匪殄滅乃時經數月
尙未成功殊屬遲延劉長佑著交部議處山東曹
州鎮總兵保德按察使丁寶楨管帶馬步兵勇駐
紮堂邑不思厲兵滅賊輒至辛集地方令宋憬詩
謁見未經稟商劉長佑擅議收撫尤屬非是保德

丁寶楨著一併交部議處

同日曾國藩奏言臣疊奉

諭旨令臣撥兵援救臨淮並札調李世忠迅速進兵

臣查濱淮之要區有五北曰潁上曰懷遠南曰壽州曰鳳陽曰臨淮皆緊傍淮水者也距淮稍遠之區有四北則濱潁河者曰潁郡濱渦河者曰蒙城南則濱淝河者曰六安濱史河者曰固

始皆匯於淮水者也自潁上懷遠壽州悉淪於
賊九處已失其三目下唐訓方所置守者爲臨
淮爲蒙城爲鳳陽三處臣所置守者爲六安爲
潁州爲固始三處情形雖稍分緩急而皆爲苗
逆必爭之地臣前派何紹彩陸師二千人及彭
玉麟楊岳斌所撥三板八十號先後抵淮亦嘗
戰勝一次因苗逆徒黨日衆夾淮而軍懷遠蚌

埠糧路已斷七月二十二日唐訓方將各營撤
退卽長淮衛小蚌埠一帶亦被苗逆占踞臨淮
一軍危如累卵臣本續籌援兵挽救全局况又
疊奉

諭旨責無旁貸無如近淮諸軍如周寬世蔣凝學毛
有銘成大吉等皆扼守最要之地不能抽動周
寬世所部分守六安迎河集二處尙嫌單薄頃

又調桐城一營併紮迎河蔣凝學所部分守潁
郡霍邱三劉集三處七月十七日攻破黃梁集
西南二圩十八九日疊平數圩該處在溜子口
之南苗黨倘貫金嘯聚其閒蔣凝學派隊出劉
家臺湖口焚其米船盡毀羣圩遂於八月初一
日襲破倘逆老巢嚴防河路爲將來進兵溜子
口之計毛有銘所部駐守老廟集七月十七日

攻破陶家三圩旋又分紮板橋集凡壽南六安
之良圩賴該軍以自保成大吉所部分紮固始
三河尖近爲潁郡聲援遠爲鄂省屏蔽而潘闈
等圩首鼠觀望亦須有該軍維繫其閒庶不致
堅其公然從苗之志凡此皆近淮諸軍難以調
動之情形也至江南南岸諸軍自江西肅清後
黃汝金等股圍撲青陽守將朱品隆病勢日篤

集賢堂卷之二十一
十一

不能登陴將士病者過半苦守兩旬兵單糧絕
炭炭可危李榕之由水路赴援者甫抵離城十
八里之銅埠江忠義席寶田之由陸路赴援者
現尙未至池州青陽之能否保守殊無把握縱
青邑倖保無恙而賊意在圍魏救趙將徧擾皖
南最要之區以掣金陵官軍之勢凡甯國蕪湖
南陵涇縣灣沚青弋江必將處處喫緊臣以金

陵各軍新破上方橋河西二壘城賊水運已斷
不得已檄令鮑超引軍西上以勦由江回皖之
賊以救甯國蕪湖之急方今滬軍極盛江陰新
克已將蘇浙之賊截爲數段正在得手之際本
宜加功於金陵收效於蘇郡臣分金陵之兵以
救皖南已屬失算若再遠救淮上所失尤大此
江南諸軍不能赴淮之情形也

諭旨命臣札調李世忠迅速進兵並垂詢是否可資
其力一節李世忠中心感愧與苗爲仇是其可
信之端而將弁驕恣士卒攜貳又其不可恃之
端該部所駐江北州縣惟滁州五河兩城稍有
關繫數年之儲蓄各營之精銳畢萃於斯論守
局則自顧身家或有堅忍之力論戰陣則向無
紀律難操必勝之權該提督果迫於公義私憤

併力勦苗自未便阻其敵愾之心致啟其猜疑
之漸若必調勦以資其力則臣可保該提督之
無他不能必該部衆之用命萬一軍心不固前
敵挫失恐五河後路又蹈二浦覆轍欲拯臨淮
之急轉貽全局之憂此又臣所不能不過慮者
也竊計臨淮各營何紹彩歐陽勝美等之陸師
丁泗濱王吉等之水軍尙無損折普承堯張得

勝等挫退以後已逾半月尙可收集補綴次第
成軍臣處解銀二萬及子藥槍礮以資整頓儻
陳國瑞援軍迅達臨淮或者勉力支持保此危
疆臣俟南路軍事略鬆仍當另籌一旅馳往會
剿斷不敢稍存膜視上煩

宸廑奏入

上命議政王軍機大臣傳諭曾國藩唐訓方曰曾國

藩奏皖南緊要未能撥兵赴援臨淮已解餉銀軍
火赴臨淮以資整頓俟皖南略鬆另籌一旅會剿
所慮甚屬周密陳國瑞一軍疊催僧格林沁飭赴
臨淮當已拔營前進計日可到蒙城前以江北軍
務稍鬆又令富明阿酌帶精銳兵勇赴援臨淮唐
訓方可派弁分投迎探俟各路兵勇到齊斟酌機
宜妥速進剿臨淮兵力漸厚暫可無須曾國藩撥

兵援應至李世忠之軍如其踴躍用命自不必拒
絕以寒其心設仍觀望不前亦毋庸催調以資其
力此中操縱機宜諒唐訓方必能領會也蔣凝學
等軍如可進擣逆巢安撫圩衆著曾國藩飭令酌
量戰守其倘貫金一匪是否殲斃並著查明具奏
二十三日丁酉劉長佑奏言據探宋逆冒充官隊
於十六日竄至開州邊境之清河頭該處兵練

併力堵禦。斃賊多名。該逆繞由開清邊界之北倉潛行西竄等語。臣一面飛飭大名鎮道率兵馳勦。一面親督各營由南樂馳赴河南內黃。扼賊去路。旋接大名鎮道稟報。賊被馬隊追及。拚命狂奔。已至河南濬縣境內。臣查濬縣在內黃之西南。相距約七十餘里。南可渡黃。西可渡衛。我軍若由內黃進勦。其勢必落賊後。且賊果渡

衛必赴臨漳西北之防尤關緊要因調各營分
由龍王廟汜河嘴冒雨西渡適聞敗匪百餘人
竄近南樂縣境當飭該縣張保泰與開州知州
楊詠春會督兵團截擊獲賊供稱宋逆大股在
井店被馬隊擊敗後已由濬縣西渡衛河等語
十八日臣營次大名派余承恩等各隊趕赴臨
漳江長貴等營馳赴臨洺關並派徐廷楷率兵

由小灘繞赴順德府一帶以備邊防仍密飭余承恩等行至臨漳如賊未西渡卽帶兵出境視賊所向前往迎擊江長貴徐廷楷各隊亦相繼前進與余承恩等合力兜剿其姜國仲祝塏所部兵勇仍飭暫駐開清一帶嚴防回竄一面探聽賊若西渡衛河卽可由濬縣大石橋一路跟追與余承恩等軍收夾擊之力臣暫駐大名府

集賢堂 卷之三十一 三十一
部署一切察看何路喫重卽馳赴行陣督飭防
勦至僧格林沁馬隊日夜跟勦迄無定向 臣所
率步隊日行不過百里聲息難通惟當勤探賊
蹤相機防勦以期迅殄醜類嚴杜蔓延

劉長佑又奏言據探八月十七日敗賊千餘人
經馬隊追及由濬縣梟渡衛河仍冒稱官兵於
十八日竄入臨漳成安一帶當飭藩司王榕吉

督兵馳赴鉅鹿參將劉祺馳赴正定並催前派
各軍繞出賊前迎頭截擊以防北竄恆齡蘇克
金馬隊聞已由內黃取道追勦臣亦經馳函請
其暫緩尾追閒道繞出賊前向南迎擊較易收
功奏入

上命議政王軍機大臣傳諭僧格林沁劉長佑張之
萬英桂闔敬銘曰宋逆由濬縣梟過衛河竄入臨

漳成安一帶是賊蹤已自西而北余承恩等各隊
曾否與賊相遇著劉長佑迅卽嚴督諸軍迎頭截
擊以防北竄恆齡蘇克金馬隊由內黃取道追剿
是已在賊之南追剿愈緊必致賊蹤偏近畿疆此
賊馬隊尙多直省官軍均皆步隊不足制賊死命
著僧格林沁飭恆齡蘇克金速卽開道繞出賊前
自北而南奮力迎剿其河北一路著張之萬懷遵

前旨飭該鎮道等實力防剿賊由開州竄越濬縣
渡河業經擾及衛輝屬境該鎮道等會否帶兵練
截擊並著張之萬嚴行督率認真防剿毋任賊匪
乘閒往來致干咎戾晉直交界距漳洛道里匪遙
現在宋逆有圖竄山西之勢並著英桂豫飭所屬
嚴加備禦毋令賊得西越晉疆擾及完善僧格林
沁現在是否尙駐劉貫莊所有莘堂觀朝等縣窩

藏匪黨搜捕如何如有端緒即可徑交閩敬銘
督率辦理該署撫務當嚴督所屬聯絡紳團實力
搜捕淨絕根株宋璟詩一股殘敗之餘率其死黨
冒死紛竄人數諒不多卽著僧格林沁督令各軍
乘勢掃除盡殲醜類劉長佑督師日久未能將此
賊迅圖殄滅現在賊蹤復擾直境尤應激勵各營
兵勇與恆齡等馬隊會同夾擊毋再遲延姜國仲

祝壇所部兵勇現尙駐開州等處仍飭嚴防回竄
隨時探明賊蹤與迎頭攔截之軍合力兜圍毋再
貽誤

同日吳棠奏言北竄捻股經都司邱尊謙等擊
敗後竄入豐縣境內又經兵練截擊南遁回巢
其滄河兩岸賊圩亦經副將艾憲銀收復惟蒙
城情形自馬新貽移軍赴臨後苗逆折回蒙境

不下二萬餘人渦河北岸之宋圩南岸之王圩均爲賊踞自蒙城東南繞至北面西面悉是苗壘皖軍在城外所紮各營盡包賊中其英翰小澗集官軍隔於賊西蒙城糧道四絕萬分危急苗逆以馬步七八千人蠶擁出撲分抄各隊英翰一軍被賊衝退經姚廣武從旁抄擊斃賊多名賊始敗退該逆復以步賊二千餘人從南路

衝上勢極兇悍官軍奮勇苦戰抵死不退姚廣
武揮軍直突賊陣並用洋槍環擊逆衆始行潰
遁臣查此次苗黨築圩圍蒙已成環逼之勢必
將負隅相抗蒙城孤懸賊中所恃爲援者僅陳
國瑞一軍該總兵於八月十四日抵徐州臣已
囑其相機進擊悉力赴援先求疏通蒙城餉道
卽可從容制勝不爲賊所牽掣奏入

上命議政王軍機大臣傳諭都興阿富明阿吳棠唐
訓方曰蒙城自馬新貽移軍赴臨後賊衆築圩環
徧情形萬緊該城所恃以爲援應者惟陳國瑞一
軍該總兵已於八月十四日抵徐卽著吳棠傳知
該員迅速進兵先通蒙城餉道力解城圍毋得稍
事遷延致令孤城坐困北竄捻股旣由豐縣南遁
回巢宿西一帶存艾憲銀一軍足資堵剿其姚廣

武一軍卽著吳棠飭令與陳國瑞之兵聯絡策應
合力進取毋誤事機前有旨令富明阿酌帶官兵
赴臨援應此時蒙城危急萬分富明阿之軍如能
早到臨淮相機進取亦可掣動蒙城賊勢卽著該
都統懷遵前旨迅卽拔隊前進與唐訓方合力戰
守江北防軍久經休息臨淮得此生力之軍亦可
大振聲威兼籌進取蒙城軍事或可稍鬆解圍必

當更易諒富明阿必能領會機宜迅速前進也江
北防務卽著都興阿督令在防各軍嚴扼要隘毋
稍疏忽

二十五日己亥英桂奏言據探捻匪大股已由許

州竄至洛陽距河岸及潼關不遠晉省兵勇數
祇萬餘如該匪銳意西趨一至新澗陝州則垣
曲縣之東灘渡平陸縣之茅津渡芮城縣之大

禹等渡皆僅一河之隔在在須防臣已飛飭副將袁復清統帶楚勇五百名先往東灘渡駐紮並咨總兵和昌會同河東道劉子城抽撥勁旅分赴茅津等渡協同守禦一面飛咨陝西巡撫轉飭潼關驍將沿河各項渡船全提北岸以免搶渡仍飭各地方官激勵民團與兵勇互相聯絡以壯聲威如果匪黨竄近晉邊或附近潼關

一帶豫省有兵追勦晉師尙可酌派渡河會合
夾擊儻豫省無兵賊勢猖獗沿河口岸同時喫
緊卽有自顧不遑之勢 臣惟有諄飭在防文武
嚴守要隘力保完區奏入

上命議政王軍機大臣傳諭英桂張之萬曰前因張
之萬奏辜捻擾及許境經兵練擊敗悉數西趨諭
令英桂認真防守茲據奏報防河情形尙屬認真

著卽飭和昌劉子城等於防務較鬆處所撥派兵
勇扼賊來路實力剿擊勿使一人一騎得以偷渡
如豫省有追剿之師卽派兵渡河會擊以期一鼓
殄除其潼關一帶卽咨會多隆阿張集馨迅派兵
勇迎頭截擊並飭潼關廳將沿河各項渡船全提
北岸以免搶渡該撫務當嚴飭所屬實力辦理不
得徒託空言致干重咎張之萬於八月初七日奏

報擒匪擾及許境被擊西趨該撫卽日馳抵許州
派張曜繞越賊前會擊至今將及二旬未得該撫
續報如匪勢南趨亟應飛咨湖北派兵夾擊現據
英桂奏擒匪大股已由許至洛似已蓄意西趨張
之萬當一面飛咨英桂派兵堵剿一面仍飭張曜
等兵繞出賊前痛加截擊不可徒成尾追之勢致
令竄入晉疆

二十七日辛丑闔敬銘奏言臣抵博平後適僧格

林沁攻破宋逆甘官屯劉貫莊老巢移軍追剿
臣恐其由東南竄逸卽於八月十九日移紮東
昌城外之小東關二十日馳赴堂邑劉貫莊與
僧格林沁商辦一切查莘堂冠館各匪前此旋
平旋起皆由受降太衆姑息養奸匪徒玩法效
尤嘯聚更易此次急宜除惡務盡永絕根株不

特曾從宋逆爲亂者在所必誅卽習爲教匪者
均應乘此聲威分別首從一律懲治惟各該處
圩寨林立良莠難分該匪等均係上著人民彼
此徇隱臣已廣發條教令各地方官諭知各團
將爲匪各犯按名捆獻一面臨以兵威派總兵
保德帶隊赴朝城觀城濟東道呼震帶隊赴莘
冠館陶丁寶楨仍在堂邑分路捕剿計自本月

十六日起至二十三日止各營陸續搜殺實數
已有一千餘名其朝城之付驛集尤爲匿匪淵
藪經保德帶隊前往該匪膽敢閉圩抗拒開放
槍礮官軍一面由南門進攻一面派隊埋伏圩
外暗由東北兩面攀援入寨官軍一擁直進斃
匪多名餘匪二三百名舍命逃竄官軍跟蹤追
殺伏軍並起來擊竄匪殲除淨盡立將該圩平

毀並搜獲餘賊辛魁元等五十一名及宋逆之家屬二口一併正法其餘似此民圩尙有數處已飭分行辦理此次各路情形名爲巡緝餘匪實須力爲攻勦 臣仍飭各隊儘力搜捕不得草率從事致貽日後反覆之患亦不得任聽兵弁妄爲以致玉石不分又念莘堂冠館民心好亂非可剋期蕝事須寬以時日搜勦方能淨盡其

各營兵勇應如何分別撤留仍應酌度情形辦理難以豫定且宋逆股匪尙在直境東北一帶游弋仍恐回竄臣已先期札飭丁寶楨派都司黃兆紳帶隊前往臨清並派隊赴館陶一帶扼要駐紮並嚴札德州各處一體嚴防以便與直隸各軍會合兜剿奏入

上命議政王軍機大臣傳諭閻敬銘曰閻敬銘移軍

東昌後以莘堂冠館餘匪屬聚飭保德呼震等分
路捕勦陸續搜殺至一千餘名並將朝城之付驛
集攻毀擒獲餘賊辛魁元等及宋逆家屬二口正
法辦理尙屬認真該處爲直東交界降匪教匪嘯
聚之區從前帶兵及地方大吏姑息養奸未能大
加勦洗兵至爲民兵去爲寇養癰貽患流毒至今
兼以東省團練從前辦理不善以致惡團林立抗

官偏民恃強玩法幾於良莠不分正宜乘僧格林
沁攻勦得手之時痛加蕩滌掃除羣醜庶幾境內
救安不致大兵一撤萌蘖復生此等皆地方大吏
應爲之事該署撫惟當飭令保德等實力搜捕並
將各處黑團嚴行懲辦無得草率從事儻將來官
兵撤後再起變端惟闔敬銘是問宋逆現餘馬賊
五六百名由廣平竄至雞澤恐直隸官軍堵禦嚴

密該逆復回竄東境臨清館陶一帶防務甚關緊
要務當督飭丁寶楨等軍嚴守要隘與直隸各軍
聲息聯絡會合兜剿毋少疏虞

二十九日癸卯劉長佑奏言八月二十日據知府

余承恩等稟報探知宋逆已由成安竄入邯鄲
縣境並擾及永年縣之南橋地方卽督軍星夜
馳勦賊復比竄曲周境內計一晝夜狂奔三百

里提臣江長貴副將崔福泰等督隊趕至曲周
總兵徐廷楷由小灘督隊趕至安寨均在該逆
之後當經臣飛咨僧格林沁暨翼長恆齡蘇克
金迅督馬隊向北兜截臣率小隊於二十一日
由大名啟行取道廣平曲周馳回威縣中途疊
接探報該逆由平鄉竄鉅鹿經知縣石元善督
團截剿該逆隨奔向隆平偵知余承恩等隊已

集賢堂卷之二
三十一

至平鄉又乘夜折向東北至二十一日午刻關
入新河縣城臣聞報之下一面飛咨江長貴徐
廷楷余承恩各軍分由冀州衡水馳往追剿一
面咨請僧格林沁速飭恆齡蘇克金馬隊由西
北繞出賊前並令姜國仲祝壇各率兵勇隨之
藩司王榕吉各營原係派赴鉅鹿防剿因奉僧
格林沁調赴堂邑大營面諭事宜至二十三日

始帶隊抵威臣以我軍後路尙須布置令王榕
吉暫駐威縣卽於二十四日會同鄭魁士親督
參將邱瑞祥等營取道南宮冀州二十五日兼
程抵衡水探報該逆於二十二日竄至武邑該
縣知縣婁道南因縣城坍塌日久難以守禦帶
練出城迎勦詎該匪分股撲入縣城劫放獄犯
並搶失由天津運庫撥解臣營餉銀二萬兩婁

道南帶勇折回援勦賊已向阜城竄去等語臣
查武邑阜城爲東北大道可以直撲河間東竄
天津西竄保定在在均關緊要正焦慮閒接准
江長貴函報該提督率同崔福泰等已由武邑
馳出富莊驛徐廷楷已由武強出小範鎮余承
恩等已由阜城交河出東光之秦村地方距賊
祇數十里時恆齡蘇克金馬隊尙未趕到臣慮

該逆乘閒復竄西北遂由衡水武強馳抵獻縣
以便兼顧二十六日於武強營次接據余承恩
等稟報我軍追至大屯擒獲落後零賊數名訊
供宋逆定計北犯因各路官軍追截甚急始折
向東南二十三日又經阜城縣督團截擊死傷
多名紛紛由東光霞口渡河適臣派出緝拏馬
賊之副將劉景芳率馬勇踵至殲其後隊匪黨

十餘名奪馬數匹餘匪向東光一帶竄去余承恩隨卽拔隊東渡相機跟剿等語臣以該匪狡詐異常仍須防剿並籌庶免竄越一面督催徐廷楷卽由白鎮渡河徑赴東光與余承恩等分投跟剿並商催江長貫迅督吳再升崔福泰等繞赴滄州一帶步步偪追兼扼回竄東北之路一面飛咨僧格林沁暨閩敬銘速撥馬步兵勇

由德州臨清等處迎頭截勦並飭王榕吉督兵
分赴棗強南宮清河威縣擇要駐紮以資夾擊
兼扼賊由景州回竄西北之路臣仍由獻縣前
赴景州一帶就近策應各軍共除窮寇奏入

上命議政王軍機大臣傳諭僧格林沁劉長佑闔敬
銘崇厚曰劉長佑奏宋逆由臨漳竄入直境擾及
邯鄲永年曲周等處復由平鄉鉅鹿奔向隆平關

入新河武邑等縣城經官軍跟蹤追剿賊復竄向
阜城又經該縣督團截擊殲斃多名餘匪悉向東
光一帶竄去現催徐廷楷余承恩等分投跟追並
令江長貴王榕吉等分赴滄州棗強一帶認真堵
剿扼其回竄西北之路該督卽由獻縣前赴景州
就近策應等語宋逆以敗殘餘匪避兵而行一晝
夜輒狂奔三百里是其力將竭其技已窮派出馬

隊果能認真追剿何難聚而殲旃乃恆齡蘇克金
等自開州接仗後賊竄阜城東光徐廷楷等帶隊
跟追距賊不遠而恆齡蘇克金馬隊尙未見到本
日布彥訥謨祜到京召見面詢賊情與劉長佑所
奏均相符合並據奏稱道經阜城宋逆亦跟蹤而
至詢以恆齡蘇克金馬隊則尙落賊後未之得見
直隸各軍步隊居多全賴恆齡蘇克金馬隊追剿

可以制賊死命乃賊匪馬隊如此狂奔而恆齡蘇克金馬隊獨遲遲不進是其貽誤戎機實難辭咎恆齡蘇克金均著先行交部議處現在該員等所部馬隊行抵何處卽著僧格林沁嚴飭迅速前進與直隸官軍會合夾擊盡殲醜類儻敢仍前玩泄意存觀望必將該員等重治其罪現在宋逆竄至東光一帶該處東距天津南距武德在在須防且

該逆於武邑境內劫去餉銀二萬兩藉資盜糧若不趕緊撲滅其勢必將復熾劉長佑現已馳赴景州卽著督飭徐廷楷余承恩等跟追痛剿不得再落賊後一面嚴催江長貴王榕吉分紮滄州等處力扼西北兩路以固畿輔門戶並著僧格林沁閣敬銘速撥馬步兵勇由德州臨清等處迎頭截剿總期四面夾擊共除窮寇儻派出各軍堵剿不力

致賊匪再行紛竄何路有失卽惟何路帶兵之員
弁是問決不寬貸天津兵勇大半征調四出洋槍
隊是否已由僧格林沁飭回現在何處著劉長佑
查明如此項槍兵業已飭回卽飭仍在天津歸崇
厚調遣此時賊蹤逼近一切防剿事宜卽著崇厚
妥籌辦理毋稍疏忽

同日唐訓方奏言臨軍自攻復長淮衛後 臣因

兵力尙單未遽責令進取深慮苗逆詭謀百出
現雖趨重蒙城而懷遠之賊狡焉思逞益以附
近逆圩其勢尤重臨淮後路設被包抄則我軍
仍首尾不能兼顧 臣當飛飭各營分屯要害南
至定遠九十里北至固鎮一百二十里聲勢聯
絡橫截該逆抄擾之路並親赴長淮衛履勘尙
可不致疏虞惟蒙城情形倍形危急據知府英

翰稟稱渦河南北兩岸現已合圍英翰將河北各營抽調至小湖集迎頭抵拒河南官練併入城中死守等語至姚廣武一軍飭令援蒙而該總兵不能不兼顧徐宿現聞擒首李大箇攷已竄至豐碭地方勢須分兵堵剿是該軍僅可藉助蒙軍聲勢而不能恃以解圍近接陳國瑞函已於本月十六日行抵徐州俟軍裝火藥到齊

即可赴蒙援剿又蒙

聖恩念及都興阿所派二千人尙屬不敷剿辦

飭富明阿多帶精銳赴臨助剿指日各處援兵大集

三路進攻之策可以次第舉行惟用兵之道事

權貴有專屬而後緩急有所稟承責任必有專

歸而後功罪無從諉卸近來軍營習氣成則歸

功於己敗則諉過於人平時各軍其軍莫肯相

皇朝通志卷之四十一
三

下一旦賊有可乘之利則環視而莫敢先或一
軍爲敵所乘則又環視而莫之救積習相沿亦
其勢分不相統攝散漫無紀以致此也竊觀
北各路軍營南則蔣凝學成大吉諸軍雖不相
統屬而有曾國藩遙爲節制進止應合機宜卽
臨淮一軍由臣約束隨時調度亦尙可期得力
惟北路陳國瑞雖功績素著而年資稍輕恐

武以客軍來援齒望較重設或不爲之下則唐
代九節度之潰師卽其前鑒以臣之愚伏願
皇上特伸

乾斷以蒙城一路專委陳國瑞勦辦而與以調遣之
灌淮河北岸專委富明阿俾與蒙軍連合俟蒙
圍解後卽進規苗逆老巢至潁壽一路專委蔣
凝學等軍而淮河南岸則臣獨任之何路稍有

疏虞卽惟責成之人是問庶事權較有歸宿而後同力齊心刻期並進不致遷延觀望坐失事機至臣職任皖撫責無旁貸凡屬皖省一村一堡其得失皆繫於臣儻有疏失罪無可道所以爲此請者實爲一事權專責成起見並不敢稍存推諉之私奏入

上命議政王軍機大臣傳諭曾國藩富明阿吳棠唐

訓方曰臨淮一軍自攻復長淮衛後唐訓方飭各
營分屯要害橫截該逆抄擾之路惟蒙城情形危
急渦河南北兩岸現已合圍知府英翰將河北各
營抽調至小澗集河南官練併入城中姚廣武因
捨竄豐碭須分兵堵剿陳國瑞已抵徐州俟軍火
到齊即可赴蒙援剿前諭富明阿帶兵赴臨指日
各軍調齊足可分道進攻唐訓方慮事權不一或

有誘卸請以蒙城一路專委陳國瑞勦辦淮河北
岸專委富明阿俾與蒙軍聯合頴壽一路專委蔣
凝學等軍而淮河南岸該撫自任之何路稍有疏
虞卽惟責成之人是問所籌不爲無見惟各率一
軍分路並進責成雖專而事權未一設遇有互相
援應之處仍恐觀望不前尙宜斟酌變通於各專
責成之中仍能聯絡一氣方爲妥善陳國瑞現抵

徐州其軍火當已到齊著吳棠唐訓方就近催令
進兵迅解蒙城之圍蒙城一路著卽專歸陳國瑞
勦辦所有徐宿之姚廣武等軍均聽陳國瑞調遣
卽著迅速由徐前進無得遷延觀望致干重咎富
明阿統帶揚營兵勇赴援臨淮何日起行尙未奏
報著卽添調各軍並前派之王萬清等駐紮淮河
北岸力顧淮北一路並督同陳國瑞之軍互相聯

絡策應力解蒙圍解圍後卽會攻苗逆老巢潁壽
各路會國藩當飭蔣凝學等軍悉歸唐訓方調遣
並隨時偵探賊情認真防勦聽候唐訓方指授機
宜以期事權歸一其淮河南岸唐訓方固當獨任
其責相機戰守惟該撫身膺疆寄責無旁貸富明
阿等到皖俱係客兵恐於地勢賊情未能諳習唐
訓方應派得力兵弁助攻以壯聲勢不得專恃援

軍致有貽誤軍營積習勝不相讓敗不相救最足
債事現在淮河南北一片賊氛富明阿到後當與
唐訓方會商督飭諸軍力圖掃蕩如何路有失朝
廷卽惟何路是問惟有執法從事勿謂言之不早
也

欽定勦平捻匪方略卷一百九十八 癸亥年

九月初一日乙巳英桂奏言准僧格林沁劉長佑

閻敬銘先後咨稱宋憬詩巢穴屢爲官兵攻破
遂領餘黨移屯莘冠境內疊向運衛各河竄撲
搶渡恐其西竄亟宜一體堵勦並據各路探報
該逆現由河南濬縣境內渡過衛河撲竄成安
距順德不遠各等情 臣查成安縣係廣平府所

屬一經西竄則潞屬之黎城縣首當其衝不惟
該處防堵宜嚴卽平遼二州亦與直省連界在
在均關緊要刻下皖捻尙在汝洛一帶盤踞因
伊洛二河水勢盛漲不能過渡一經水落勢必
全股西趨晉省兵勇無多分布沿邊要隘恆虞
單薄所恃惟楚勇一千名前因垣曲縣之東灘
渡最爲喫重已將楚勇派撥五百名前往駐守

尙餘五百名仍駐平陽擬卽調赴潞遼一帶視
何路緊急卽往何路進發 臣惟有督率在防文
武激勵兵勇民團嚴防潞澤遼平並咨護太原
鎮總兵和昌會同河東道劉子城慎守蒲解絳
沿河口岸總期豫爲備禦力保完善奏入

上諭曰宋憬詩股匪現由成安竄走邯鄲新河武邑
一路至東光渡河距晉稍遠皖捻尙在汝洛一帶

仍著懷遵前有飭和昌劉子城等加意嚴防毋得
專恃河水盛漲不能過渡稍涉疏忽路遼一帶仍
飭各屬隨時偵察以防直境賊蹤回竄

同日吏部兵部奏言遵查直隸總督劉長佑督
辦三省勦匪事宜自應迅速進兵將宋憬詩股
匪殄滅乃時經數月尙未奏功殊屬遲延欽奉
諭旨交部議處應請將劉長佑照任意耽延降一級

調用例議以降一級調用山東曹州鎮總兵保
德按察使丁寶楨管帶兵勇駐紮堂邑不思督
兵滅賊輒至辛集地方令宋憬詩謁見擅議收
撫尤屬非是欽奉

諭旨一併交部議處應請將保德丁寶楨均照不應
重私罪降三級調用例議以降三級調用俱係
私罪均毋庸查級紀議抵奏入

上諭內閣曰前因僧格林沁奏直隸總督劉長佑剿賊遲延山東曹州鎮總兵保德按察使丁寶楨不思厲兵滅賊擅議收撫當經交部一併議處茲據奏稱劉長佑例應降一級調用保德丁寶楨例應降三級調用等語劉長佑著加恩改爲降三級留任保德丁寶楨均著加恩改爲革職留任

初二日
丙午
三口通商大臣兵部左侍郎崇厚奏

言據探宋逆分股由阜城折奔東南竄入東光
一帶偏近天津所屬之滄州南皮等處當咨僧
格林沁劉長佑分飭各路兵勇北來會剿並督
飭長蘆運司克明等籌辦城守事宜適有僧格
林沁前派來津查辦水田之都司鄧啟元及劉
長佑派提礮位之參將王永勝尙未赴營當卽
調集鎮標兵丁五百名並蘆團練勇五百名分

飭該二員管帶紮營城南城西嚴密防守並由
李同文等傳集勇丁晝夜巡防實力盤詰藉以
彈壓土匪稽查奸細津郡城外前辦理海防時
四面築有圍牆窵有長濠現在趕緊整理濬濠
引水以資捍禦昨據探弁回稱匪蹤現向東南
竄赴東省交界一帶地面並探知恆齡蘇克金
徐廷楷余承恩等渡河追剿劉長佑亦已督隊

馳抵河閒一帶等語又接春霖稟報僧格林沁
調去之洋槍隊現仍飭歸直隸督 臣調遣 臣卽
咨照劉長佑辦理

同日閻敬銘奏言據探宋逆馬步賊千餘人於
八月二十六七八等日由直隸東光陵縣平原
高唐州境竄至清平縣境之新集又分股由戴
家灣偷過河西 臣當派都司楊通廉守備郭大

勝統帶兩營勇隊迅往清平迎剿其原紮魏家灣之千總曹正榜原紮土橋牯之署副將范正坦兩營亦飭就近防剿又派守備張大富一營在東昌防守旋據臬司丁寶楨稟稱賊過河後又竄向西南賈鎮一路僧格林沁已派馬隊追剿丁寶楨亦親帶各營跟蹤剿辦臣並飛飭總兵保德由朝觀一路回擊以期滅此殘醜均奏

八

上命議政王軍機大臣傳諭僧格林沁劉長佑閻敬
銘英桂張之萬崇厚曰宋逆竄至清平縣境之新
集又分股由戴家灣偷過河西閻敬銘已派都司
楊通廉等往清平迎勦飭總兵保德由朝冠一路
回擊所籌尙妥著卽督飭在事各員及文武地方
官嚴密堵勦務期就地殲除勿任再行竄越其由

戴家灣過河之匪距臨清堂邑均屬相近僧格林沁此次未能拔營當可調派一軍將此畸零匪股悉數斬擒並探該逆大股已至何處卽派兵迎頭擊勦與閻敬銘所派之兵會合夾擊此股匪衆數日之間奔突千有餘里已屬強弩之末官軍以逸待勞自不難收效旦夕恆齡蘇克金現在何處賊匪奔馳不息當是恆齡等在後追勦之故著僧格

林沁仍飭跟蹤緊躡並設法分隊繞截其前會合
東省之兵聚而殲旃儻再遷延貽誤卽著嚴叅治
罪劉長佑現在景州一帶不必深入東境仍須嚴
防該匪竄回卽與東軍合力夾擊匪蹤飄忽不常
且聞其裝束與官兵無異鄉團見而不敢卽擊前
次狂竄直境揚言北犯原欲引官軍盡入直境彼
得乘隙回竄東省遂其勾結裏脅之謀現在東省

追勦甚緊恐其另有詭謀或仍聲言北犯乘間突竄河南山西著僧格林沁閻敬銘設法杜其旁竄於各要隘設伏以待使其無隙可乘並著張之萬英桂督飭在防將弁實力堵勦毋令入境天津各屬防守事宜崇厚嚴飭地方文武認真辦理毋稍疏懈連日賊情著僧格林沁閻敬銘隨時馳奏

初三日
丁未張之萬奏言皖捻由許州西竄現分

三股衆逾數萬一竄禹州登封八月初三四等
日張曜率軍沿途雕剿斬殺甚夥初九日官軍
馳抵嵩山據探西南窪村一帶賊衆林立張曜
飭總兵保英等各率馬步馳往力剿斃賊二百
餘名匪向西南紛竄我軍沿山搜殺敗匪墮巖
落澗死者不計其數訊據擒賊供稱逆首張總
愚大隊盤踞登封西南之大金店尙有黑旗一

股已竄河洛等語初十日張曜令各軍乘夜入險奪隘進攻並派保英等攻破箕山口顧家嶺諸要隘乘銳力進直逼大金店賊巢忽山中援賊紛出參將宋徵文把總王訪同時戰歿副將敖天印一軍奪取耿樓要隘賊棄險而逃我軍乘勝逐北遂將小中廟文村諸要口同時攻奪沿途斬馘無算查點我軍陣亡哨官擬保守備

千總何紹林千總黃仕祥盛繼隆武金太及勇
丁五十餘名統計是日之戰擒斬匪衆千餘名
其黑旗一股已於初八九等日竄至鞏縣境內
圖過洛河經兵團截勦該匪向龍門東南回竄
登境欲與大金店之匪合股張曜率軍擬由窪
村滾營進紮偪賊出險再行抄勦其南走襄城
一股經副將孫之友等督軍追殺斃賊無數餘

匪夜遁邾縣境內總兵黃得魁等帶勇截擊斃
賊甚夥該匪竄向東南寶平邊境擾及葉縣裕
州等處欲由博望進窺宛郡因戒備甚嚴卽由
裕境直趨賒旗店竄入唐縣境內南陽府知府
傅壽彤現飭練勇馳往援剿並商同南陽鎮總
兵圖塔納派兵策應其由沈邱續竄之股由西
華等處竄入周口圍攻河西河南各寨經毛飛

熙派參將邵春仁率兵往援該匪疾走臨潁復分股竄撲臨潁鄆城縣城均經兵團擊退頃據探報賊蹤竄近郊境臣已飛催孫之友李世玉兩軍趕緊抄擊勿任會合前股以目前賊勢而論西路登封之股爲逆首張總愚大隊該處山徑西達秦陝設該逆由此西犯疾趨潼關或久踞爲巢進窺河洛均屬可慮張曜一軍入險出

險尙形不足 臣現飭副將永奎張士元兩隊就
近馳赴登封會合進剿並飛調駐紮沈境之郝
永剛兩隊卽日西行聽候張曜調遣其南路一
股已飭南陽鎮府趕緊調營集練探蹤截剿一
面飛飭孫之友李世玉星夜馳赴襄郟一帶嚴
扼竄路勿令蔓延陣亡各員籲懇

天恩飭部從優議卹

張之萬又奏言再臣毛昶熙抵宋攻克盧廟各
圩後復飭副將黃貫誠襲破丁花園寨擒斬首
逆張魁榜臺北一帶漸次肅清遂令該副將馳
赴亳州幫同總兵趙鴻舉等將亳州東南各圩
次第收復正擬進剿雒河集老巢詎擒首張總
愚程二老砍等繞由亳南雙溝竄擾豫疆另有
東南大股匪徒由沈邱擾及郡城周家口臣毛

飛熙飛飭參將邵春仁率領兩營兼程前赴周
口防勦 臣張之萬派兵策應 臣毛飛熙仍飭遊
擊呂振河李大成等一營清理臺北各圩又飭
總兵趙鴻舉等督率兵勇嚴防毋令西竄並清
理臺南附近各圩 臣毛飛熙督率親軍小隊駐
宋彈壓就近調度再陳州爲省東門戶潁州實
陳之屏藩現在臺捻鷗張出巢紛竄必須潁陳

兵練聯爲一氣方能堵剿竄匪而帶兵將領尤須爲民團所信服方可互爲聲援查在籍刑部候補郎中袁保慶辦事實心素爲鄉里所重合無仰懇

天恩飭該郎中來營聽候調遣卽令辦理潁陳團練俾皖豫各團有所聯屬不致爲苗練煽惑該逆黨與旣孤撲滅自易

張之萬又奏言皖豫情形同時並急而苗氛之惡較竄豫之皖捻尤甚自應抽撥健騎先其所急惟塞馬遠來恐多疲乏若以五百匹馬供五百餘丁乘騎恐屬不敷而來豫兵丁祇有五百亦無用馬至一千五百匹之多臣悉心籌酌擬請將察哈爾馬一千匹黑龍江餘丁五百名儘數由善慶管帶赴臨以資攻勦所有綏遠城馬

一千匹吉林兵丁五百名仍撥交豫省訓練以資馳擊如此均勻分撥似可兩得其益奏入

上命議政王軍機大臣傳諭官文多隆阿嚴樹森英桂張之萬毛永熙張集馨曰皖捻接踵竄豫現分三股一由禹州竄入登封張之萬等已添派永奎等會合進剿著卽督飭張曜等由窪村一帶滾營進紮偏賊出險再行抄剿毋令與大金店匪股勾

集賢堂卷之二
二十三

合致辦理又形棘手陣亡遊擊宋徵文著照副將
例交部從優議卹擬保守備千總何紹林黃仕祥
盛繼隆武經太把總王訪均著交部從優議卹其
南走襄城之股竄擾郟縣葉縣裕州等處欲由博
望以窺宛郡經沿途兵練截殺現竄唐縣知府傅
壽彤調練往勦並商令總兵圖塔納派兵援應著
飭趕緊調齊兵練探蹤進勦勿任擾及宛洛一帶

其由沈邱續竄之股由西華等處窺伺周口復走
臨潁竄鄆城經李世玉等勦勝賊復竄近邾境張
之萬已飛飭孫之友李世玉等星夜馳赴襄邾嚴
扼竄路著卽催令認真進剿勿令與前竄各股會
合致滋蔓延西路登封股匪爲張總愚大隊該處
山徑紛歧設該逆由此西犯疾趨潼關秦晉二省
皆將震動著多隆阿英桂張集馨嚴飭在防文武

加意防範如探聞逆匪有竄近消息卽派兵出境
會合豫省之軍合力夾擊毋任匪蹤擾及境內唐
縣股匪距隨棗不遠恐該匪被勦狂竄闖入楚疆
著官文嚴樹森派隊嚴防責令地方文武各員悉
心守禦毋任竄近楚邊張之萬駐軍許州必須多
發偵探悉心籌畫以期漸次掃蕩其竄擾登封檢
股恐其渡黃比犯尤須飭河北鎮道一律嚴防在

籍總兵黃得魁向在軍營尙稱勇往如能責令帶
勇專勦襄郟一路當可得力著張之萬妥籌調度
毛昶熙督辦通省團練現在匪蹤紛竄毫無阻扼
著通飭各屬加意整頓務使與官兵相輔而行以
收保衛之效並嚴飭永奎等分投截擊不可稍有
鬆勁袁保慶卽著令其辦理穎陳團練俾豫皖各
團有所聯屬不至爲苗逆誘煽俟各賊股勦辦完

竣再圖進取以牽賊勢張之萬所請將察哈爾馬
一千匹黑龍江餘丁五百名由善慶管帶赴臨綏
遠城馬一千匹吉林兵五百名仍留豫省訓練著
照所請分撥並飭帶兵將領趕緊訓練成軍以資
雕勦之用

張之萬又奏言據探宋憬詩逆黨有被勦南竄
之信楊長春卽率所部馳赴楚旺一帶扼要堵

勦八月十六日該匪竄擾開滑交界之火燒店
枕固地方經僧格林沁馬隊追及擊敗滑縣團
勇乘勢截殺打糧悍賊甚夥餘匪西竄濬境王
莊元菓村一帶該縣兵練迎勦槍礮環擊轟斃
五十餘名斬首數十級匪勢不支遁入內黃縣
境十七日僧格林沁馬隊復由北路追擊獲勝
餘匪竄撲衛河適楊長春帶隊循河而上揮隊

續通志卷之四十一
二二
縱擊馬賊驚逸正擬渡河西竄安陽縣屬之新城
五六百名由上游渡河西竄安陽縣屬之新城
呂村等處楊長春恐賊深入連夜整隊繞由安
境白倍集一帶兜勦行至縣屬永和銜枚急進
一擁衝擊槍礮不絕匪衆蒼黃譁潰天明我兵
追至鐵鑪村該匪見兵卽走復經彰德府知府
羅景恬等帶領兵勇扼之洹河之上該匪卽向

臨漳柳園等處北竄直境成安縣地方臣已催
河北道周煦徵卽日馳往臨內一帶會同楊長
春於沿邊扼要處所分布兵練聯絡聲勢嚴密
防勦以固北鄙奏入報

聞

初四日戊申暫署陝西巡撫按察使張集馨奏言

據河南撫臣張之萬來咨以捻匪近徧許州勢

欽西竄咨令防守要隘當卽飛咨多隆阿一體
遵照又據山西撫臣英桂來咨以逆蹤已到洛
陽恐其意趨山陝咨令將南岸渡船概停北岸
臣已飛飭潼關道協迅將船隻概停北岸仍將
各要隘嚴密防堵不敢稍有疏懈奏入

上命議政王軍機大臣傳諭多隆阿張集馨曰豫省
前股擒匪屯聚登封蓄意西竄後股擒匪復竄宛

葉恐折竄商維多隆阿張集馨務當督飭潼關及商維一帶文武加意嚴防勿稍疏忽

初五日己酉僧格林沁奏言宋憬詩股匪竄至開

州另有匪首朱登澧一股率黨數百人先在該處接應合夥奔走追我軍追至花谷集復將該匪擊敗其餘馬賊於八月十七日搶渡衛河拌命狂竄臣飭蘇克金恆齡等渡河追剿連日陰

兩道路泥淖馬隊難以趨行致落賊後該逆因
後有追兵未敢北竄卽向東狂奔八月二十八
日晚閒由清平屬之戴灣過河竄回唐邑之賀
莊臣令翼長舒通額調齊隊伍嚴陣以待當經
拏獲賊匪數名訊據供稱宋憬詩等俱在夥匪
之內該逆原欲就官軍遠追乘隙竄襲老巢因
見我軍防守嚴密未敢來撲等語查探該逆於

二十九日竄至冠縣東南呂莊一帶遂飭催蘇克金恆齡等馬隊前進於三十日晚聞到營當將京營官兵馬匹換給乘騎並添派舒通額成保選帶存營馬隊與蘇克金恆齡等軍合力進剿九月初一日追至朝城屬之袁莊地方偵探該逆又向開州一帶竄去現已飛札舒通額等督帶各軍作速前進滅此朝食查該匪以敗竄

之餘糾衆狂奔沿途搶換馬匹刻不停留現竄
開州難保不復向北奔突是北面之防最關緊
要因思步軍進剿馬賊徒勞無益不若扼要分
布以杜北竄查河閒迤南子牙河隄岸頗高水
勢甚溜若於該處嚴防馬賊卽難偷渡相應請
旨飭下直隸督臣劉長佑督飭各軍在正定東北至
河閒一帶嚴防滹沱子牙等河以杜竄越而重

畿疆至前次由煙店向東敗竄步賊二百餘名
經成保等追殺多名餘匪散匿各村 臣卽與閩
敬銘督飭員弁實力搜捕淨絕根株前調直隸
各營步隊官兵除酌留海口營弁兵四百餘員
名守護礮位外其餘熱河天津鎮標提標洋槍
隊等項官兵已飭令回直仍聽劉長佑調遣奏

八

上命議政王軍機大臣傳諭僧格林沁劉長佑張之
萬英桂閻敬銘曰賊由戴家灣過河後竄回堂邑
之賀莊經僧格林沁將京營官兵馬匹換給蘇克
金恆齡等馬隊乘騎並添派舒通額成保選帶存
營馬隊合力追剿此項馬隊兵力加厚自可追及
賊蹤痛加剿洗宋憬詩以敗殘餘黨晝夜狂奔乃
前竄開州卽有匪首朱登禮一股率黨數百接應

合夥所至過河躡渡到處勾結土匪搶換馬匹豕
突狼奔實欲誘我官軍疲於追勦此次回竄東境
徑回堂邑地方因僧格林沁大營未動不得遂其
回踞老巢詭謀復因官軍跟追由堂邑等縣地方
向開州一帶竄走似此亡魂窮寇一經舒通額等
各軍馬隊追及不難卽日掃除惟是賊衆狂奔之
際必須前有攔截則後追馬隊方能及賊痛加勦

洗僧格林沁以各隊步軍追剿馬賊徒勞無益不
若扼要分布隘口以杜北竄所籌甚合機宜與前
寄諭旨亦相符合著劉長佑卽行督飭各軍在正
定東北至河間一帶滹沱子牙等河岸憑河據守
嚴防北竄該處河溜甚急有險可扼僧格林沁前
調直省各軍步隊除酌留海口營弁兵四百餘名
守護礮位外餘皆飭令回直聽劉長佑調遣務卽

沿河妥爲分布一俟賊蹤竄至卽與追賊之馬隊
各軍前後夾擊共殲醜類宋逆現竄開州恐欲乘
我不備蓄意北犯劉長佑以逸待勞務當加意截
剿不可稍有鬆懈河南山西兩省係該逆往來熟
徑均不可不豫爲之防並著英桂督飭鍾秀於平
遼一帶督率各該文武兵勇實力籌防毋稍疏忽
張之萬前奏賊竄衛境曾經楊長春帶隊擊剿此

時更當早爲備豫仍著飭令該鎮道等隨時偵緝
設防與僧格林沁派出馬隊各軍聯絡聲息豫籌
堵剿毋許徒託空言致賊得以乘閒竄越自干罪
戾舒通額與蘇克金等各軍何日追賊及於何處
著僧格林沁迅速馳奏萃堂等境各村敗竄步賊
仍著閻敬銘督飭保德等分投搜捕淨絕根株直
東豫省各屬地方當此賊蹤飄忽靡定均應一律

聯合兵團早爲備豫何得任令賊氛所到一無阻
當並有匪徒聚衆豫爲接應著劉長佑闔敬銘等
各飭所屬一體設防互相警備

同日曾國藩奏言壽州苗逆之黨自前月破我
懷遠圍師後復攻蒙城兇焰益熾渦河南北各
營全數撤至小澗集守城者僅有李南華等練
勇千餘人斷難倖全臨淮一路有都興阿派兵

二千赴援富明阿帶兵繼進李世忠亦親督五
千人來會夾淮分隊尙足自固該逆若不得逞
於臨淮則上游六安潁州固始三河尖處處喫
緊周寬世成大吉蔣凝學毛有銘等各守一方
勢均力敵不相統屬深恐心志不齊調度舛錯
貽誤大局查前任湖北安襄鄖荆道降補同知
金國琛與周寬世等同出李續宜部下調護湘

營籌勦苗逆金國琛必能勝任該員前奉

諭旨飭赴河南軍營因傷疾舉發羈留湖南尙未成
行現聞金國琛舊疾漸愈可否仰懇

天恩准將金國琛一員改赴皖北責令綜理周寬世
等四軍營務仍往來固始三河尖等處會辦皖
豫交界勦苗事宜實於軍務有裨

同日都興阿奏言臨淮軍情急迫苗逆臨張非

厚集兵力不足制其死命刻下江北情形稍鬆
臣現已調派總兵詹啟綸等挑選馬步勁旅二
千餘名隨同富明阿於本月二十九日起程由
陸路馳往臨淮又派勁勇三百名隨行以備修
築營盤之用並咨明吳棠嗣後援皖各軍一切
軍需務當源源撥解毋稍缺乏

同日富明阿奏言 臣前奉

諭旨飭令督率馬步兵勇馳援臨淮 臣遵與都興阿

詳商查徐州鎮總兵詹啟綸向隨 臣營打仗勇

敢此次帶往臨淮可資臂助並撥派勁勇一千

八百名吉林黑龍江馬隊官兵二百名卽於八

月二十九日督隊起程均奏入

上命議政王軍機大臣傳諭會國藩富明阿吳棠唐
訓方曰皖北軍情緊急富明阿現帶馬步勁旅二

千名於八月二十九日由揚州馳赴臨淮著與唐
訓方籌商合力攻勦前諭富明阿督同王萬清所
部駐紮淮河北岸力顧淮北一路並督同陳國瑞
之軍互相聯絡策應先解蒙城之圍卽會攻苗逆
老巢著仍遵前旨辦理陳國瑞所部兵勇餉需火
藥著吳棠恪遵前奉諭旨迅速籌給以便該總兵
卽行起程赴蒙並飭姚廣武一軍歸陳國瑞調遣

其淮河南岸穎壽各路仍著曾國藩飭令蔣凝學等軍悉歸唐訓方調度認真進剿不可株守一隅曾國藩請調金國琛赴皖本日已諭惲世臨飭該員卽行前赴皖北俟到皖後卽飭督率成大吉等規復穎壽仍聽唐訓方指揮以一事權李世忠現已親督五千人赴臨夾淮分屯著唐訓方加意籠絡以收指臂之助現在臨淮兵力已厚應卽力圖

進攻淮南各要隘以掣蒙城苗逆之勢不可畫疆
自守坐失事宜

上又命議政王軍機大臣傳諭惲世臨曰皖豫邊境
同以苗逆爲鉅患楚軍各守一方亟須得力將領
前往統率調度掃除皖匪著惲世臨飭金國琛改
赴皖北責令綜理周寬世等四軍營務仍往來固
始三河尖等處會辦皖豫交界勦苗事宜卽著該

撫飭金國琛起程毋再稍涉遷延致誤戎機

欽定勦平捻匪方略卷一百九十九

癸亥年

九月初六日

庚戌

吳棠奏言陳國瑞於八月二十

一日督同全隊行抵宿防臣以援蒙緊要當卽

抽調守徐之官軍四百餘名駐浦之馬步隊五

百名齊赴陳國瑞軍營以備進勦惟苗逆擁衆

數萬現以全力圍蒙陳國瑞遠道馳援衆寡之

數旣殊勞逸之勢更異誠慮操之太蹙銳氣再

挫致礙全局 臣現囑陳國瑞設法先通蒙城餉
道不必與苗逆爭目前之勝負穩紮穩進務爲
持久之計以待餉充兵足再圖大舉至臨淮一
路本有徵調援師現又奉

旨飭富明阿由揚助勦兵力厚集自可相機進取惟
是援軍四至主客攸分而各路帶兵之員又素
不相習凡一切布置戰守機宜恐當攻勦喫緊

之際調遣或有不靈所關非細 臣愚以爲非
特派督辦統歸節制則事權不能專一 臣管窺所及
不敢知而不言奏入

上命議政王軍機大臣傳諭富明阿吳棠唐訓方曰
苗逆擁衆數萬圍攻蒙城陳國瑞現已督隊抵宿
自應趕緊進兵吳棠以該總兵一軍遠道馳援衆
寡之數旣殊勞逸之勢更異囑令先通蒙城餉道

集 卷之四 二 二
穩紮穩進尙屬持重之見第蒙城爲皖北形勝之
地望援孔亟到防援兵固不可冒昧輕進致挫銳
氣亦當於慎重之中力圖進取之計陳國瑞勇敢
素著所部亦稱善戰現在吳棠抽調守徐之官軍
四百餘名駐浦之馬步隊五百名齊赴該總兵軍
營聲勢漸壯可戰可守卽著飭陳國瑞迅速拔隊
滾營前進疏通糧道立解城圍不得以待兵待餉

爲詞致有貽誤前因臨淮援軍漸集責成未專恐致互相觀望曾諭富明阿唐訓方等聯絡策應並令富明阿督同陳國瑞等軍相機攻剿吳棠所稱帶兵之員素不相習請特派督辦大員節制調度與前旨之意尙合此時富明阿督帶馬步二千餘名馳赴臨淮卽著懍遵前旨與唐訓方和衷共濟妥籌防剿並督飭陳國瑞迅解蒙圍如臨軍力足

自守而援蒙之軍勢尙單薄亦著富明阿唐訓方
酌量添撥勁旅迅往助剿毋稍遲誤

初八日

壬子

官文嚴樹森奏言毫捻張總愚程二

老砍李庫等糾合悍黨於八月十一日由豫省
南陽縣屬之賒旗店竄至唐縣關入鄂省棗陽
縣境之湖河鎮等處十八日前隊竄近縣城經
該縣知縣吳鳳笙會同參將蔣榮華出城雕剿

逆匪分路狂奔十九日賊匪馬步約二萬餘衆
直撲縣城復經兵練擊退二十日賊由城南下
竄隨州所屬之雙河汛茅茨畷二十一日擾及
鍾祥縣境之萇壽店一帶查鍾祥東可橫犯德
安東南可趨京應一經闖入不特黃孝可危卽
武漢亦將震動 臣等現派隊助守安陸府城並
添派重兵於德安應城兩路以遏賊鋒飛飭副

將黃勝日一營駐紮鍾祥城內令守備黎澤庚
率水師駛赴該郡城外會合龍藻琦水師扼要
截擊一面檄飭總兵趙克彰保陞兩隊由德安
西向迎勦飭派駐省之總兵梁洪勝督率兵勇
從水路逆流而上至長江埠登陸由應城探蹤
進勦並調副將王桐柏督帶馬步七營移紮黃
陂之九子墩以顧武漢門戶又派遊擊唐瑞廷

率所部礮船周歷黃孝雲應各河湖飭知府唐
協和率新訓二營由宜昌馳赴鍾祥縣屬之麗
陽驛隔水而軍以防偷渡漢西惟逆謀狡譎竄
突靡常臣等惟有督催將士兼程前進迅掃逆
氛

官文嚴樹森又奏言亳捻南來旣係苗逆所使
志不僅在飽掠中州固在所必爭卽襄樊形勝

之區亦難保不意在窺伺萬一奸謀得逞襄鄖
數百里一片逆氛何堪設想歐陽正墉所部四
營僅足扼守襄樊斷難出境言戰道員梁作楫
一軍移紮陝西興安府後鄖陽一帶門戶洞開
無兵駐守臣等通盤籌畫陝南漢中既有川軍
二萬餘人及李雲麟一軍進兵勦辦足資掃蕩
現在鄂西情形萬緊可以就近回顧者祇有梁

作楫一軍現擬將該道調回鄖陽駐紮以固楚
西門戶奏入

上命議政王軍機大臣傳諭官文嚴樹森多隆阿劉
蓉張之萬張集馨曰辜捻大股由豫省闖入棗陽
經該處文武出城雕剿賊以馬步二萬餘衆直撲
縣城計不得逞復由隨州地方擾及鍾祥縣境官
文等派副將黃勝日一營移紮鍾祥並飭總兵趙

克彰等水陸各軍截擊迎勦布置尙屬妥協著卽
嚴督各軍迅速會合勦辦並飭黃勝日與參將蔣
榮華等嚴守安陸府城保全要郡毋稍疏虞其移
紮九子墩及由應城前進之總兵梁洪勝副將王
桐柏等軍著飭力保武漢一路相機策應此股捻
匪南趨爲苗逆所嗾使此時擾及鍾祥尤恐其窺
伺襄樊形勝圖與漢南股匪勾結著照官文等所

請卽將梁作楫一軍由興安調回駐紮鄖陽以固
鄂西門戶飭與現紮襄陽之歐陽正塘所部聯絡
堵剿並著多隆阿劉蓉張集馨迅速飭知遵照辦
理豫省捻氛四竄潼商一帶緊接豫疆亦須早爲
豫防張之萬前奏南竄葉裕一股飭孫之友等軍
探蹤剿擊此時匪蹤已越鄂疆孫之友等曾否躡
追著卽飭令嚴防回竄與鄂軍聯絡實力堵剿

同日劉長佑奏言宋逆由吳橋溝店堡等處折
回德州邊臨鎮一帶狂奔經余承恩等各營向
南跟追該匪竄至夏津分爲兩股一係宋逆自
率千人由戴家灣潛渡隔河回竄老巢一係賊
目楊殿一領馬賊五六百名向高唐州東北竄
去經余承恩等由恩縣迎勦賊向東北逃走狂
奔恩縣一帶而去臣慮其西渡派遊擊湯繼揚

參將張九元各帶所部練勇馳赴油房鄭家口
會同清河故城各鄉團沿河駐守以防偷渡並
飛咨提臣江長貴會同徐廷楷督飭各軍由滄
州吳橋一帶迎剿以扼西北一路旋據探報該
逆由德州東南竄回平原陵縣交界與吳橋甯
津邊境相連又慮其復由東光舊路竄渡臣於
九月初二日督同鄭魁士姜國仲等帶隊折回

阜城堵禦並飛催護天津鎮總兵春霖帶領洋
槍隊馳回天津備崇厚籌防之用現准親王僧
格林沁咨稱宋逆竄渡牯河添派舒通額等馬
隊追剿於初一日由堂邑莘縣追至朝城之袁
莊地方該逆竄向西南一帶難保不搶渡衛河
折而北竄咨令嚴防等語臣思東北敗匪僅三
百餘騎江長貴等各營足敷防剿河間爲東北

要路已飛調遊擊蔣希夷一營在彼駐紮其德州至吳橋一帶飭參將劉祺督勇馳往助剿並飭余承恩等由德州西渡取道棗強南宮分紮邯鄲成安永年曲周威縣一帶相機防剿以逸待勞並飭新授藩司王榕吉就近飛調湯繼揚張九元各營在館陶尖莊一帶嚴防其龍王廟上下游各岸仍責令祝塏督勇集團實力巡防

豫省滑濬等縣亦經嚴飭河北鎮道會督兵勇
擇要駐紮加意防堵弗再貽誤致干嚴叅 臣於
初四日由阜城移紮衡水以爲東西各軍聲援
奏入

上命議政王軍機大臣傳諭僧格林沁劉長佑曰劉
長佑奏宋逆折回東境分股狂奔現在分籌防剿
著劉長佑督飭各軍嚴密守禦力扼該匪回竄之

路遇有賊蹤竄及卽可會同跟追各軍兩面夾擊以圖聚殲豫省滑濬等縣並著劉長佑嚴飭河北鎮道扼要防守毋再被匪闖入昨據僧格林沁奏該逆竄入開州卽有匪首朱登灃率黨接應此股開州之匪是否現已回竄東境著僧格林沁劉長佑查明實力追剿迅速掃除余承恩等軍正由恩縣迎剿何以該逆仍得由恩縣狂奔而去著劉長

佑嚴飭該員等認真勦辦不可稍涉粉飾有名無實並著僧格林沁仍遵前旨督飭各軍將此股逆匪趕緊殄滅以期肅清畿輔僧格林沁劉長佑務當戰守兼籌兩面夾攻俾該逆不得再行肆竄來往自如方爲妥善毋得專事尾追徒勞無益宋憬詩現在何處恐該逆自知窮蹙力難抵禦故設疑兵分路竄突自行遁歸南捻冀逃法網亦不可不

豫爲之防該親王等務當確實查明毋令逆首遠颺致墮詭謀

初九日

癸丑

吳棠奏言據陳國瑞函稱八月二十

四日行抵蒙境侯圩督隊赴狼山查勘形勢以紅里賊圩關繫官軍糧道派總兵郭寶昌等軍攻破該逆第一壘賊聞風先遁乘勢襲破紅里圩追斃匪徒百餘名二十五日陳國瑞派遊擊

王豹文駐紮紅里圩以堵東面竄賊一面令姚
廣武帶隊往攻大宋小宋等圩陳國瑞至小澗
集會合英翰等軍先將王圩攻克留隊駐紮二
十六日陳國瑞督軍攻母家圩苗黨先已遁去
餘衆開門乞降時姚廣武亦攻拔小宋賊圩進
圍大宋賊圩英翰一軍移紮蒙北渦河北岸陳
國瑞又赴蒙城西南進攻賊壘見賊壘聯絡外

掘長濠三道極其寬深遇有官軍進偏卽由圩
內開放槍礮官軍疊次偏攻未能得手把總魯
元林戰歿陣亡勇丁多名二十八日官軍收復
渦北王圩一處進攻蒙北賊壘賊負嶠不出陳
國瑞飭各隊奮勇齊進都司張學勝陣亡弁兵
受傷者二百餘人揆度賊意以官軍遠道赴援
利在速戰是以踞圩死守以老我師且賊勢甚

衆將蒙城四面圍包官軍太單不能自外包賊
進退維谷囑臣趕提協餉以期添兵制賊等語
臣查蒙城四面賊壘求通一綫之糧道亦復不
得相持日久儻城中糧盡變生關繫大局非淺
親王僧格林沁在東昌剿匪疊勝入皖之期當
不甚遠而蒙圍甚急可否仰懇

天恩飭下僧格林沁先將礮隊撥赴皖境會同陳國

瑞等軍併力援蒙該親王隊內有開花礮位用以進攻賊壘最爲得力仍求

飭令六額臨淮各軍進攻正陽壽州懷遠等處以分賊勢或

飭唐訓方就近抽撥臨軍助解蒙圍則官軍卽可出奇進剿漸次戡除臣現派都司張保聖等帶馬隊二百名赴蒙隨剿並切囑陳國瑞相機持重

集賢堂
不可再損將士致傷銳氣並囑招徠從苗各圩
先散逆黨藉孤賊勢陣亡都司張學勝把總魯

元林應請

旨交部從優議卹

吳棠又奏言據黃開榜稟稱所部礮船遺失多
隻該總兵因礮船無從補齊焦急得病請假一
月回浦就醫並與臣商酌籌補礮船以便回臨

助勦在臨水師暫歸副將劉明典統帶等語現
在該總兵業已到浦臣已飭令趕緊調理並設
法商修船隻籌購礮位以便剋期會勦奏入

上命議政王軍機大臣傳諭僧格林沁曾國藩富明
阿吳棠唐訓方曰陳國瑞一軍赴援蒙城將蒙北
王圩母家圩收復並將紅里圩賊擊走令姚廣武
以次進攻大宋小宋等圩現在蒙城之北及西南

面均屬賊壘聯絡外掘長濠官軍進攻圩壘傷亡頗多蒙城四面賊圍求通一綫糧道而不可得尤慮日久變生僧格林沁隊內開花礮位進攻賊壘最爲得力卽著迅將在營得力炸礮派兵解赴陳國瑞等軍營合力攻擊富明阿帶領官兵馬步二千餘人赴淮務卽迅速前進與陳國瑞力籌進取賊勢趨重蒙城臨淮情形稍鬆著唐訓方酌量就

近抽撥得力兵將助解蒙圍及力攻懷遠逆巢並
著曾國藩飭令六穎等處官軍進攻正陽壽州以
分賊勢吳棠所派都司張保聖等馬隊赴蒙隨剿
爲數無多陳國瑞進止機宜務須飭令詳度地勢
相機而動不可輕率深入致墮詭謀富明阿到後
兵力較充卽可妥籌一切進剿之方期操勝算尤
須先將被脅附苗各圩解散以孤賊黨吳棠仍將

各省協餉催提源源運濟毋令缺乏擬募新兵酌
量辦理黃開榜所部礮船遺失多隻不能成軍該
總兵現已因病告假回浦並著吳棠飭令趕緊調
理就痊設法籌購礮位修補船隻仍卽回防以資
得力陣亡之花翎都司張學勝藍翎把總魯元林
均著交部各照陣亡例從優議卹

初十日

甲寅

張之萬奏言據探毫捻李大箇攷率

馬步賊衆由永夏之交突竄會亭一帶向西急
走毛承熙飭駐防周口之邵春仁兩營取道太
康通許超前截勦臣飛飭副將永奎等率所部
並荊州馬隊星夜東馳會同邵春仁探蹤迎擊
八月二十三日賊竄甯陵近城一帶二十四日
駛至睢州東門二十五日擾至杞境均經守城
兵勇擊退二十六日該逆全股折向東北竄至

蘭儀邊境由乾河灘北竄考城縣屬之石樓等處踉蹌東歸惟蘭考睢杞之間曠野平原現雖寇蹤東遁仍恐乘我不備折而西趨臣仍嚴飭地方文武及帶兵將領嚴密防堵不得稍形鬆勁至南竄唐縣之股經官兵擊退悉數竄入棗陽邊境臣先期飛咨鄂撫派兵截剿並疊飭南陽鎮府選派兵練出境追擊其續竄襄郊葛小

牛股匪經永奎擊敗該逆由葉縣東竄舞陽郟
城西平邊界孫之友等跟蹤追剿沿途寨圍截
殺該匪不敢喘息全股由上蔡一帶避兵歸巢
惟張總愚大股久踞登封大金店恃衆阻險二
十九日總兵張曜督飭各隊分路攻剿該逆突
出悍黨拚死衝撲我軍奮勇剿擊槍擊矛刺賊
衆死傷相繼張曜復率馬隊由坡後包抄四面

蹙之殲戮殆盡餘匪棄械狂奔張曜又調大金
店附近團練會同各營兵勇於三十日直逼賊
壘槍礮齊施立將大金店附近賊卡踏毀斃賊
無數踞賊棄壘向南狂竄張曜現已拔隊向汝
州一路趕緊追躡臣已飛咨湖北並嚴飭南陽
鎮府督飭兵團力遏奔軼一面撤回永奎馬隊
由舞陽葉裕繞出賊前以防擾及鄂邊一面飛

飭王文行勇隊取道襄城遏賊東竄仍飭張曜
星夜追抄毋令紛駛爲患

張之萬又奏言阜陽擒首秦喧等竄踞新蔡沈
邱邊境之高寨地方臣飭副將尹嘉賓等率軍

進剿八月初二日進逼高寨該匪率衆來犯我
軍礮傷擒首陳發水餘匪驚遁入寨是夜尹嘉
賓等商令兵練分爲三隊以一隊誘賊出巢兩

集賢堂卷之二十一
二十八

隊伏於寨後乘機襲寨斬擒無數匪黨奪路奔竄官軍追殺十餘里生擒悍賊僧明玉羅從瀉等十餘名立將高寨克復探知該匪奔入沈阜邊界之李王兩寨復遣黨襲破阜境劉坤圩互相犄角爲三窟之計尹嘉賓等現已各率兵練分路攻取臣卽飭會同地方團勇乘銳攻拔王李等寨殲除秦喧等逆以靖邊圉

張之萬又奏言湖南永州鎮總兵李明惠統帶
楚勇一千六百名奉調赴直由楚豫取道北上
於九月初一日行抵許州臣已飭令趕緊北渡
取道河朔赴直省大營並飭藩司俟該軍抵汴
酌撥行糧以資接濟仍於直省協餉內扣還歸
款奏入

上命議政王軍機大臣傳諭劉長佑張之萬毛昶熙

日擒匪分擾豫境其一股由唐縣南竄棗陽昨據
官文等馳奏業諭該督撫等會同剿擊就地殲除
其葛小牛一股經孫之友等率軍截殺該匪由上
蔡一帶避兵歸巢惟盤踞大金店之張總愚大股
恃衆阻險經張曜督飭各隊奮力攻剿將大金店
附近賊卡踏毀殺賊無算該匪棄險狂奔張曜拔
隊由汝州一路追躡張之萬現調永奎馬隊由葉

裕繞出賊前並飭王文行勇隊取道襄城遏賊東
竄著卽嚴飭諸軍前截後追乘該匪喘息未定盡
力勦洗並檄飭南陽兵團遏賊奔軼之路毋得稍
有疏虞其李大箇攷股匪由永夏之交突竄會亭
一帶雖經擊退由乾河灘石樓等處踉蹌東歸惟
蘭考睢杞之間曠野平原無險可扼難保不乘我
不備率衆西趨仍著張之萬毛昶熙檄飭各營及

地方文武嚴密防範不得稍有鬆懈尹嘉賓等克復高寨生擒悍賊僧明玉羅從禧等十餘名而擒首秦喧等竄入沈阜邊界之李王兩寨並襲破劉坤圩以爲犄角之勢亟宜乘勝殄除肅清疆圉著張之萬等飭尹嘉賓等會同地方團勇迅將李王等寨攻拔殲擒秦喧各逆期於盡絕根株李明惠一軍現旣取道河朔若復令其折回河南未免徒

勞往返且宋慢詩匪黨復竄回開州一帶直豫交界處所正須得力兵勇迎頭截擊著劉長佑查明該總兵行抵何處飭令會同河北鎮道及直省派出之將領等四面兜剿務將此股賊匪盡行殄滅毋令乘閒他竄

同日

上命議政王軍機大臣傳諭僧格林沁劉長佑闔敬

銘曰本日議政王軍機大臣呈遞僧格林沁信函
據稱九月初二日我軍由袁莊拔隊向西南行三
十餘里卽見該逆在何莊宋寨一帶攻撲民圍當
卽齊隊進剿該逆列仗迎拒約計馬賊千餘名勢
甚兇猛官軍一擁衝壓逆勢不支紛紛向西南狂
奔計追殺一百餘里至開州地方所贖敗匪尙有
數百名恆齡等仍在前追殺舒通額等齊隊繼進

等語此股竄匪剿辦已經得手不難緊躡其後一
鼓剿平著僧格林沁卽飭恆齡等晝夜跟追並設
法分兵繞擊毋任再行竄擾蘇克金等亦當飭令
整隊追賊不得藉口沿途搜剿竄匿餘匪多所遲
誤致干重咎前據劉長佑奏宋逆折回東境分股
狂奔當諭僧格林沁等實力埽除並令查明開州
之匪是否復回東境著仍遵前諭妥速籌辦以期

滅此朝食宋逆以失巢巨寇到處狼奔豕突沿途
裹脅之人未必盡甘心從逆然宋逆詭詐多端安
知不誑騙其脅從之衆以爲歸順朝廷萬無生理
使從逆者心愈堅而勢愈固爲今之計若能解散
脅從使首惡之勢日孤則勦辦更易爲力本日明
降諭旨一道著僧格林沁劉長佑闔敬銘於奉到
後卽行刊刻瞻黃徧行張貼或懸賞購緝務將宋

逆殄除以靖地方

上諭內閣曰宋憬詩以屢降屢叛之賊竄擾直東一帶地方經僧格林沁劉長佑等督軍勦洗疊有斬獲該逆以失巢窮寇豈能久延殘喘惟念宋憬詩自外生成罪固在所不赦其他脅從之衆或因迫於飢寒被其驅使或因家產破亡被其偏脅其罪可從未減其情尙屬可矜自今以後凡宋憬詩夥

黨內有能不甘從逆自拔來歸者朝廷悉准赦其
既往之罪仍著帶兵大員及地方大吏妥爲安插
如有能將宋憬詩細縛擒斬以獻者則非但無罪
而且有功必當予以獎勵總之朝廷所必欲誅者
惟宋憬詩一人其餘被脅之衆概可從寬務須及
早效順切勿甘心從賊自取滅亡也

欽定剿平捻匪方略卷二百 癸亥年

中央民族學院圖書

九月十三日 丁巳 唐訓方奏言陳國瑞援

第... 第...

翰姚廣武等軍攻克王家等圩而苗逆仍恃眾圍困蒙城非設法掣動圍城賊眾不足以分其力查淮岸南北兩蚌埠勢居要害該逆踞守最堅臣派總兵王萬清等督率兵勇二千名由淮之北岸進紮洪家圩復令王才秀一軍進紮馬

家嘴以圖小蚌埠至南岸則派總兵何紹彩等督率所部移紮馬村溝與王才秀對岸聯絡以圖老蚌埠復令克蒙額等軍繞至渦河北岸一帶仿雕剿之法往來馳騁以亂賊衆圍蒙之心如此分路攻取賊若撤蒙城之衆以顧懷遠則蒙圍可解若仍前悉力抗拒則俟數日內富明阿到防後再行妥籌戰守奏入

上命議政王軍機大臣傳諭富明阿吳棠唐訓方曰
逆匪併力圍攻蒙城志在必得陳國瑞兵力較單
恐未能制賊死命富明阿已督率所部二千餘人
由揚州起程此時計已行抵臨淮著迅遵前旨帶
兵馳赴蒙城督同陳國瑞並姚廣武英翰各軍疏
通糧道力解城圍不得稍事遷延仍須審察路徑
形勢謀定後動不可稍有疏失並著吳棠飭令姚

廣武與陳國瑞聯絡聲勢合力攻勦以厚兵力唐
訓方現飭王萬清等進紮淮北洪家圩並令王才
秀何紹彩等軍分紮南北兩岸規取小蚌埠等處
攻賊所必救圖牽逆勢又令克蒙額等軍於渦北
一帶馳驟雕勦以亂賊志能否掣動蒙城逆衆回
顧懷遠尙無把握此時蒙邑危在呼吸自當先聚
全力以解倒懸臨淮現在兵力較厚如富明阿兵

力不敷勦辦卽著唐訓方抽撥兵將助解蒙圍本
日據閩敬銘奏宋憬詩股匪被勦窮蹙由運河以
西搶船數隻從張秋順流北竄經防兵截殺多名
該匪數十人棄船翻山奔逸此股逆匪係官兵裝
束風聞有宋逆在內或乘閒南竄淮徐或竄赴皖
北勾結苗逆均未可定吳棠唐訓方務當督飭地
方文武嚴密稽查實力巡緝如遇該匪竄至卽行

悉數殲除勿稍疏縱

同日閻敬銘奏言宋逆餘匪自八月二十一日
偷渡河西後仍留一股約馬步賊八九百人在
河東一帶游弋探得河西一股逆首係宋憬詩
河東一股賊目係楊澱一暗爲援應牽掣官軍
連據各路探稱南岸股匪自柳林奔竄莘冠朝
城觀城各境經僧格林沁先派翼長舒通額等

督帶馬隊追勦斬殺無數臬司丁寶楨派所部
晝夜窮追總兵保德亦在朝城截擊臣慮南岸
之賊與東岸之賊會合一氣先派副將范正坦
等分防河東七級等要口以防偷渡都司楊通
廉等帶勇專爲追擊之軍並慮東股北竄卽至
德州飛咨直隸督臣劉長佑扼要嚴防嗣探悉
河東一股由清平竄至高唐三十日竄至腰站

經楊通廉等及直隸所派知府余承恩由西堵
截該匪卽奔東北平原一帶九月初一初二初
四等日由恩縣北竄陵縣又回竄禹城初四初
五等日自禹城竄平原荏平縣境又北至高唐
李官莊官軍日夜跟追及賊於小井莊殺斃多
名兵勇亦有傷亡臣以賊衆馳突於恩縣高唐
平原禹城之間利在四竄官軍單薄未能四面

包勦殊難得手適河西股匪敗竄賊勢稍鬆臣
卽札調先駐河西各營遊擊王心安等移營過
河初八日臬司丁寶楨亦帶隊馳赴高唐詎意
賊匪聞風於是日子刻由恩縣奔武城縣夾馬
營地方過河臣一面飛咨直隸督臣撥軍堵截
一面派隊追勦並於恩縣以南荏平以北及河
西館陶一路分兵布置防其回竄至河西竄匪

有在黃河上流搶船之信卽飭沿河各營縣防
範並派千總張祖榮帶領礮船在張秋河口堵
截以防下竄初七日申刻有敗匪乘船數隻順
流北竄張祖榮截其去路三面圍攻槍礮齊施
賊衆紛紛落水追至子山以下生擒賊匪張明
篙等五名餘匪數十人棄舟翻山奔竄東阿縣
知縣吳樹聲已踰山追捕總兵保德等亦卽帶

隊跟追此股逃匪是否有宋憬詩在內尙未確
實查明僧格林沁已咨國瑞酌派馬隊馳往肥
城東平一帶搜剿臣亦飛咨總兵扎隆武並札
飭東阿山南各州縣嚴密搜拏又派守備張大
富等拔隊探明山路追剿查竄匪船隻本屬無
多千總張祖榮堵禦不力以致匪船駛過張秋
河口賊得翻山逃竄非從嚴懲辦不足以肅軍

律相應請

旨將張祖榮革職發往軍臺效力贖罪張秋通判錫齡經臣札飭嚴防河路亦未能力阻竄賊應請旨將錫齡摘去頂戴臣督率無方亦難辭咎並請將臣交部議處

閻敬銘又奏言莘縣所屬之延家營地方爲積年教匪巢穴匪首延書善等占踞其閒久爲莘

朝兩邑之害八月閒官軍擊敗宋逆該匪仍敢
招集餘黨暗通消息以致宋逆復行回竄幸經
總兵保德先期約會遊擊王心安於八月二十
八日進攻該逆從圩內突出五六百人拚死迎
拒我軍槍礮齊施陣斃八九十名該匪折回圩
內我軍橫截夾擊又斃匪百數十名該匪仍由
圩內北門竄出我軍繞出跟追適王心安督隊

迎截追至馬場地地方途沿又斃匪百數十名餘
匪跳入水坑意欲梟遁王心安等親督勇丁下
水全行斬殺並將匪首延書善生擒訊明正法
延家營賊巢亦卽平毀匪目趙小山等四名一
律搜拏正法奏入

上命議政王軍機大臣傳諭僧格林沁劉長佑張之
萬閩敬銘曰本日閩敬銘奏宋逆餘匪分股敗竄

業經明降諭旨將閩敬銘交部議處並堵禦不力
之千總張祖榮通判錫齡分別示懲矣宋棣詩分
遣其黨竄踞運河東西直東各境牽掣官軍自率
死黨由張秋搶船駛過黃河逃遁該逆亡魂漏刃
帶領不過數十人當亦無難擒獲惟賊蹤詭譎猶
恐所至潛行煽結以致餘燼復燃著閩敬銘嚴飭
保德等緊躡跟追使賊不得喘息並飭各地方官

四面兜捕毋任遠颺僧格林沁現今國瑞就近自
鄒縣酌派馬隊馳往肥城東平一帶探蹤搜剿如
果宋逆確由此路遁走非於兗沂等處勾串教匪
餘黨卽圖竄越豫境與各捻股結連及投入苗沛
霖夥內以爲藏身之固宋逆棄舟翻山去當不遠
務須設法購綫拏獲以絕後患東阿陽穀與曹屬
毗連爲從前賊擾豫東熟徑著張之萬嚴飭所屬

於曹考等處沿河各地面嚴密設防以杜竄越現
在運河東西兩岸東境恩縣高唐平原禹城一帶
直境邯鄲永年一帶賊首楊潑一朱登澧各股肆
行竄擾著劉長佑閻敬銘嚴督所部務將各股匪
就地殲除至宋逆過河逃走旣未的實尤恐賊計
狡譎聲言棄衆南竄仍潛伏近處或仍在賊股內
另作詭圖均屬不可不防諒該大臣督撫等必能

計及閩敬銘奏平毀莘縣所屬延家營教匪巢穴
首夥擒戮等語所辦尙屬妥協直東各境似此伏
莽恐復不少著劉長佑閩敬銘隨時督令帶兵文
武及各地方官妥籌辦理

上諭內閣曰此次竄匪船隻本屬無多千總張祖榮
堵禦不力以致賊蹤遠颺著卽行革職發往軍臺
效力贖罪張秋通判錫齡防堵河路未能力遏竄

賊著摘去頂戴以示懲儆閻敬銘督率無方亦難
辭咎著交部議處

同日英桂奏言皖捻分擾豫境勢恐渡汝西犯
自新澗以至陝州靈寶等處多與晉省連界雖
垣曲縣之東灘渡前已飭副將袁復清統帶楚
勇五百名馳往堵禦而平陸縣茅津渡以上官
私渡口不一而足在在須防臣已飛飭副將羅

承勳將駐紮平陽楚勇五百名暫留平陽另候
調遣並選省標精兵五百名前往平定州交鍾
秀擇要布置復令總兵和昌駐軍茅津渡居中
調遣如果該匪逼近晉疆卽與豫省追軍合力
夾擊奏入

上命議政王軍機大臣傳諭英桂曰皖捻分擾豫境
勢將西犯著英桂督令派出各軍嚴密偵探實力

防禦如捻逆偏近晉疆卽飭各該將弁迅速渡河
兩面夾擊以圖聚殲該撫惟當實事求是認真辦
理毋得徒託空言若專事粉飾一經賊到又以兵
單匪重爲詞任令該省完善之區被賊蹂躪必惟
英桂是問

十五日己未荆州將軍富明阿奏言臣於九月初
八日行抵臨淮與唐訓方會商長淮衛爲臨淮

要隘所派由揚赴援之王萬清等所部二千人
並撫臣所派副將王才秀一千二百人在洪家
圩前敵駐守兵力實形單薄臣現擬帶同翼長
詹啟綸及統帶駐臨馬隊候補副都統克蒙額
前往查勘地勢一俟軍械船隻到齊卽商調撫
臣得力兵弁進紮長淮衛先將附近賊營賊圩
妥爲剿撫根本穩固然後步步爲營相機進取

以期周密再過河懷遠一帶賊營賊圩甚多臣
與陳國瑞之軍一時尙未能絡聯策應奏入

上命議政王軍機大臣傳諭富明阿唐訓方曰富明
阿已督兵行抵臨淮與唐訓方會商擬赴長淮衛
一帶查勘地勢駐紮前敵先將附近要隘賊營賊
圩妥爲剿撫再行相機進取所籌尙屬周密惟蒙
城被圍甚急陳國瑞一軍連克蒙北賊圩而逆恃

其衆堅持不退官軍進攻賊壘頗傷精銳必須趕
緊聯絡策應方足以挫賊勢而解重圍著富明阿
懷遵前旨督同王萬清等軍迅將渦河懷遠一帶
賊營剋期掃蕩與陳國瑞連爲一氣俾聲勢可壯
力保要區唐訓方仍派得力兵弁隨同富明阿前
往攻勦庶客兵得有嚮導不致貽誤戎機至淮南
北賊營賊圩被苗徧脅者居多臨以大兵當知畏

懼如其歸誠效順卽須乘機招致以孤苗逆之勢

十六日

庚申

劉長佑奏言楊澱一股匪回竄恩縣

復至吳橋厯甯津邊境折向山東德平臨邑一

帶竄逸於武城縣夾馬營偷渡運河復由故城

竄入棗強縣大營等村沿途團練間有斬擒其

西路一股竄至觀城開州毗連地方被馬隊追

擊西竄井店署開州知州任凱會營督練截擊

斬擒多名餘匪竄至滑縣屬之大寨倏分二股
一股約四五百名向西逃竄經恆齡等馬隊追
之一股僅二百餘人竄至開州太平店該處多
被黃水積淹該匪鼻水擄船向東駛逸任凱率
勇兜剿施放大礮擊沈賊船六隻奪獲四隻擊
殺及溺斃者多名餘賊四五十名向濮洲一帶
竄去其自大寨向西竄匪適河北鎮道均未在

防以致該匪由濬縣渡河向西北湯陰彰德一帶竄逸楊長春遇賊於彰德府城東南之張官屯未及接仗九月初四日該匪由臨漳傅屯偷渡漳河歷成安永年雞澤竄至曲周邊境經該縣員弁出隊截勦該匪見兵卽遁僅被斃斃數名生擒一名據供宋憬詩已於開州太平莊地方率黨百餘人乘船遁逸等語初八日該匪竄

至鉅鹿縣地方適恆齡余承恩等馬步各軍相繼趕到該匪聞大兵追至復分出一股由南宮竄至棗強縣屬之卷子鎮與楊澱一合股南奔此股遂由甯晉新河北竄藁城搶渡歷深州祁州邊界至定州之大辛莊清風店等處因知我軍抄前復折向新樂藁城渡滹沱南竄因念該匪亡魂窮寇乘隙奔突到處擄掠羸馬更換乘

騎日夜未遑我軍步隊勢難追及馬隊稍資餵
飼亦每落後現 臣暫駐方順橋一面嚴飭谷地
方官齊團警備並加撥兵勇駐紮河間獻縣深
州正定一帶聯團扼守以固北路一面酌派步
軍分投游擊仍咨會東豫各撫 臣派撥得力將
弁帶兵扼守邊界以資夾勦弗任餘燼復燃並

欽遵

諭旨解散脅從刊刻謄黃徧貼曉諭以期仰副
皇上法外施仁罪誅元惡之至意奏入

上命議政王軍機大臣傳諭僧格林沁劉長佑閻敬
銘張之萬英桂曰劉長佑奏敗賊窮竄分合靡常
經兵團截擊南奔所稱擒獲賊供宋憬詩已於開
州太平莊率黨百餘人乘船遁逸與閻敬銘奏報
內所稱宋逆自張秋鎮下駛棄船翻山帶領數十

人逃走等語又復小異殊恐獲賊所供均非確實
該逆狡計或揚言棄衆逃走而實則仍在賊股內
或別圖竄擾均不可不防各股賊竄分合之處摺
中聲敘亦未明晰嗣後務須將何股賊首何人竄
由何路一一偵探確實分別另單簡明開載方能
一目了然僧格林沁前稱大軍所追係朱登禮一
股此次劉長佑亦稱西路股匪屢經恆齡等馬隊

追及鉅鹿等境現在此股北竄定州復由新樂回
竄橐城著僧格林沁嚴飭恆齡蘇克金等馬隊迅
卽探勦毋再遷延劉長佑督令直省各軍及各地
方文武嚴扼北竄之路並籌備迎頭截擊與恆齡
等馬隊會合夾攻盡殲醜類橐城地近晉邊前諭
英桂於平遼一帶嚴防竄越著卽飭令鍾秀嚴督
所部兵勇實力設防毋稍疏懈該省防兵頗單直

省諸軍果能前截後追賊不得越獲鹿井陘自可
無虞犯及晉疆劉長佑現駐滿城卽分飭諸軍妥
籌兼顧其分股零星餘匪向濮州竄去者僅有四
五十人該地方實力捕拏卽可全數殲擒著劉長
佑飭令所屬認真辦理楊澱一一股由棗強南竄
現至何處並著劉長佑閻敬銘各督直東兩省各
軍聯絡兜剿務將敗殘餘匪剋日殲除毋許遺孽

復行滋蔓賊蹤竄至滑濬等境河北鎮道何以均
未
在防楊長春遇賊於張官屯何以未及接仗屢
諭張之萬督飭該鎮道等嚴密設防究竟如何辦
理著再行申諭該撫嚴飭該文武痛加振刷毋再
玩延致干咎戾宋憬詩究係逃往何處有無另作
詭圖著該大臣督撫等嚴切確查隨時具奏

十九日
癸亥
會國藩奏言近日臨淮軍情陳國瑞

會合英翰所部疊破賊圩蒙城文報漸通重圍
可期迅解唐訓方亦派何紹彩進攻蚌埠一路
以掣賊勢前此蔣凝學攻克黃梁集逆首倘貫
金適赴下蔡乞援致令漏網近聞該逆在蒙城
勾結苗黨萬人至壽州分竄余家集三覺寺等
處意在擄掠或不至遽謀深入奏入

上命議政王軍機大臣傳諭曾國藩曰陳國瑞進援

蒙城疊破賊圩近復諭富明阿相機援剿兵力漸
厚蒙城當可解圍苗黨倘買金勾結醜類分竄余
家集三覺寺等處擄掠據曾國藩奏稱不至遽謀
深入但該逆詭詐多端聲東擊西是其慣技仍著
該大臣檄飭蔣凝學等以剿爲防俾何紹彩蚌埠
之師得以乘勢進攻該逆應援不暇則剿辦自可
得手諒該大臣必能統籌全局毋誤事機

二十日甲子富明阿唐訓方奏言臣富明阿親赴

長淮衛前敵一帶察看情形即日馳回與臣唐

訓方籌議分路進兵之策查李世忠前次所派

朱元興等兵勇僅二千人未足以當一面頃李

世忠復派李顯發蔣立功帶勇三千人前來並

函稱不日仍親率大隊來臨卽由南岸進剿是

此路兵力較厚而臣富明阿前後所帶馬步止

四千人北岸兵勢仍單 臣等擬令李世忠一軍
專辦南岸 臣等卽統由北岸分路進攻而抽撥
臨軍之王才秀蔡光書徐祥林一千四百人克
蒙額馬隊二百餘人 臣富明阿統赴前敵 臣訓
方兼顧南北兩岸後路所派前敵各軍卽飭統
歸 臣富明阿調遣務使聯絡一氣以期日起有
功惟查臨軍馬步雖有萬七千餘人除留守臨

淮二千名以固根本外若英翰所統在蒙之五千五百人南岸王莊固鎮等處之二千名均係分防分勦萬難移動現復撥給臣富明阿一千六百名是臣訓方進勦之兵共不足四千人仍屬守有餘而戰不足而蒙圍經我軍攻之愈力該逆拒之愈堅究難立解臣等於無可抽撥之中派總兵宋慶率所部一千三百人馳往援助

富明阿又奏言九月十四日派詹啟綸等先帶
所部於蚌埠下丁家圩吳家圩一帶擇要駐紮
與先紮前敵之王才秀等營互相犄角臣卽於
十六日移營親赴長淮衛相機進取但能與陳
國瑞之軍聯絡一氣得以隨時策應則聲威自
壯攻勦或易於措手斷不敢稍事遷延亦不敢
冒昧輕進俾免疏虞而昭慎重

富明阿又奏言疊奉

諭旨飭令迅速援蒙 臣已撥勁旅一千三百名派宋慶管帶進援蒙城惟皖北下游形勢全倚臨淮該處爲清淮鎖鑰在在均宜嚴防 臣前敵之軍已進紮距蚌埠賊壘八里之吳家圩地方力圖進取以分賊勢若盡撤顧蒙城則懷遠下游之賊知我內虛勢必乘隙東趨大局又將掣肘審

目前之緩急蒙城自急於臨淮權全局之重輕
臨淮實重於蒙城臣惟有審度機宜沿淮而下
先將懷遠一帶賊營賊圩盡力勦撫直薄懷城
則逆勢必須分顧而蒙圍自可稍鬆矣奏入

上命議政王軍機大臣傳諭富明阿唐訓方曰李世
忠派兵助勦富明阿等正可迎機激勵妥爲駕馭
作其忠勇之氣俾得及時自效而官軍得此勁旅

亦可聯絡聲勢藉資攻剿著卽飭李世忠剿辦南岸之賊以專責成富明阿現由北岸進攻所派前敵各軍卽著統歸富明阿調遣唐訓方兼顧南北兩岸後路並著隨時偵探何路緊急卽由何路策應毋得稍有疏虞蒙圍迄今未解亟應設法拯救以支危局著卽嚴飭派出之總兵宋慶帶領所部迅速馳援富明阿卽督率各軍繼進會同陳國瑞

等援蒙之軍力解重圍毋得遷延觀望致誤戎機
正寄諭閒據富明阿奏遵旨撥兵援蒙親赴蚌埠
察看地勢卽移營前進並擬勦撫懷遠賊圩所稱
援蒙情形與前奏大略相同現在該將軍親赴長
淮衛卽著相機進取與陳國瑞等軍聯絡一氣以
壯聲援至應如何將懷遠一帶賊營賊圩分別勦
撫以牽圍蒙賊勢之處並著富明阿妥籌布置

二十一日丑乙張之萬奏言亳捻李大箇攷由蘭

考避兵東歸臣毛永熙由宋營派遊擊呂振河
等率所部探蹤進擊於商邱之丁道口虞城縣
境之梢岡集會同團勇合力奮擊斃賊百數十
名該匪踉蹌東遁兵練跟追沿途斬殺甚夥敗
匪竄回亳巢此股亳捻爲苗逆指喉圖窺汴垣
綴我軍力現雖回巢難保不再圖竄擾臣等仍

飭宋防兵勇扼要嚴備以固東圍

張之萬又奏言宋逆匪黨由開州進窺滑濬楊
長春探蹤迎剿九月初三日匪竄滑境經知縣
孔繼中截剿賊遂竄入濬境進徧縣城該縣知
縣杜傑魁會營出擊斬馘三十餘名生擒王松
山黃堅二名衛輝營守備萬鵬程亦帶領標兵
敗賊於滑濬之交生擒邵城姚廷芳二名是日

楊長春由彰郡帶兵探勦行抵郡南張官屯地方遇前隊馬賊四百餘名揮軍進擊立即壓退初四日探知賊分兩股一竄安陽縣東白倍集一竄安陽縣東北楊家新莊楊長春督隊馳赴新莊賊匪迎拒我軍槍礮環擊擊倒悍賊二名敗匪紛紛奔竄其白倍集之賊亦經穆特布擊敗狼奔而去兩股會撲孫陶河岸竄至臨漳南

騾村一帶楊長春跟蹤銳進臨漳縣知縣曹敬
亦率團踵至兩面夾擊槍斃騎馬賊目一名馬
賊二名陣擒悍賊胡汰喜楊五馬三三名匪衆
驚惶無措棄圍奔竄我軍追至徐村地方沿途
搜殺零匪多名敗匪連夜遁至直境肥鄉縣李
林鋪一帶旋竄廣平楊長春恐豫邊尙有零匪
卽拔隊折回臨漳臣飭該鎮道激勵兵團會合

扼紮以固北鄙

張之萬又奏言察哈爾馬匹前經奏明配給黑龍江餘丁交善慶帶赴臨淮此時馬匹已先後到豫而善慶所帶黑龍江餘丁尙未知行抵何處自應將先到馬匹設厰牧放至已到豫省吉林馬甲共五百名人皆年少精壯經歷行陣祇須給以馬匹便可調營助勦惟豫營將才素乏

在營諸將又與此項馬隊兩不相習統帶恐難
得力查副都統善慶薩薩布二員久歷戎行統
帶馬隊最爲所長現善慶統帶黑龍江餘丁已
奉

諭旨撥交臨淮調遣其薩薩布一員合無仰懇

天恩飭令來豫帶隊實於軍務有裨奏入

上命議政王軍機大臣傳諭劉長佑張之萬曰張之

萬奏宋逆黨匪關入河朔兵練截擊敗竄與劉長佑前奏情形迥不相符是否楊長春等及各地文武捏報勝仗希圖遁責抑係劉長佑前奏探報失實均屬不可不察著劉長佑張之萬均各確切查明據實奏聞毋許稍存文飾如實係防勦不力事後捏報勝仗等情卽應據實嚴叅軍營探報亦往往有偵查不實之弊劉長佑亦不可不加查察

宋憬詩是否棄衆潛逃究由太平莊逃走抑由張
秋翻山而遁現在曾否捕拏就獲直豫兩省防剿
各軍仍著劉長佑張之萬嚴督前截後追迅殲醜
類毫捻李大箇攷由睢杞折趨蘭考避兵東歸經
毛承熙派遊擊呂振河等率領馬步擊賊於商邱
之丁道口虞城之梢岡集疊加勦創遁回亳巢此
股捻匪爲苗逆指喉出而滋擾難保不復窺豫境

仍著張之萬飭宋防兵勇扼要嚴防張之萬前奏
大金店盤踞之張總愚股匪被剿南竄張曜由汝
州一路追躡該撫並調永奎馬隊及王文行勇隊
各由葉裕繞出賊前取道襄城遏賊東竄現在各
軍勦辦若何此股賊匪復又竄往何處著張之萬
詳悉具奏善慶所帶黑龍江餘丁早已進口南行
何以尙未抵豫著張之萬迅卽迎提並著劉長佑

飭令所屬沿途查明此項官兵現抵何處催趨前進薩薩布一員卽准張之萬所請飭令赴豫帶領馬隊該員由直赴皖行經豫省卽由張之萬傳旨截留善慶帶兵到豫仍卽飭令遵奉前旨抽撥吉林黑龍江餘丁五百名綏遠城察哈爾馬五百匹統帶赴皖以資攻剿

張之萬又奏言九月初一日副將尹嘉賓等偵

知秦喧及死黨數十名均在王寨其舊夥劉炳
國與之不合時有圖賊之意該副將卽購覓土
人潛入寨中餌以重賞令其內應初三日我軍
分路並進王寨與李寨各出賊黨迎拒尹嘉賓
等揮兵突陣擊殺數十名餘匪回寨固守是夜
官軍分路進攻前隊甫近王寨秦逆卽率死黨
倉猝迎戰扼守寨橋鏖戰不退時後隊由寨後

潛越外濠劉炳國卽縱火接應寨中驚亂乘勢
砍倒守牆悍賊數十名各勇攀援而上一擁入
寨秦逆退入寨中閉門抗拒官軍點放噴筒火
彈將逆首秦喧及其死黨三十餘名全行焚斃
餘匪勦捕淨盡其李寨踞匪亦經徐連陞帶隊
攻拔斬擒無算奔逸步賊我軍追斬無遺馬賊
百餘連夜東竄阜陽縣境臣查秦喧爲阜境積

年巨捻勾結汝匪屢爲邊患新蔡沈邱各境被
害尤劇今尹嘉賓等會率兵練屢破賊巢卒能
將首逆燒斃餘黨殲除肅清邊患所有在事尤
爲出力員弁僅先行開列額懇

恩施其餘出力各員由 臣彙案請獎奏入

上諭內閣曰官軍會合團練攻拔王李二寨並燒斃
逆首剿辦尙爲迅速在事尤爲出力之遊擊程尙

文著以參將儘先補用千總吳文一著以都司儘先補用都司徐光志等二員均著以遊擊儘先補用千總尹廷彥著以都司補用守備敖明愷等四員均著以都司儘先補用已革千總楊繼才著開復原官以守備儘先補用其餘出力各員著准由張之萬彙案奏請獎勵毋許冒濫

館藏書

欽定勦平捻匪方略卷二百一 癸亥年

中央民族
學院圖書

九月二十二日

丙寅

吳棠奏言圍蒙之賊

匪首
在

不出戰陳國瑞移營渦河迤東之王家窩圩在

蒙城迤東七里賊亦聚黨而東與官軍夾河相

守陳國瑞擬俟渦河水漲稍涸乘夜渡河襲賊

九月初二日晚聞有蒙城勇丁數人送到李南

華等信件云城內糧缺難以支持陳國瑞將來

勇慰勞發給銀五百兩飭令分帶回城並囑城中堅守待援苗逆勾結捻首李大箇攷魏羣等股匪由豫境回踞石弓山一帶偪擾臨渙等處欲斷蒙北官軍餉道副將艾憲銀兵單請援陳國瑞已派佐領訥穆錦千總劉天福帶馬隊五百名並截留自浦調往之馬隊先將該逆擊退疏通餉道再赴蒙城勦苗並據陳國瑞繪紮營

地圖一件恭呈

御覽惟陳國瑞兵力無多南援北勦分則愈單臣現
添派副將張從龍知縣吳炳庭等選帶勇丁五
百名馳赴蒙城聽候陳國瑞調遣奏入

上命議政王軍機大臣傳諭富明阿吳棠唐訓方曰
蒙城被圍日久情形萬分危急苗逆與李南華素
有仇隙此次糾黨圍困誓欲得而甘心覽吳棠所

呈官軍紮營地圖益形焦急李南華因城內糧缺
密遣勇丁乘夜赴營求救雖經陳國瑞給銀五百
兩飭令分帶回城該勇丁能否踰濠而進尙難豫
必吳棠現調副將張從龍知縣吳炳庭等帶勇馳
援而兵力仍未甚厚且道遠非旦夕可致著富明
阿唐訓方速飭總兵宋慶星速前進會同陳國瑞
各營併力進攻迅解城圍富明阿唐訓方並設法

策應毋許遷延貽誤懷遠近日賊勢若何如王才
秀北岸之兵一時不能掣動圍蒙之賊莫若添調
勁旅徑赴蒙城助勦分扼全家集一帶截賊糧道
則蒙城之圍可期速解著富明阿唐訓方酌度機
宜妥爲調遣張從龍所部計已起程就道並著吳
棠催令趕緊遄行不准逗留干咎

二十四日 戊辰 劉長佑奏言遵查宋逆棄衆潛遁

餘黨之最著名者一爲楊澱一一爲朱登峯一
爲劉厚德其餘程敬書岳金聲諸賊目亦各分
道狼奔每股約二三百人或百餘人數十人不
等要皆亡魂窮寇而已楊澱一竄至棗強卷子
鎮與西股程敬書潛合後又分竄南宮邱縣館
陶一帶九月十三日馬賊二百餘騎竄至大名
元城之石槽坊地面經該員弁帶勇截擊斃賊

五六十名生擒首逆楊澱一及賊目熊振青等
五名訊明後卽行正法將首級解赴新授藩司
王榕吉行營查驗屬實其逆黨岳金聲率敗匪
百餘騎向西北威縣一帶逃竄參將張九元遊
擊湯繼揚率隊擊之折向西奔十五日至任縣
隆平交界適廣平府知府余承恩聞信趕到督
同該縣等四面圍剿該匪情感乞降當將賊目

岳金聲正法其餘欽遵

諭旨分別遣散並將馬匹器械全數收繳朱登峯嘯聚馬賊數百宋逆渡牯河後恐爲馬隊所躡嗾令向西北折而北竄以遂其渡黃潛遁之計該逆遂與程敬書等由滑濬湯陰彰德臨漳等處渡衛漳兩河而北歷成安永年雞澤以至鉅鹿因恆齡余承恩馬步追及遂分程敬書一股折

向東北棗強屬之卷子鎮與楊澗一潛合後又
分竄廣宗曲周至肥鄉東張堡村候補知府段
廣瀛率勇夜襲其營斃賊甚多餘卽潰散朱登
峯則自鉅鹿甯晉厯藁城而復渡滹沱直至定
州屬之大辛莊等處因恆齡舒通額馬步跟追
甚急 臣亦親督步隊繞出西北該逆始折向新
樂及正定之伏城驛仍由藁城渡河而南 臣沿

途疊據探報恆齡舒通額擊之於趙州柏鄉縣
知縣莊士全截之於中魯村任縣知縣張光藻
等均各帶團截勦疊有斬擒該逆竄邱縣館陶
之楚家莊一帶十七日由西南之安淨村渡河
東竄所餘馬賊無多恆齡舒通額等馬隊跟蹤
追勦計可及早殲除至劉厚德兇悍狡詐尤甚
於朱登峯訊據賊供有謂其與宋逆潛逃者有

謂其於搶船渡黃時爲開州團勇格殺者傳聞
異詞殊難憑信現據大名曲周廣平等縣稟報
時有零星馬賊或四五十或七八十騎不等往
來奔逸避兵而行難保該逆不隱藏其內總兵
李明惠等帶楚勇一千五百名現已行抵廣平
經臣飭令探明賊蹤由西南節節搜勦並會同
知府余承恩等分路抄截遇賊卽擊務期淨絕

根株勿留餘孽 臣於十五日與提 臣鄭魁士自
方順橋啟行南進親歷正定稟城無極晉州束
鹿等縣查看滹沱沿河水勢派鄭魁士督同副
將崔福泰率勇駐甯晉遊擊蔣希夷率勇駐稟
城會同正定官兵嚴防竄越並派姜國仲帶兵
千人移紮順德臨洛關一帶扼要設防兼資搜
捕其河間獻縣一帶前已加撥兵勇咨會署提

臣江長貴總兵徐廷楷督同駐守並派參將劉
祺率勇紮於景州以固北路臣於二十日仍回
衡水駐紮以備相機調遣再宋逆由開州太平
莊搶船而渡經署開州知州任凱率勇兜剿餘
船三隻向濮州一帶駛去查濮州與范縣毗連
張秋是其下游該逆乘黃水泛溢順流駛下追
之莫及現已飛咨山東河南撫臣飭屬嚴拏合

併陳明奏入

上命議政王軍機大臣傳諭僧格林沁劉長佑張之
萬閻敬銘曰楊澱一岳金聲正法餘匪乞降朱登
峯一股渡河東竄所餘馬賊諒亦無多卽著僧格
林沁飭恆齡舒通額等馬隊乘勢追擊劉長佑督
飭祝壇等兵勇隨同跟追務將此股餘匪及早殲
除淨盡毋留餘孽宋憬詩究係逃往何處劉厚德

亦著名兇悍是否與宋逆潛逃著劉長佑張之萬
闔敬銘一體飭令帶兵文武搜捕並令各地方探
蹤購綫務將渠魁就獲毋任漏網煽結餘燼復燃
如宋憬詩劉厚德等復有在何處再行滋擾之事
必惟該督撫等是問現在大名曲周廣平等縣尙
有馬賊各四五十名七八十名不等往來奔逸更
難保劉厚德等不仍藏匿其中且恐直屬地方似

此零股馬賊所在滋擾亦尙不止大名曲周等縣
爲然此次宋逆分股竄擾直東各屬被其蹂躪百
姓荼毒已屬難堪現在餘賊敗殘無難早日肅清
劉長佑現由方順橋回紮衡水李明惠所帶勇隊
已抵廣平足資助剿著卽嚴督各路兵勇速將朱
登峯殘股並大名曲周等縣零匪悉就殲除不得
以楊澱一一股就殲稍涉鬆勁尤不得任令各地

方粉飾遷就以爲了事自干咎戾也

二十五日己僧格林沁奏言宋憬詩匪黨疊被

官軍擊敗餘匪分股奔逃一係匪首朱登峯率

黨由隆平冀州等處向北急趨一係匪首楊澂

一率黨由武邑棗強等處向西奔竄經臣豫飭

翼長舒通額等追剿旋據稟報朱登峯一股於

九月初六日受創後沿途搶換馬匹晝夜狂奔

竄至定州無極等處該翼長等恐該逆向東省
逃竄勾結餘匪蘇克金帶隊卽往東行以備迎
擊舒通額恆齡等督軍仍星夜跟追十一日該
逆由新樂灤城折而東南十二日舒通額等追
至橐城與賊接仗小有斬擒追至柏鄉縣史莊
地方斃賊二百餘名奪獲羸馬三百餘匹餘匪
百餘名仍向東竄我軍追至廣平府西北地方

探係分三路逃走均向南館陶奔竄十八日據
舒通額等稟稱賊匪搶渡衛河竄往東南我軍
馬匹已乏實難追及等語當調舒通額等回營
派副都統定安翼長海羣帶隊前往分路追剿
行抵莘縣探知賊尙有百餘名竄至七級以西
康莊一帶海羣跟蹤前進十九日賊又竄入陽
穀縣境旋即折回定安帶隊追至莘縣西南十

餘里與賊接仗殺賊數十名奪獲馬四十餘匹
餘匪三四十名向元城一帶竄去二十日我軍
追至河干天已昏黑賊匪乘夜東竄我軍天明
尋蹤追至冠縣時已向暮探賊已至桑阿鎮一
帶游弋是夜該逆又回竄館陶屬之羅家河口
渡過河西我軍緊躡其後所贖賊匪無多一經
過河旋即漫散難以查探蹤跡現仍飭定安等

及大名府地方文武一體搜捕毋任漏網其楊
澗一一股約有二三百名由棗強折向西南避
兵疾奔經署大名府知府長啟等於九月十三
日率勇在石槽坊截殺賊匪多名生擒逆首楊
澗一等六名訊明正法餘匪四散仍帶勇搜拏
等情正慮餘匪尙無著落據廣平府知府余承
恩稟稱十六日帶同兵練至任縣東北遇賊二

百餘名卽督隊追至隆平將匪圍住均卽乞降
該員將匪首岳金聲正法其餘一百餘名分別
留營遣散 臣查此股賊匪勢窮乞降並非誠心
歸正已咨督 臣劉長佑斟酌辦理並准撫 臣閻
敬銘咨稱聊城縣知縣督團將宋憬詩之母宋
張氏妾宋馬氏弟妻宋高氏三口拏獲經 臣函
商暫將該逆眷解赴東昌管押俟將宋憬詩拏

獲再行辦理至宋憬詩劉厚德等前經馬隊追
勦在開州河沿率黨百餘人棄馬搶船入河逃
逸至東阿縣登岸南竄當經臣飛咨國瑞由鄒
縣帶隊赴東平一帶搜捕並探得九月初二日
宋憬詩等率黨至開州太平寨地方詐入民團
進內搜搶旋即竄出至河沿搶小船數隻逃走
國瑞聞信由鄒縣馳抵東平分投確探知該逆

百餘人已於肥城境之鷓鴣嶺拋械四散卽派
桂錫楨帶兵訪拏又據獲賊于得城等供稱宋
憬詩現向東北山中逃去僅有夏七一人跟隨
等語當將于得城等正法查該逆旣已逃散若
令大隊搜捕必致聞風先遁恐難弋獲因函致
國瑞酌派官兵購緝緝捕撤回大隊仍紮鄒縣
以資鎮壓並咨撫臣閻敬銘督令地方官一體

嚴拏伏思直東一帶賊目現已殄滅多名惟宋
憬詩及朱登峯程敬書張廣德等在逃未獲已
由閩敬銘刊刻騰黃曉諭各處購拏擒獻復經
臣咨會直東督撫飭屬合力搜捕並出示曉諭
鐵厥渠魁脅從罔治其甘官屯劉貫莊賊圍及
附近賊巢均已平毀現在旣無成股賊匪官軍
未便因此牽掣除派副都統定安帶領黑龍江

纂要抄國方略卷三百一
三
及京旗官兵駐紮直東交界地方會同各地方
官彈壓巡緝外臣擬於拜摺後遵

旨督隊南行由大名衛輝過河赴汴相機勦辦捻匪
擬自西向東進攻俟該逆有回竄之信再行咨
照國瑞帶兵由徐州自北而南合力兜勦偪回
老巢聚而殲旃就便勦辦苗逆以期次第辦理
至大順廣道祝壇臣派令籌備糧草尙無遲誤

不無微勞足錄相應請

旨將祝壇交部議敘以示鼓勵再馬隊官兵因追剿
竄匪一月有餘均已疲乏擬令緩程前進以息
馬力奏入

上命議政王軍機大臣傳諭僧格林沁劉長佑張之
萬閩敬銘曰宋憬詩匪黨分竄昨據劉長佑奏楊
澂一一股業已殲除茲據僧格林沁所奏略同並

稱朱登峯一股由棗城柏鄉一路被擊竄至廣平府地方分路復竄南館陶搶渡衛河經定安等馬隊分投追擊至莘縣元城冠縣等處疊加掃蕩餘匪由桑阿鎮一帶回竄館陶屬之羅家河口渡過河西散漫無蹤此等零星殘匪諒亦不難搜除淨盡著僧格林沁仍飭定安等尋蹤搜捕劉長佑與閻敬銘各飭所屬一體緝拏務將餘匪淨絕根株

毋任一人漏網楊澱一餘黨匪首岳金聲雖已擒
拏正法其餘匪百餘名據劉長佑前奏擬卽遣散
但此股殘匪被官軍屢次追勦勢窮乞降其非誠
心歸正已可概見旣由僧格林沁咨行劉長佑斟酌
辦理卽著該督察看如果投降實由窮蹙並非
誠心卽當概予誅鋤毋留餘孽以免後患宋憬詩
率其敗殘百餘人逃至肥城之鷓鴣嶺拋械四散

其賊目劉厚德同船七八十人已被團練礮擊沈溺宋憬詩祇餘夏七一人跟隨向東北山中逃走此等均屬獲賊供詞恐尙難據以爲信劉厚德著名兇狡是否沈溺著再行詳查確實具奏宋憬詩係屬渠魁現在亡魂漏刃之餘斷不准聽其免脫卽著劉長佑閻敬銘嚴飭所屬一體嚴拏務獲僧格林沁仍飭國瑞酌派官兵探蹤購綫協同

躡緝朱登峯程敬書張廣德等及在逃各匪犯均
須按名逐一搜拏毋使漏網僧格林沁所派定安
帶領黑龍江及京旗官兵駐紮直東境內如有匪
徒滋擾卽會同各該省官軍立卽勦辦張之萬現
駐許昌而豫省捻蹤肆擾僧格林沁督兵赴豫偵
察賊情應將何股先行勦洗該大臣必有權宜豫
省各軍應令如何相爲策應並著與張之萬商同

調遣

上諭內閣曰直隸大順廣道祝壇經僧格林沁派令
隨隊籌辦糧草均無遲誤尙有微勞祝壇著交部
議敘

二十七日辛未閩敬銘奏言宋逆餘匪棄船鳧水

翻山逃竄臣當飭通省各州縣出示懸賞並派
弁改裝易服入山暗訪尙未確有實在蹤跡疊

據東平平陰等州縣稟報拏獲賊黨汪禧等十
四名又獲著名賊目于得城卽余四元帥等七
名又孔三卽孔廣雨等二十四名訊據汪禧供
宋逆死黨三十餘人至東平鵬鵝嶺地方卽往
山深處東北逃走據于得城供宋逆在開州黃
河岸邊同著名頭目郭憬會劉厚德張夢海搶
船下駛因被官兵礮船攔擊始梟水上岸逃遁

其郭憬會劉厚德張夢海等均已轟斃落水身
死宋逆僅有夏七一人跟隨逃走據孔廣雨供
跟隨宋逆在開州劉家屯搶船順流至姜家溝
因有官軍堵截在子山腳下鳧水上岸各散宋
逆與其弟宋憬書叔姪三人赴東南山中逃走
等語臣卽據供行文各州縣營汛分路躡緝並
飛咨漕臣飭屬一體查拏又據聊城縣知縣稟

報在縣境之黃現屯將宋逆之母宋張氏妾宋馬氏弟婦宋高氏緝獲到案據供伊等先已四路逃匿實不知宋逆下落臣查宋憬詩詭譎異常窮蹙之餘暗與其黨四散奔逃使蹤跡無可捕捉茲據各路訊明賊供是該逆實由開州搶船由濮范水套直達東阿境內子山下鳧水翻山向平陰東平一帶竄去該處與兗沂等郡山

路相連固當防其南竄而宋逆隻身易於藏匿
難保不溷跡潛回 臣仍通飭各營縣會合捕拏
務在必獲其逆眷婦女三口暫行監禁以繫該
逆之心或可由此推究躡緝至其餘零匪尙有
未盡淮僧格林沁咨開派都統定安在直東一
帶追剿 臣亦分撥各營在館陶臨清高唐恩縣
等處分路駐紮以期餘孽悉除肅清疆圉奏入

上命議政王軍機大臣傳諭吳棠閻敬銘曰閻敬銘
奏訊據賊供宋逆死黨三十餘人由鷓鴣嶺地方
往山深處東北逃走賊目郭憬會劉厚德張夢海
等均被官兵礮船轟斃落水身死又供宋逆僅有
夏七一人跟隨又供宋逆與其弟宋憬書叔姪三
人赴東南山中逃走該署撫已派各州縣營汛分
路躡緝並將宋逆之母宋張氏等緝獲等語宋逆

蹤跡詭秘恐其由兗沂山徑南竄徐屬著吳棠飭
令各州縣懸賞購綫嚴密偵探務在必獲毋令入
境勾結苗黨或致死灰復燃閻敬銘仍當督飭地
方官防其回竄不可稍涉疏懈其朱登峯程敬書
張廣德等及零星餘黨尙屬不少著一體緝拏務
期淨盡儻有漏網匪徒再行勾結爲患惟該署撫
是問白蓮池一帶聞尙有匪徒藏匿山谷僧格林

沁大軍南下恐該匪餘燼復熾乘機盤踞不可不
嚴行搜捕著閩敬銘會同國瑞派兵搜緝以收廓
清之效

二十九日

癸酉

吳棠奏言蒙圍危急陳國瑞於九

月十一日約會英翰姚廣武等軍由西北面進
派總兵郭寶昌副將康錦文等帶隊由北面進
參將駱得勝等帶隊由東面進各軍開槍轟擊

斃賊二百餘名官軍越過二道賊濠直逼賊壘
副將康錦文受傷都司李福守備馬敬千總曹
學純先後陣亡傷亡兵勇三百餘名宿境捻股
竄窺臨渙圩者由周家圩築壘二座以截艾憲
銀等軍之後艾憲銀與訥穆錦等各隊出勦攻
毀賊築二圩餘捻仍踞楊溝背等圩負嵎相抗
陳國瑞以臨渙一路爲蒙軍最要糧道當囑姚

廣武等隊赴宿勦擒並截留自浦撥往之副將
張從龍一軍順道先勦擒匪再赴蒙營臣查陳
國瑞一軍兵力本單不足以制圍蒙之賊連日
傷亡將士多名不惟無救於蒙圍且恐苗逆生
心乘機出撲官軍營壘兇燄更張正籌畫閒據
淮徐揚海道朱善張稟稱直東軍務肅清鄒縣
兵馬整齊侍郎國瑞指日隨同親王僧格林沁

分道南下征苗因曹州水阻改由韓莊取道徐州各等語合無仰懇

天恩飭親王僧格林沁刻日移軍入皖不惟宿永各
縣可以一麾而定且能留蒙邑一城將來進戡
逆苗尤省兵力奏入

上命議政王軍機大臣傳諭僧格林沁曾國藩富明
阿吳棠唐訓方曰吳棠奏陳國瑞與姚廣武英翰

等軍分路進攻圍蒙賊壘受傷陣亡兵勇三百餘名之多宿捨竄窺臨渙圩者又築壘以截艾憲銀等軍之後羣賊負固踞楊溝背等圩陳國瑞以臨渙一路爲蒙軍最要糧道令姚廣武等軍赴宿剿辦似此情形蒙城固已十分危殆而陳國瑞之軍損折日多不惟無救於蒙圍且恐苗逆乘機出撲官軍營壘兇燄更張吳棠所撥各軍又不能不先

顧臨渙糧道如或蒙城不保該逆得以據爲北路
巢穴卽使援師大集攻剿更難措手僧格林沁現
已由東督兵赴豫著卽於抵豫後迅速布置赴皖
救援先解蒙城之圍其豫境各捻應如何分路堵
剿籌定機宜可卽交張之萬毛昶熙等辦理該大
臣卽督飭各軍先行剿辦苗逆設法保全蒙城俾
有進兵之地該大臣務當先其所急迅卽籌辦不

可爲豫捻所牽致令苗黨得以愈益臨張陳國瑞
兵力本不甚厚奮力血戰徒多損失該營所需炸
礮等項並著僧格林沁飭催各營迅卽分撥解往
以資利用李世忠所部與富明阿統領各軍分南
北岸進兵該提督效用正殷卽著曾國藩加之激
勵飭令迅速進攻並飭駐紮潁六各軍分路並進
以制賊勢富明阿所部各軍仍與唐訓方會商設

法援應蒙城內外諸軍力圖保全並與陳國瑞熟
籌進攻機宜毋徒輕進致挫軍威吳棠仍飭姚廣
武等軍趕緊疏通臨渙一帶糧道並將糧餉軍火
等項源源籌濟僧格林沁所部各軍馬多步少淮
河南北一帶汊港紛歧利於步戰所有一切馳逐
攻堅之事著曾國藩富明阿唐訓方嚴飭楚軍奮
勇當先不准因僧格林沁督軍前來觀望推諉致

有貽誤陣亡之都司李福守備馬敬千總曹學純
均著交部從優議卹

同日官文嚴樹森奏言捻逆由鍾祥縣境轉竄
棗陽之吳家店復由棗境折回竄入隨州之茅
茨畝分股竄擾其由茅茨東竄一股八月二十
五日擾及隨州之大悲店等處經總兵沈俊德
等督隊截剿頗有斬擒二十七日賊馬步二萬

進撲隨州小南門知州潘亮功督勇出城扼堵
總兵趙克彰率隊馳擊賊卽卻退二十八日沈
俊德率軍馳抵城下賊遂繞赴隨州以東盤踞
應山所屬之馬平港二十九日沈俊德趙克彰
督隊往勦賊黨擁來撲各營士卒爭先奮擊斃
賊一千數百名三十日賊由馬平港南趨平林
市一帶逼近德安府城偵知有備遂由平林市

東趨魏家店等處九月初二日徑犯應山縣城
爲總兵楊朝林所敗奔向劉家店適營總保陞
馬隊馳至又敗之初四日賊至孝感之楊家河
焚掠保陞督隊馳往斬賊目二人追至應山之
太平鎮斬馘無算是夜賊南竄孝感之小河溪
花園地方邊馬擾及白河鋪初五日竄至雲夢
縣境大股盤踞小河溪初七日竄青山口圖撲

黃陂因闕有副將王桐柏馬步七營扼紮仍折
回小河溪北竄應山之廣水驛等處其由茅茨
畎南竄一股擾及京山縣界及天門之阜市等
處均經兵團擊退九月初二日該逆分股東趨
應城之巡檢司總兵梁洪勝副都統安圖督隊
迎擊大呼進殺賊衆披靡走入角廟而去其分
撲應城各股亦經梁洪勝等擊敗紛紛逃竄我

軍跟蹤追剿殺賊五百餘人初五日賊竄應城
東南之長江埠梁洪勝等軍分路進剿斃賊二
千餘人賊之全股遂麕集於長江埠初七日水
師副將唐瑞廷總兵左光培各率礮船駛至其
時賊衆萬餘併力抗拒我軍巨礮連環斃賊千
餘名初九日賊向西北宋河一帶遁去臣等現
已分飭水陸各軍分道窮追總期痛加懲創綏

靖邊隅兼保武漢惟此股竄捻尙未殲除淨盡
而苗黨王金奎一股復有由豫省臨潁舞陽一
帶圖竄鄂省之信折衝禦侮固賴前敵諸軍而
士氣之激揚則端資乎獎勸此次梁洪勝等水
陸獲捷甚爲出力謹先行開列仰懇

天恩其打仗陣亡各員並懇

飭部照陣亡例從優議卹並入祀死事地方及各原

籍昭忠祠以慰忠魂奏入

上命議政王軍機大臣傳諭官文嚴樹森曾國藩張
之萬曰捻匪由豫省竄入楚北鍾祥縣境折回隨
棗歷隨州德安應山以至孝感雲夢復分股由隨
州之茅茨畝南趨京山大門至應城之長江埠均
經官軍水陸截剿屢獲勝仗官文等現飭各軍分
路窮追著卽飭令在事文武實力堵剿務將各匪

就地殲除毋任旁竄其王金奎一股復有由豫省
臨潁舞陽一帶竄擾鄂疆之信著官文嚴樹森分
布兵勇嚴密遏截並著張之萬迅速派兵截擊杜
其竄鄂之路隨棗應山一帶接壤南陽信陽該匪
被鄂省追剿緊急勢必回擾豫疆應城孝感一帶
距皖省西界較近亦應防共竄入著曾國藩張之
萬各於交界地方派兵防堵會同鄂軍前後夾擊

毋任匪蹤奔突毫無攔阻此次擒股分擾鄂豫兩
省飄忽靡常往來如織曾國藩張之萬務當與官
文等合力同心將該逆痛加掃蕩毋得各顧本境
強分畛域致令匪蹤蔓延

上諭內閣曰此次辜捻由河南闖入湖北等處經總
兵沈俊德等分投迎剿斬馘無算餘賊分路潰走
仍著官文等督飭水陸各軍將竄捻悉數殲除毋

任蔓延所有尤爲出力之記名副都統安圖著賞
加都統銜記名總兵梁洪勝著交軍機處記名遇
有總兵缺出提奏並賞加提督銜副將歐陽懷忠
著賞加總兵銜都司盧成龍著免補都司以遊擊
儘先補用記名總兵左光培著俟補總兵後以提
督用儘先副將唐瑞廷著賞加總兵銜並賞給勛
勇巴圖魯名號參將張宏亮著免補參將以副將

儘先補用陣亡之副將李春華參將嚴兆堃曾承
歡徐在德遊擊孫雲貴王科林都司鍾敬忠李基
富鄧國祥守備鄧尙勝喻定魁千總吳開運楊心
定陳魁聯沈友蘭把總劉建家劉南有李正新外
委李榮珪均著交部照陣亡例從優議卹並入祀
死事地方及各該員原籍昭忠祠以慰忠魂

中央研究院
國史館藏書

欽定剿平捻匪方略卷二百二 癸亥年

中央民族學院圖書

十月初二日 亥乙 僧格林沁劉長佑奏言

欽定四庫全書

詩駭黨朱登峯一股疊經馬隊追剿由館陶羅

家河口竄過衛河以西經 臣 僧格林沁飭副都

統定安等尋蹤追剿 臣 劉長佑亦飭藩司王榕

吉督同遊擊湯繼揚等帶兵截擊該逆僅餘馬

賊五十餘名九月二十二日竄至邱縣城東因

後有馬隊追勦前有步隊截擊無路可遁窮極
詐降王榕吉當委知州楊詠春等會同定安等
帶隊合圍該逆仍敢抗拒經官軍斬馘八名將
逆首朱登峯及其弟朱登山等四十餘名全數
擒獲解往大名臣僧格林沁行營臣劉長佑因
面商善後事宜亦至大名會同審訊據朱登峯
供稱係冠縣人與宋憬詩同夥至張廣德在蘇

曹集被大兵擊敗旋卽逃逸程敬書於回竄衛
河時亦卽潛逃逆首宋憬詩於九月初二日帶
領百餘人由開州登船逃入黃河不知去向等
語查朱登峯等係屢降復叛之賊今因被勦詐
降實屬罪無可逭遂於訊明後均卽正法臣僧
格林沁於二十四日自劉貫莊起程二十六日
行抵大名與臣劉長佑會晤所有在逃之程敬

書張廣德二犯仍令地方官一體嚴拏毋使倖
逃現在直東並無成股賊蹤 臣僧格林沁卽督
軍由內黃至延津渡河赴豫相機剿擒 臣劉長
佑卽赴廣平順德一帶督令地方文武實力搜
捕仍回威縣調度一切此次擒獲首從各逆之
遊擊湯繼揚等均屬著有微勞可否存記彙保
之處出自

天恩

同日曾國藩奏言再近日軍情北岸臨淮六安諸營防守尙穩惟蒙城糧盡援絕恐難持久又有陳大禧捻股由豫入鄂歷竄隨州棗陽應城麻城以達黃州勢將闖入皖境皖北祇此兵力別無迎擊之師殊爲可慮

同日富明阿奏言臣撥兵援蒙已進紮長淮衛

擬卽攻懷遠以分圍蒙賊勢查苗沛霖糾集賊
黨併力蒙城黨與雖多亦非盡甘心從逆經臣
與唐訓方妥爲遣散出示招撫旋據練董江蘇
候補知府田端書稟稱接據被脅練總張大儒
等函稱九月十五日約同淮河兩岸民圩將苗
逆糧臺焚燬並將管糧之金姓殺斃現已集有
二萬餘人卽攻下蔡且有李世功內應已在石

頭埠截留苗逆糧船百餘號等情其遠近各圩
願投誠者甚多當經 臣札飭該練總等迅集圩
團攻克下蔡斷賊糧道仍一面先其所急將由
揚來援之四千人調赴蒙城以都統克蒙額所
帶馬隊一百餘人作爲嚮導已於九月二十一
日飭翼長詹啟綸等拔隊陸續起行 臣於二十
五日督師前進惟前軍一撤恐賊乘虛思逞投

集賢堂卷之三十二
四
誠各圩又失所望當飭王才秀所部一千四百人仍紮蚌埠前敵並咨商唐訓方撥兵填紮後路李世忠援臨之軍已有萬人如下蔡得手正可乘勢進攻應請

旨飭下李世忠迅卽分兵攻取苗逆老巢蔣凝學等軍恢復壽州唐訓方進圖懷遠臣卽由蒙城督同陳國瑞等軍力解蒙圍相機進取均奏入

上命議政王軍機大臣傳諭僧格林沁劉長佑曰逆
匪朱登峯等均係屢降屢叛之賊此次被剿窮蹙
詐降經官軍合圍剿捕全數擒獲正法在事出力
之遊擊湯繼揚等著准其存記彙保候旨獎勵其
在逃之程敬書張廣德二犯著劉長佑嚴飭地方
官實力搜捕毋任倖逃法網現在直東境內雖無
成股賊蹤惟逆首尙未全獲大名河間一帶伏莽

尚多難保不因僧格林沁大軍赴豫餘燼復燃僧
格林沁在大名與劉長佑會晤自必將一切未盡
事宜告知該督著卽責成劉長佑督飭文武員弁
及地方官吏認真搜剔務絕根株

上又命議政王軍機大臣傳諭僧格林沁曾國藩富
明阿唐訓方曰僧格林沁現由延津渡河赴豫勦
捻此時豫捻竄擾何處未據張之萬入告僧格林

沁入豫境後察看賊情如不甚重卽當由歸德一路進兵先搃蒙城之急昨據吳棠奏侍郎國瑞擬由韓莊取道徐州南征苗逆等語鳳凰山附近地方有無餘匪潛匿如無須國瑞駐師鎮壓卽著飭該侍郎迅由徐宿前進俾附逆各圩咸知僧格林沁大兵將到各思效順則苗練之勢漸孤勦辦自易得手况被脅練圩非盡甘心從逆現有練董田

端書張大儒等將苗逆糧臺焚燬並將管糧之金
姓殺斃聚集二萬餘人圍攻下蔡若乘此機會懸
以重賞予以優獎而以勁旅繼其後提挈而鼓舞
之則各圩之反正者必多蒙城之圍可期立解著
僧格林沁迅速妥籌辦理富明阿現已馳赴蒙城
兵力漸厚著督飭陳國瑞等併力進攻或分兵赴
全家集扼紮渦河上游截賊糧運以牽制賊勢均

著富明阿相機妥辦富明阿拔營後新撫各圩必
得大軍鎮撫王才秀蚌埠一軍尙嫌單薄著唐訓
方添撥兵勇前赴長淮衛等處駐紮以壯聲勢李
世忠援臨之軍已有萬人著曾國藩乘機利導飭
令分攻苗逆老巢檄調蔣凝學規取壽州唐訓方
亦卽率師進圖懷遠務期四面兜剿使該逆首尾
不能相顧自不難擣穴擒渠陳大禧股匪由隨州

竄近黃州勢將闖入皖境會國藩仍當抽調得力
將領會同鄂軍前截後追以收夾擊之效毋稍大
意

同日英桂奏言探得宋逆被山東團勇擊散後
分股回竄現有馬賊數百名由祁州定州各境
竄至易州之倒馬關一帶該處距晉省之靈邱
廣靈二縣均不甚遠當卽咨行大同鎮臣慶德

雁平道興奎轉飭沿邊各縣地方文武實力嚴防並派署東路營參將倭仁泰帶兵二百名馳赴靈邱等縣相機堵禦查宋逆餘黨被擊狂奔趨向靡定現已擾及易州一帶則山西靈邱廣靈二縣與繁峙五臺等縣均屬毗連該匪被追無路難保不鋌而走險圖竄晉疆又飭興奎先赴五臺等縣擇要布置並咨慶德就近勤加偵

探一有賊蹤卽帶兵親往堵禦仍飭各地方官
激勵紳團以助兵力奏入

上命議政王軍機大臣傳諭英桂曰宋逆被官軍擊
敗後隻身潛逃現在直東已無成股賊匪惟零星
敗匪豕突狼奔直隸易州一帶地方與山西接壤
自應嚴密防範卽著英桂嚴飭慶德等督率在防
兵勇認真堵剿勿令擾及完善

初三日丙子張之萬奏言九月初二日張總愚大

股竄至汝州邊境初三日卽入魯山前隊進薄

縣城知縣左駿章督勇擊退初四日該匪分股

竄踞城東張南莊圖撲城關該縣典史王肇塘

選帶團勇乘夜縋城往劫賊營擊殺多名賊衆

驚遁是日張曜大軍由汝州追勦初五初六初

七等日追至魯山北界之大營集一帶疊次進

擊擒斬甚多賊衆退伏魯山縣境之梁窪等處
其竄近城關者均經團勇擊卻惟魯邑西境接
壤盧氏直達武關臣以賊情詭譎恐將循山入
陝飛飭張曜分軍守隘扼賊西犯並檄南陽鎮
總兵圖塔納南陽府知府傅壽彤會督兵團扼
紮裕境復調遊擊王文行帶步隊兩營由葉縣
進紮以杜紛擾又慮該匪被勦南竄派守備郝

永剛帶隊疾趨南召會圍截擊十五日黎明該
匪乘霧復撲魯山縣城知縣左駿章率勇迎擊
殺斃數十名賊遂竄入南召縣境前隊悍賊由
閒道窺伺城垣知縣曾照帶團力擊郝永剛率
隊續至將賊擊退十六十七等日賊匪疊次撲
城均經兵勇截擊斃賊不少敗賊向南奔竄十
九二十等日張曜會同參將周明崑等帶領馬

步各隊由魯山追至南召城南十里鋪口字河等處斬擒甚衆是日副將永奎亦帶馬隊踵至該匪退至口字河池南屯踞查張逆大股被剿南趨經官兵節節追擊疊挫兇鋒刻下張曜之隊緊躡於北裕州之防密布於東揣度賊情必乘南面空虛循熟入楚臣已飛咨楚省迅撥重兵嚴守邊要以備夾擊至南召西南爲鎮平正

西爲內鄉接壤商南爲多隆阿大軍餉道尤關
緊要已飭張曜酌撥勁旅馳赴鎮平內鄉交界
扼要據守勿使竄近秦境一面督率永奎王文
行等軍就南召山內盡力痛勦如賊勢南走卽
星夜跟追與楚師會合夾擊

張之萬又奏言 臣前派總兵李殿元一軍留紮
息境前後擒斬匪黨甚夥並誅逆首張振全之

弟張政渭張政行等九月初七日賊復襲破正陽所屬之楊莊寨李殿元聞信帶兵往勦該匪已被代理正陽縣知縣朱淦擊走竄踞正息交界之王寨十四日李殿元等分率兵練進偪把總劉泰成等越濠奮擊中礮陣亡各隊伏於附近村莊乘夜圍攻施放火器將寨中草屋延燒賊悉棄寨遁去兵練分投截殺擒斬百餘名餘

匪向東北狂竄現飭李殿元等探明賊蹤務將
張政渭等首夥各賊悉數殲除陣亡之擬保花
翎守備儘先把總劉泰成擬保把總陳大德應
請

旨飭部從優議卹

張之萬又奏言 臣前因唐訓方奏調官兵馬匹
赴臨擬將察哈爾馬一千匹黑龍江餘丁五百

名儘數由善慶管帶前赴臨淮援剿所有綏遠
城馬一千匹吉林兵丁五百名仍交豫省訓練
業經奏准在案嗣因綏遠城察哈爾馬匹吉林
官兵陸續到豫臣因豫軍統帶馬隊乏人請將
副都統薩薩布留於豫省其管帶黑龍江餘丁
之副都統善慶仍令赴臨防剿拜摺後據薩薩
布函稱九月十三日已由陳留縣取道赴臨正

在萬分焦灼適據河北州縣稟報副都統善慶
管帶黑龍江餘丁十六日行抵安陽不日到省
伏思薩薩布旣已赴臨卽臣前奏仰荷

恩俞准其來豫往返需時亦難懸兵待將可否卽令
善慶留於豫省之處恭候

聖裁再臨淮一路近有都興阿派兵二千人赴援富
明阿帶兵繼進李世忠亦親率五千人前往夾

淮分屯尙足自固豫省則毫拾憂其李大個
攷葛小牛兩股雖經官兵偪令歸巢而程老砍
一股駛向湖北尙在應山屯踞窺伺豫南光山
羅山同時告警至張總愚大股由登封竄入魯
山寶豐擾及南召賊衆兵單軍務日亟一日豫
省邈迤平原無險可扼若非馬隊斷難爲功惟
有仰懇

天恩准將撥往淮臨之黑龍江餘丁五百名察哈爾
馬一千匹留於豫省統歸善慶管帶以資防剿

奏八

上命議政王軍機大臣傳諭僧格林沁官文嚴樹森
多隆阿劉蓉張之萬唐訓方張集馨曰張總愚股
匪竄入魯山縣境經官軍追剿勝獲賊復竄撲南
召縣城爲守城兵練擊退並經張曜督軍追及於

城南十里鋪續獲勝仗此股捻匪人數衆多現被
偪勦南趨勢必西竄商維南窺皖楚該處係三省
扼要之區且與鎮平內鄉接壤偪近武關爲多隆
阿大營轉運軍火之路亟應加意嚴防張之萬務
當督飭張曜派撥勁旅嚴扼鎮平內鄉交界險要
勿令西窺陝境仍督率永奎王文行等各隊與張
曜所部就南召山內四面圍勦勿令他竄並知照

楚軍迎頭會剿以期迅掃逆氛陝南興安一帶徧地賊蹤儻被此股捻匪竄入勾結蔓延益難收拾著劉蓉張集馨督飭商維文武各員鼓勵兵團嚴密堵截一面知照李雲麟就近防剿並著多隆阿籌撥兵勇扼守武關毋令該匪闖入腹地襄樊隨棗一帶爲捻匪由豫竄楚熟徑著官文嚴樹森迅飭在防將士扼要固守僧格林沁現已督兵由大

名前赴豫省儻此股捻匪因陝楚兩路防堵嚴密
折回東竄卽著迎頭截擊以殄狂氛豫省正息各
境伏莽未靖逆首張政渭張政行等結黨襲破正
陽所屬之楊莊寨復竄正息交界之王寨雖經總
兵李殿元將該匪擊散而逆首並未就獲仍慮餘
燼復燃著張之萬督飭李殿元並該地方文武迅
將張政渭等首夥各賊悉數殲除毋留餘孽陣亡

擬保守備儘先把總劉泰成擬保把總陳大德均
著交部從優議卹薩薩布已由歸德馳赴臨淮卽
著唐訓方飭令管帶馬隊聽候調撥現在豫省賊
勢鷗張馬隊統帶乏人善慶適帶黑龍江餘丁行
抵豫境著照該撫所請准其留於豫省並將撥往
臨淮之黑龍江餘丁五百名察哈爾馬一千匹一
併留豫歸善慶統帶以資防剿本日據李鴻章奏

劉長佑派赴上海招勇之參將吳永敖已撥給銀三千兩由滬渡江招集楚勇馳回館陶此項楚勇能否留於豫省助剿之處已諭劉長佑酌量辦理

同日江蘇巡撫李鴻章奏言准戶部咨直隸督臣劉長佑奏委參將吳永敖馳赴上海招募楚勇一千名管帶來直以助防剿聲明由江蘇應解免單稅銀項下酌撥銀二三千兩以作行糧

茲據署蘇松太道黃芳詳稱該員任內發給免單所收稅銀均隨時濟放軍餉並無存積現奉直省奏撥免單稅餉惟有在洋稅內動撥銀三千兩交參將吳永敖兌收並據參將吳永敖稟稱領銀製備軍裝等件於九月初一日由滬渡江招集楚勇馳回館陶大營以備攻剿各等情臣已飭吳永敖將所募勇丁沿途嚴加約束妥

速前進奏八

上命議政王軍機大臣傳諭劉長佑曰據李鴻章奏稱上海免單稅銀均已隨時抵放軍餉並無存積另在洋稅項下撥銀三千兩交吳永敷支領由滬渡江招集楚勇馳回館陶大營助剿等語現在楊殿一朱登峯等股匪節經官軍殲除其未獲逆首程敬書等及零星餘匪昨諭劉長佑嚴飭地方官

實力搜拏諒不難剋期蕝事豫省捻蹤肆擾兵力甚單此項新募楚勇如非直隸軍營所必需卽由該督咨行張之萬撥赴河南助剿捻匪著劉長佑酌度情形奏明辦理

初四日 丁丑唐訓方奏言查荊州將軍富明阿已

於九月二十一至二十五等日由長淮衛拔隊前赴蒙城以期力解重圍 臣先於二十日親赴

長淮衛與富明阿熟商以陳國瑞一軍分扼各處恐形單弱已由臨淮添派宋慶一軍歸其調遣而富明阿兵僅四千人臣前所撥王才秀所部千四百人仍紮蚌埠未能同去因飭英翰所統各軍悉歸調度臣於二十二日回臨淮後據英翰稟稱苗逆知蒙城糧食將盡連用雲梯環攻我軍擬繞過城南紮營以安人心陳國瑞亦

已分兵泗渡南岸斷賊水陸糧運益以富明阿
親督大隊往救當可解圍其淮河南岸各圩紳
練如田端書姚紹珍等引衆效順者甚多已會
同富明阿各給札諭令其集團攻克下蔡許以
優獎如能獻首逆立予重賞 臣復令遊擊郭清
標前赴劉府考城一帶聯絡紳練期收實效李
世忠現率大隊於二十三日由五河疾趨乘夜

西上已由長淮衛直進姚家灣相機勦辦至北
岸之洪家灣前係富明阿全部所駐今祇王才
秀千四百人留防兵勢過單復飭何紹彩一軍
移紮該處駐守馬村溝之李顯發如移軍隨李
世忠前進卽檄駐防鳳陽之朱淮森抽調兩營
填紮其王莊曹老集一帶收撫各圩飭普承堯
相機辦理臣仍不時督率各軍探明何路緊急

卽從何路策應

唐訓方又奏言據蔣凝學稟稱悍捻秦喧朱滑
攷等盤踞潁西迎仙店諸圩肆行焚掠爲皖豫
閒巨患我軍抽隊進剿疊獲小捷十月初七八
等日我軍四面環攻逆勢不支於初八日夜冒
死衝突我軍截擊賊衆就殲當將該圩平毀十
一日復進剿陳家集之陳大常並張小地張小

八等捻圩陳大常自願繳械平圩等語臣仍飭
蔣凝學毛有銘各軍相機進攻以孤苗黨奏入
上命議政王軍機大臣傳諭僧格林沁富明阿唐訓
方曰淮河南岸紳練田端書等引衆效順唐訓方
現已會同富明阿各給札諭許以優獎並懸立重
賞購獻首逆其劉府考城一帶復令遊擊郭清標
前往聯絡紳練著富明阿唐訓方乘此機會設法

鼓舞以收人心並令該紳練等集團攻克下蔡以
制蒙城賊勢各圩旣望風效順則苗逆之黨與日
孤惟甫經反正各圩人心未定亟須分撥勁旅與
之聯絡著富明阿唐訓方迅速籌辦前諭僧格林
沁入豫後察看賊氛如不甚重卽由歸德一路進
兵先拯蒙城之急現在蒙城米糧久斷朝不保夕
僧格林沁務當相度皖豫兩省情形先其所急不

可顧此失彼被脅各圩想該大臣行抵皖省歸者
益衆卽著遵奉前旨懸賞奏獎多方鼓勵以散苗
黨而孤賊勢富明阿現赴蒙城當分兵斷賊水陸
糧運激勵諸軍進攻賊營速解城圍李世忠已親
督大隊由五河西上李顯發亦率所部由馬村溝
拔營繼進卽著唐訓方咨令該提督專攻南岸迅
拔壽州並飭蔣凝學毛有銘等軍進取潁西各圩

勦撫兼施以分賊勢唐訓方仍遵前旨撥兵收復
懷遠令苗逆兼顧不暇庶勦辦可期得手至南北
兩岸進勦各軍後路仍著該撫察度情形分兵策
應

初六日 己卯 翰林院侍講學士衛榮光奏言查宋

逆經僧格林沁擊散後黨與尙駭如直隸山東
河南交界處所時有匪徒嘯聚攔劫商旅焚掠

居民地方官以未成巨案概置不問日久勾結
漸多肆行無忌近日聞有通賊拒官情事一日
僧格林沁大兵南下餘賊糾黨乘虛揭竿一呼
伏莽四應將有變而加厲之勢前湖北撫臣胡
林翼治鄂時興國崇陽等處從賊者甚多胡林
翼以保甲之法行之勒令戶首捆斬三千餘人
迄今並無土匪滋事之案足見養癰以貽患不

如除暴以安良應請

飭下直隸總督山東河南巡撫會商辦理於直東豫
三省交界地方擇一久厯戎行之員作爲統領
挑選馬隊一二千人步隊五六千人駐紮該處
勤加訓練相機勦辦並責令各州縣實行保甲
清查戶冊所有宋逆黨與暨著名土棍悉數查
拏毋任一名漏網庶亂萌旣遏地方悉就肅清

衛榮光又奏言近年皖捻肆擾大河以南數十州縣蹂躪幾徧惟河北彰衛懷三府尙屬安謐所恃者黃河天險爲之捍蔽耳黃河爲三府屏障而三府又爲畿輔藩籬萬一防衛不嚴捻匪搶渡於大局實有關繫前以添設防河大臣俱不得力因而撤去臣竊謂派一客官權雖重而呼應不靈不如責成地方任旣專而聯絡較易

河北道有分巡之責河北鎮有統帥之任皆宜
講求營制肅清地面卽如今年東匪滋事該鎮
道若能早設邊防協力助守於宋逆餘黨竄擾
濬縣內黃時迎頭截擊則翦滅固易易以二
三百餘匪往返數次如入無人之境未知該鎮
道所司何事也應請

旨飭下河南巡撫責成河北鎮道訓練士卒聯絡鄉

集賢堂 卷之三十一
三十一
團於沿河一帶認真防守則河北聲威旣壯該
匪自無窺伺之心矣奏入

上命議政王軍機大臣傳諭劉長佑閻敬銘張之萬
曰衛榮光奏請嚴緝北路奸匪暨責成河北鎮道
防河所奏不爲無見直東各屬自逆匪倡亂以來
疊次厚集兵勇分路兜剿復特命劉長佑督辦三
省事宜以期事權歸一僧格林沁督師攻剿已將

各股匪次第翦除在逃各匪責令該管各地方官
隨地搜捕僧格林沁南下復留定安統帶黑龍江
及京旗官兵駐紮直東交界地方巡緝彈壓現在
兵勇已不爲少著劉長佑閻敬銘張之萬按照衛
榮光條陳各節悉心酌覈分別試辦一面力行保
甲將宋逆黨與暨著名土棍責令戶首捆獻明正
典刑以靖地方至黃河捍蔽河北三府防守最關

緊要總因該鎮道等不能認真巡防致前此宋逆
餘黨竄擾濬縣內黃時往返數次毫無阻遏殊爲
可恨著張之萬責成河北鎮道講求營制扼要設
防並聯絡鄉團於沿河一帶實力守禦遇賊卽擊
庶各匪不得肆意竄越

中央圖書館
藏書

欽定勦平捻匪方略卷二百三 癸亥年

十月初七日庚辰劉長佑奏言僧格林沁於九月

二十八日由大名起程赴豫臣因大名屬之開

東長三州縣與豫省毗連當飭大名道祝壇將

所部豫勇一千五百名妥爲分布以防竄越並

調署大名鎮總兵姜國仲將所部官兵一千名

由順德臨洺關防所撤回郡城派藩司王榕吉

帶領練勇由廣平肥鄉一路巡查臣親率小隊
由成安邯鄲取道永年曲周一帶周歷訪察臬
據稟報續獲宋逆分股賊目邱得勝李得城程
來書并夥賊葛登幅梁兆玉等二百八十餘名
訊明正法並據知府余承恩稟稱岳金聲股匪
除查出被脅愚民遞籍保釋外其餘夥一百六
十四名悉數斬首梟示以昭炯戒匪日程敬書

已在山東陶館縣地方拏獲惟在逃之首逆宋
憬詩據獲賊供稱該逆改裝冒充孔姓乘馬向
山路逃逸臣已飛咨山東撫臣閻敬銘飭屬嚴
拏務獲懲辦現因直境已無賊蹤所有先後選
調兵勇萬餘名應分別撤留以節糜費除遊擊
蔣希夷等所部豫勇八百名擬卽咨送河南撫
臣張之萬酌留備勦外其餘兵勇擬挑選精壯

三千名與臣先後奏調來直之楚勇二千名擇要分布勤加操練以期有備無患惟因軍餉短絀微特應留兵勇將來籌款維艱卽應撤各營積欠亦復不少尙須設法籌給方能遣散奏入

上命議政王軍機大臣傳諭劉長佑張之萬閻敬銘曰宋逆分股賊目邱得勝等二百八十餘名均經拏獲正法岳金聲匪夥亦悉數擒斬賊日程敬書

已在山東陶館縣拏獲直隸全境已無匪蹤前調
兵勇自應分別撤留遊擊蔣希夷所部豫勇八百
名著劉長佑卽行撥赴河南交張之萬調遣其餘
兵勇劉長佑現擬挑選精壯三千名與先後奏調
來直之楚勇二千名擇要分布勤加操練以備不
虞此外卽行遣撤著照該督所擬辦理據山東所
獲賊目供稱宋憬詩改裝冒充孔姓乘馬向山路

逃逸著閻敬銘督飭屬員實力搜查務將該逆拏
獲儻緝捕不力再令首惡乘閒脫逃致稽顯戮惟
閻敬銘是問

初八日辛巳張之萬奏言張總愚股匪麇集南召

城南之草店地方圍攻山南之太子望寨九月
二十一日張曜密令都司王占鼇等潛師夜進
行抵山南四面賊卡密布王占鼇親率兵勇連

破北面賊卡五處擊斃悍賊二百餘名墮崖落
澗死者無數我軍破圍入寨張曜亦於二十二
日整軍而出遇賊於七里灣賊糾馬步數千來
撲我軍分兩翼前進張曜親督勁旅力鎮中權
南召縣知縣曾照率團以爲後勁鏖戰良久賊
殊死鬪遊擊王文行等大呼陷陣副將永奎等
率馬隊抄擊斬馘數百名餘匪反奔我軍沿途

截殺都司許萬榜復由太子望寨率隊兜擊殲
斃尤衆敗匪奔回草店我軍追至山口始收隊
回營是日之戰王占鼇中礮陣亡許萬榜身受
重傷兵勇亦有傷亡二十三日南召辦團委員
黃璣帶勇伏於城北鹿鳴山之麓把總陳大德
帶領汛兵伏於城西知縣曾照率練勇列陣城
南賊以萬衆來撲張曜令各軍迎頭壓擊曾照

復於河灘點放大礮轟擊自辰至未撿斬甚夥
賊始敗退我軍追奔十餘里因菁密林深伏賊
甚多當卽收隊查張逆懼我躡擊節節踞險爲
巢賊情極爲狡詐臣已派兵分扼鎮平內鄉並
仍飭張曜力扼西面杜其窺伺秦境一面激勸
兵團偪賊出險盡力痛勦復令南陽鎮府督率
各屬調集鄉團扼要嚴守其陣亡之遊擊銜都

司王占鼇額懇

天恩飭部照參將例從優議卹以慰忠魂其餘陣亡
勇丁容俟查明彙案辦理奏入

上命議政王軍機大臣傳諭張之萬毛昶熙曰辜捻
張總愚股匪屬集南召城南之草店地方經張曜
派兵勇夾擊立破賊圍連日擒斬甚多此股逆匪
人數衆多最爲兇悍尤須防其西竄秦疆張之萬

已派兵分扼鎮平內鄉杜其窺伺仍著飭令在防
將士實力堵遏並令張曜力顧西路以遏紛竄南
召一帶團練尙能齊心禦賊該撫當飭在事文武
多方鼓勵力籌堅壁清野之策俾捻衆無糧可擄
自不能久踞該逆踞險爲巢俟偁令出險後卽可
盡力痛剿勿任蔓延他處如該逆窮蹙遁回老巢
卽著毛昶熙整齊兵團扼截迎剿不准縱令逃歸

致貽後患遊擊銜都司王占鼈中礮陣亡實堪憫
側著交部照參將例從優議卹陣亡勇丁著該撫
查明彙案辦理

張之萬又奏言已革副將楊飛熊前經臣以勦
辦汝州李瞻一案捏詞稟報奏參革職從重發
往軍臺效力贖罪聲明暫緩發遣仍令帶罪立
功均經奉

旨允准旋以張岡賊寨日久未克派往前敵幫同布置該革員力拔堅圩斬擒首逆深知愧奮合無仰懇

天恩俯准將楊飛熊免其發往軍臺並免繳臺費銀兩仍留豫營差遣出自

瀛慈奏入

上諭內閣曰已革副將楊飛熊前因勦辦李瞻案內

捏詞稟報經張之萬奏叅革職發往軍臺並聲明
暫緩發遣責令帶罪立功當經允其所請茲據該
撫奏稱該革員被叅後幫同攻剿張岡賊寨力拔
堅圩斬擒首逆尙知愧奮楊飛熊著加恩免其發
往軍臺並免繳臺費銀兩仍留河南軍營差遣以
爲奮勉立功者勸

初九日
壬午
官文嚴樹森奏言毫捻分股由隨州

東竄應山之廣水驛二郎畝等處其後隊時在
花園楊店一帶滋擾意在誘我駐防九子墩之
副將王桐柏一軍出壘追擊乘虛竄撲漢口因
王桐柏堅壁穩守無隙可乘該逆遂於九月初
九等日由二郎畝北趨大興店總兵楊朝林選
帶勇隊馳往截擊殺斃悍賊數十名燒燬賊館
數處賊卽驚潰由鐵鋪九里關而遁十二日復

由九里關回竄三里城楊朝林率各營馳抵該處逆匪蠡擁來撲我軍槍礮齊施賊卽潰退追殺十餘里斃匪數百名生擒賊目百餘名該逆復回三里城者欲竄往二郎畝與下竄之賊合股楊朝林於十七日率各營由大興店進攻並分兵繞出賊前截擊該逆以馬賊千餘直前衝撲我軍屹立不動槍斃賊首二名賊退踞山嶺

抗拒我軍前後夾擊施放火器燒斃逆匪甚衆
逆勢不支遂由河南羅山縣屬之鐵鋪逃逸各
營追至耿家樓而還斬馘一千餘名生擒二十
餘名其南竄應城長江埠一股由雲夢直撲孝
感縣城經署知縣宋文觀總兵左光培擊退該
逆卽竄孝感之楊店驛等處九月十二日馬步
各逆三萬餘人分撲副將王桐柏營壘王桐柏

令守備達金龍等分投迎擊賊向雙廟敗走王
桐柏等併力追殺斃賊甚多護軍統領舒保派
營總烏勒喜布等夾擊斃賊二千餘名生擒百
餘名烏勒喜布等會同王桐柏率隊追剿該逆
由黃陂縣境竄至黃岡縣屬之倉子埠擄船圖
竄漢口總兵張啟基等各率礮船轟斃百餘名
賊由許家橋回竄王桐柏率遊擊黃祖淦等分

路截殺賊衆敗遁新洲一帶我軍追斬長髮老
捻千餘名十五至十七等日王桐柏約同副將
蕭恆勝等在李家集新洲等處兜剿先後擒斬
無算賊遂繞竄宋埠中館驛一帶舒保現已親
督馬隊千餘合以王桐柏梁洪勝蕭恆勝等軍
步隊八千餘人偪賊而軍該逆不得志於漢口
必將南竄黃郡東犯蘄羅已飭沿江師船環布

集三未見之四卷三十三
扼守毋使偷渡並分軍助守黃州麻城府縣城
池檄調副將周鳳山由松子關督帶三營馳赴
蘄羅交界之團陂協同團練扼守諒茲殘寇不
難漸就殲除此次尤爲出力之宜昌鎮總兵已
革提督銜楊朝林等謹先行開列懇

恩分別獎勵其餘出力文武員弁仍俟肅清後彙案
請獎至屢次打仗陣亡之遊擊擬保參將蕭祖

繩等均懇

飭部照陣亡例從優議卹並入祀死事地方及各原籍昭忠祠以慰忠魂奏入

上命議政王軍機大臣傳諭官文曾國藩嚴樹森張之萬曰此次東竄捻股圖擾漢口經總兵楊朝林等督軍擊退敗竄河南羅山縣屬之鐵鋪耿家樓一帶著官文等督飭在事員弁乘勝跟追張之萬

迅派得力將弁迎頭截擊儻再任其紛竄惟張之
萬是問其南竄應城長江埠一股經副將王桐柏
等軍分路追截屢挫賊氛惟餘逆盤踞宋埠中館
驛一帶必須迅速殲除著官文嚴飭舒保王桐柏
等合力兜擊毋留餘孽該逆不得志於漢鎮或東
犯蘄羅則皖北防堵尤關緊要著曾國藩督飭陸
路兵勇於英霍一帶扼要嚴防實力堵剿

上諭內閣曰大股捻匪由豫竄鄂圖撲漢口經官文等督飭總兵楊朝林等馳往夾擊斃匪甚衆其南竄應城長江埠一股復經王桐柏等先後擊敗漢鎮得以安堵仍著官文等督飭將弁將竄踞宋埠中館驛之賊乘勝聚殲毋留餘孽所有尤爲出力之宜昌鎮總兵已革提督銜楊朝林著開復提督銜副將王桐柏著免補副將以總兵交軍機處記

名請旨簡放李喜溢著賞給振勇巴圖魯名號並
賞加總兵銜遊擊黃祖淦等二員均著免補遊擊
以參將儘先補用並賞換花翎其餘在事出力文
武員弁著官文等彙案保奏毋許冒濫陣亡之遊
擊擬保參將蕭祖繩從九品黃瑞麒守備銜千總
吳樂享千總彭義發把總王清然葉連升龍逢吉
郭文耀李坤益均著交部照陣亡例從優議卹並

入祀死事地方及各原籍昭忠祠以慰忠魂

同日吳棠奏言據總兵陳國瑞函稱連日出隊
進剿蒙城之匪該逆堅守不出其水路糧道現
爲我軍截斷僅由西南一帶進糧聞亦隨運隨
用所存無多我軍必須過河駐紮截其陸運之
糧方可制勝該總兵查探形勢擬由王家寨設
法渡紮截其糧路則蒙圍或可不攻自解等語

臣查苗逆異常詭譎雖經我軍屢次進攻仍不足挫其兇燄陳國瑞擬先斷其糧道實爲扼吭之策惟渦河以南賊營密布荊州將軍富明阿已帶所部馬步隊四千餘名於九月二十一日自臨赴蒙計日可到其前派宋慶管帶之一千三百名亦已到蒙兵力雖已較厚第恐苗逆糧道一斷不免有鋌走之虞惟盼親王僧格林沁

迅速移師南下庶期一鼓殲除臨渙一帶捻首
李大個攷項盤等仍在楊勾背圩屯踞現經陳
國瑞派撥馬隊會合副將艾憲銀竭力勦捕以
顧後路糧道至宋憬詩被擊逃逸臣已飭屬密
拏以期早滅渠魁奏入

上命議政王軍機大臣傳諭富明阿吳棠唐訓方曰
前諭富明阿派軍駐紮渦河上游截賊糧道以牽

賊勢此次陳國瑞擬由王家窯設法渡河駐紮斷賊陸運以扼其吭實爲制勝要著卽著富明阿督飭該總兵率領兵弁設法渡河扼紮以圖進取南岸賊營密布恐該總兵一軍尙嫌單薄現在富明阿率所部馬步四千餘名並前派宋慶一軍一千三百名均已到蒙著嚴飭諸軍奮力進剿迅解蒙城之圍並著唐訓方添撥勁旅分投策應勿專待

僧格林沁大軍致有貽誤臨渙一帶捻首李大個
孜等尙在楊勾背圩屯踞現經陳國瑞派撥馬隊
會合副將艾憲銀儘力搜捕著吳棠嚴飭該將弁
等認真勦辦以顧陳國瑞等軍後路糧道昨據劉
長佑奏據山東獲賊供稱宋憬詩改裝冒充孔姓
乘馬向山路逃逸其曾否潛匿徐屬皆未可知著
吳棠督飭各州縣嚴拏務獲以絕根株

十四日丁亥富明阿奏言臣自長淮衛起程正值

蒙城危急因卽星速前進十月初一日行抵宿州將軍火等項船隻運至同亭改由陸路轉運蒙城而同亭東西均悉苗逆捻匪出沒之區爲糧道所必由先飭翼長詹啟綸率領前敵兵二千名整隊往護初四日探聞捻首項盤陳坎李大個孜等糾約苗黨及各圩捻匪馬步賊六七

千人攻撲唐家莊意圖截我糧道臣一面派撥
千二百人護糧一面親督馬步兵勇八百名迎
勦行抵袁家集據報逆隊五六千人已至唐家
莊一帶卽派副都統克蒙額督帶馬隊潛赴八
里莊設伏令侍衛壽昌委營總富陞等帶馬隊
分路進攻臣督隊繼進至唐家莊地方該逆列
隊抗拒我軍迎擊鏖戰多時適克蒙額伏兵由

賊後衝出馬步從旁包抄壽昌富陞攻入賊陣
槍斃賊目二名餘賊敗退我軍乘勝追殺三十
餘里殲賊千餘名生擒百餘名因天晚未能窮
追旋經收隊此次以少勝多獲此大捷固屬兵
勇用命實由克蒙額壽昌富陞等三員勇敢直
前首先陷陣所致應懇

天恩先行鼓勵其餘在事出力官兵容臣查明再行

請獎 臣收隊後因思同亭至蒙營後路並無官
兵駐紮甚屬空虛恐苗捻復乘軍糧有阻當撥
兵勇千名於同亭袁家集侯家樓等處分布駐
守 臣於初六日行抵蒙城面晤陳國瑞詢悉曩
攻賊營獲勝九月二十一日派總兵郭寶昌等
帶勇渡過南岸宋慶一軍由東向南連紮十數
營二十九至十月初二等日攻奪賊營數座英

翰一軍亦渡過渦河南岸由西向南連紮十數營臣擬俟詹啟綸營盤紮定卽抽撥英翰之軍再向南抄截斷賊糧路初七日臣親督馬步各隊由渦河兩岸直抵蒙城距北門二里許察看情形見該逆圍城挖濠三道四面賊壘林立壘外小濠數層沿河圩壘叢密翼以礮船踞守浮橋一道當用開花礮轟擊斃賊無數該逆堅閉

不出詹啟綸偏近南岸賊壘搶築四營初八日
賊於浮橋口添築土壩我軍槍礮環擊攻毀賊
營兩處斃賊數十名卽飭王萬清在北岸緊偏
賊壘搶築四營是夜詹啟綸復築三營英翰等
馬步各隊進攻蔡家圩一帶截賊糧運奪獲賊
糧甚多惟城中情形甚爲急迫李世忠濟蒙雜
糧一千石已解到小澗集臣擬先奪該逆浮橋

將解到小澗集及屯營軍糧湊足千石載入礮
船乘機運送入城如浮橋不能卽得卽當步步
爲營暗開地道設法運濟總期城中得食然後
督軍輪攻庶可得手

富明阿又奏言 臣因蒙城危急滾營前進並飭
統帶淮蒙諸軍著盧鳳道英翰隨同進剿該軍
鉛丸火藥一概無存當此勦辦喫緊之時豈可

任其缺乏 臣現已分撥接濟以資進取 追溯蒙
城所以被圍 任令苗逆 挖濠築壘及懷遠失利
之故 實由唐訓方不能豫先籌顧 致誤大局 容
臣詳細查明 再行具奏

富明阿又奏言 臣屢奉

諭旨 飭將附苗各圩設法解散 遵卽與安徽撫 臣唐
訓方會商 曉諭先後投誠者 已有一百餘圩 當

此人心反正之時亟宜迎機利導其中操縱之
權必得熟悉地方情形素得民心之大員方克
勝任查前安徽撫臣翁同書民心愛戴雖膽力
稍怯治軍非其所長於地方一切事宜措置多
中窳要惟有仰懇

天恩飭令翁同書帶罪來皖立功自效以贖前愆先
將附苗各圩設法解散並將投誠各圩妥爲安

撫於軍務實有裨益奏入

上命議政王軍機大臣傳諭富明阿曰捻首項盤等
勾結圩捻攻撲唐家莊意圖截我糧道經富明阿
督率克蒙額等迎擊殲斃千餘名追殺三十餘里
實屬奮勇可嘉富明阿於抵蒙後親督馬步各隊
由渦河兩岸直逼賊營不難次第掃蕩直抵蒙城
著該將軍迅卽督同陳國瑞嚴飭各軍鼓勇前進

將城外賊壘設法鏟除其浮橋一道最關緊要務
當激勵各營密派軍士乘勢搶取以期直達蒙城
城內情形危急盼糧甚殷富明阿擬將小澗集雜
糧及屯營米石載入礮船運送自應如此辦理但
必須奪回浮橋方無阻隔所稱如浮橋不能卽得
擬暗開地道設法運濟之處能否確有把握著富
明阿斟酌妥辦翁同書前因駕馭苗逆失宜又未

能固守壽州致該逆得肆猖獗獲咎甚重所請令該革員來皖效力之處著不准行該將軍如欲招致附苗各圩自可咨會唐訓方派委馬新貽妥爲安撫開導該藩司在皖北有年熟悉情形皖北紳民諒無不樂爲之用也英翰一軍鉛丸火藥一概無存豈不貽誤攻剿雖經該將軍撥濟仍著飛咨唐訓方源源撥解毋令缺乏

上諭內閣曰擒首項盤等糾合醜類攻撲唐家莊富明阿督率克蒙額等揮軍迎擊斃賊千餘追殺三十餘里勦辦甚屬出力所有首先陷陣之副都統克蒙額著交軍機處記名遇有副都統缺出卽行請旨簡放侍衛壽昌著賞給瑪昂噶巴圖魯名號委營總富陞著以協領儘先升補並賞加副都統銜以示鼓勵其餘在事出力官兵著富明阿查明

覈實請獎毋許冒濫

十五日戊子閩敬銘奏言據臬司丁寶楨稟稱訪

聞賊目劉厚德張逢海在陽穀縣境之劉家樓莊地方潛藏卽密派千總劉家興帶領勇目前往密拏劉家興等行抵該莊該逆等持械抗拒劉家興督勇向前立將劉厚德張逢海一併擒獲又據館陶縣知縣湯履忠派役躡緝至該縣

田平村將賊日程敬書設法拏獲當將劉厚德等訊明凌遲處死其程敬書一犯已由臣飭令館陶縣就近解赴副都統定安行營亦經該副都統訊明就地梟示查此次續獲之劉厚德張逢海程敬書並已經正法之于得城等及在直就戮之朱登牽等同爲宋逆黨中悍賊均經先後殲除惟宋逆尙未就獲前據賊目薛法起等

供稱均不知逃往何處 臣早經密派弁兵並嚴
飭各屬躡緝復飛咨皖豫兩省一體查拏不令
元惡稽誅善後事宜現已漸次籌辦至宋逆匪
黨多係莘堂冠館土著之人總由平時聚處鄉
里良莠不分以致互相勾結現已將各縣餘匪
搜捕漸盡一面嚴飭各州縣實力奉行保甲之
法挨戶稽察以清盜源而安良善

閻敬銘又奏言欽奉

諭旨以宋憬詩改裝易姓乘馬逃逸令臣飭屬查拏

臣已屢次嚴諭各州縣懸賞購綫並分派弁兵
逐處挨查務獲首惡斷不敢稍涉怠玩東省軍
務漸就肅清現在情形似可無須兵力然南捻
窺伺不可不早爲籌防查東省現在防兵除僧
格林沁奏派副都統定安督領京旗馬隊八百

名在直東交界駐紮其總兵保德一軍駐劉貫
莊協同鎮撫而地方遼闊兵力不敷分布臣擬
再酌留臬司丁寶楨所募湘勇一營並千總曹
正榜一營共千五百名分紮東昌莘堂等處以
資彈壓其德州平原禹城夏津各州縣擬飭守
備郭大勝一營適中駐紮來往梭巡武定府屬
擬留都司馬春嶠一營駐紮至苗逆意圖北竄

今年夏秋捻蹤屢近曹單邊境查捻匪北犯之路一由曹單一由鄒滕南路防兵祇有總兵扎隆武帶兵八百名駐紮白蓮池僅可搜查教匪鄒縣一路惟恃國瑞一軍駐紮至曹單並無防兵現在僧格林沁移兵南下籌勦苗逆若由西南進兵該匪被擊難保不撲犯東北况捻匪動稱數十萬恐僧格林沁兵力單薄尙須調取國

瑞一軍合勦則東省門戶更屬空虛不得不豫
爲布置臣擬酌留東治六營楚勇飭赴曹單扼
要堵禦惟東省地勢平衍追賊利在騎兵現擬
於綠營馬兵中挑選一二千名彙爲一營勤加
訓練以備衝突跟追之用其餘各營勇丁臣已
全行遣散以節糜費奏入

上命議政王軍機大臣傳諭劉長佑閻敬銘曰賊目

劉厚德張逢海在陽穀縣之劉家樓潛藏當經弁
勇擒獲並將賊目程敬書拏獲均卽處死惟首逆
朱憬詩仍未就獲前據劉長佑奏獲賊供稱該逆
首改裝易姓乘馬向山路逃逸此次闔敬銘又稱
訊據賊目薛法起等供不知逃往何處元兇漏網
棄衆潛逃如果各該地方文武官紳嚴密兜拏何
難及早擒獲闔敬銘前奏宋逆翻山逃遁卽稱東

阿縣知縣吳樹聲等跟蹤追捕嗣後作何究竟豈
得任聽該地方官吏等妄行捏稟毫無實際致令
首惡日久稽誅宋憬詩一犯著闔敬銘懷遵疊奉
諭旨嚴督所屬迅速搜拏務獲斷不准任令兔脫
劉長佑亦卽嚴飭直省毗連各屬一體搜拏毋稍
鬆勁東省防兵該撫於定安保德兩軍外酌留丁
寶楨等營分紮梭巡所籌均妥直東連界各屬著

劉長佑閩敬銘各飭兩省帶兵文武實力巡緝以靖地方曹單一語不可空虛閩敬銘所留東治六營扼要設防並於綠營選練馬兵以備攻勦均照所擬辦理但須切實講求訓練毋得徒託空言虛糜餉項有負委任